


Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINMAGL 2.3.221





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.221






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.221




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.3.221









2.3- 221












SACRUM

D

MUSEUM

SACRUM

MUSEUM





2.3.221

E.I

# SACRUM MUSEUM.



1183

1187-22

1187-22









III

SACRUM  
MUSEUM  
MANTUANÆ CONGREGATIONIS  
CARMELITARUM  
DE OBSERVANTIA  
IN QVO

Celebriorum Heroum singula Simulacra  
propriis gemmis coronata, suisque locis aptè  
disposita conspiciuntur.

AUTHORE

*Reverendissimo Sac. Theolog. Mag. ac Doct.*

CLEMENTE MARIA FELINA

*Olim in eâdem Congregatione iteratò Vicario Generali.*



BONONIÆ, Ex Typographia Pisariana M. DC. XCI. Superiorum permisso.





IV

EMINENTISSIMO  
PRINCIPI  
PALUTIO  
DE  
ALTERIIS  
S. R. E. CARDINALI  
AMPLISSIMO  
ORDINIS  
CARMELITARUM  
PROTECTORI  
HUMANISSIMO.

INSTRUMENTUM

TESTAMENTI

ITALICUM

ALTISSIMA

RECTORIA

DE

RECTORIA

DE

DE





EMINENTISSIME PRINCEPS



Oëticus P. M. Felinæ  
Genius, Mantuanæ Congregationis de-  
licias, mare videlicet haud exiguum, na-  
b  
vigans,

vigans , cum Herculeas EMINEN-  
TIÆ TUÆ Columnas attigerit, ad  
NON PLUS ULTRA pervenisse  
planè videtur . Sistendum igitur, ac illis,  
Gentilitio TUO Stemmata decoratis ,  
suspenso in obsequentissimi animi si-  
gnum Plectro, litandum est . Hęc Car-  
mina animi levandi gratia confecta,  
quamvis ab invito extorta , ut Prælo sub-  
derentur, EMINENTIÆ TUÆ dica-  
ri debuerant ; cum Nulli alteri sacrandæ  
idem Author censuisset , si devictis mo-  
derationis suæ obicibus , Ipse de foetu suo  
in publicam lucem emittendo cogitasset.  
Cum enim à gravioribus curis, ac ab in-  
genti rerum mole paululùm oculos , ani-  
mumque ad hasce Musarum delicias  
converteris TU, Doctissime Ingeniorum  
CULTOR, ÆSTIMATOR, & FAU-  
TOR



VI

TOR, non dubito quin P. M. Felinam,  
TIBI aliis profectò potioribus argumen-  
tis probè notum, ex hisce humanioribus  
studiis, veluti ab ungue Leonem arguens,  
inter fulgidiora Virtutum lumina collo-  
ces. Rem tamen Authoris, ut verum  
fatear, agens, haud meæ promovendæ  
oblitus sum; nam cum TIBI, ob singu-  
larem in me dignationem, summè de-  
vinctus, & maximè inops solvendo ef-  
sem, id egi, ut ex alterius Scriniis quod  
è re mea esset, TE dignum nanciscerer.  
Id agens, in eam spem erectus sum, ut cre-  
dam fore ut equi, bonique consulas cona-  
tum meum; Is enim es, PRINCEPS  
EMINENTISSIME, Qui oblatis mu-  
neris pretium dijudices, Authoris probi-  
tatem, ac eruditionem cognoscas, ac Ani-  
mi Magnitudine offerentis tenuitatem

b 2

sup -

suppleas. Hęc in TE tam excellit,quàm  
cæteræ, quibus rutilas, Dotes, à qui-  
bus, ut alii solent, laudandis superse-  
deo, ne summæ TUÆ Moderationis  
violatæ crimen reus incurram: Quamvis  
enim quidquid scriberem infra Meritum  
TUUM esset, ità tamen es TIBI supe-  
rior, ut exiles quantùmvis laudes rentias.  
Silentio aptiùs, quàm encomiis res TE-  
CUM agenda est, tum ut pro collatis in  
me beneficiis grãtias agam, tum ut non  
desinas nova impertiri, humillimis preci-  
bus obtineam. Perge itaque, MOECE-  
NAS optime, tenuitati meæ opitulari, eo  
Syderum TUORUM influxu, quo jam  
diu, potentissimo Protectionis jubare dif-  
fuso, recreor. Inclyto TIBI PATRO-  
NO Mantuana Carmelitarum Con-  
gregatio plurimùm debet, ipse me totum;  
qui



✓II  
qui, etsi variis jactatus adversis, destitui  
tamen haud timeo, dummodo idem, quo  
in dies fruor, præsidium ab EMINEN-  
TIÆ TUÆ Clementia, & Authorita-  
te identidem liceat expectare. Sum-  
mus interim rerum Conditor mea exau-  
diat pro TUA incolumitate vota, No-  
menque TUUM ultra Anni, Solisque  
vias promoveat

Eminentia TUÆ Amplissima

*Humillimus, Obsequentiss. ac Addictiss. Servus*

Gaudentius Robertus Carm. Cong.

b 3

IN

I N L I B R V M  
E M I N E N T I S S I M O C A R D I N A L I  
A L T E R I O

*Dicatum.*

**F**ulcit Atlas Cœlum Stellis ardentibus aptum,  
Cœlum *Sideribus Sex* facit Iste Librum.  
Bonaventurę de Rubeis,

*Ad Carmelitarum Congregationem.*  
*Auspicium Cœlestis fortuna*

*Alluditur ad Conventum Sylvarum Ditionis Florentinae, in quo primò re-  
floruit Observantia, & ad Astra Eminentissimi Protectoris Alterij.*

**A***sylvis, Florumque Solo si scandis ad Astra,*  
*De Terra in Cœlum nobile fumis iter.*  
Veronelli Carmelitæ.

*In Gentilitium Stemma*  
E M I N E N T I S S I M I ac H V M A N I S S I M I  
P R O T E C T O R I S,  
*Ad Herculeas Columnas in fronte Libri*  
*suspensum.*

**H***erculis excedit Duplices tua Gloria Metas;*  
*Sint GEMINÆ CLAVES unica Meta Tibi.*  
Gaud. Rob. Carm.

LE.



VIII

# LECTORI BENEVOLO

Gaudentius Robertus Carm. Congr. S. P. D.



*N* Tibi, Lector optime, tam doctum, quàm pium; tam eruditionis, quàm pietatis illustre specimen. Authoris enim fuit mens, eo tempore, quo in nostro Generali Capitulo, juxta commendabilem Congregationis usum, communis fit Fratrum defunctorum Commemoratio, eorumque, dum humanà fruerentur aurà, præcipuæ Virtutes, & Beneficia recensentur, hoc *MS EV M* manu exaratum, uti perpetuum nostræ Congregationis Heroum Necrologium, exhibere; ut Patrum Anima, quæ tam dignis encomiis apud homines commendari promeruerunt, eò intensiùs Divinæ Misericordiæ commendarentur à Filijs. Ego verò, cui præcipuè Carmelitica sunt cordi, utpote qui Scriptorum Ordinis Acta, & Opera exhibiturus, nullis pepercipi vigilijs, nullis laboribus, nullis studijs, itineribus,



bus, ac sumptibus; quamvis, contrarijs urgentibus undique ventis, optatum Litus arripere nondum potuerim; piissima hac, fecunda, & acutissima *DISTICA*, in quibus omni laude majus cumulatam verborum acumen elucet, totius Orbis luce digna, obtinere curavi. Publicis inde Typis ea ( Authore quidem, valde gravioribus, & magis etati suae, ac professioni congruis lucubrationibus dedito, agro animo permittente ) ausus sum demandare, ne ingenita Ipsius modestia communi tum Fidelium, tum Litteratorum utilitati singulare præjudicium inferret.

Gesta Patrum, quæ admirabili Carminis suavitate, puritateq; sermonis describuntur, partim ex Romano Archivo, ex peculiaribus Conventuum Monumentis, ex Actis Capitularibus, ex P. Lezanà, aliisque Scriptoribus; partim ex varijs Amicorum fide dignis relationibus, quin etiam ex proprijs Gravissimi AVTHORIS notitijs, ipso met attestante, fideliter sunt exarata.

Quod si contigerit hoc Opus, in quo naturalis inest, non fucatus, undique nitor, à delicatis, ac ineptis quorundam auribus respui, lepidus Tibi

( *Humanissime Lector* ) sit notus eventus . Iani  
Nicij Erythrai, seu Victorii de Rossis, vel Ru-  
beis, eruditionis singularis, acris iudicij, ac suâ  
estate incomparabilis Viri Amicus quidam, cui  
Carmen egregium nobilis cujusdam Poëte, le-  
gerat. Luculentum est, inquit, hoc Carmen,  
sed nimis apertum, ac dilucidum; Poëma egre-  
gium propter puritatem sermonis vitio damnans,  
illusorium excitavit risum. Ego quoque, dum hæc  
præ manibus haberem Carmina cum præfato Nicio  
quosdam offendi, rerum magnificarum. admira-  
bilium, infinitarum Artifices, ac Magistros;  
qui, quò auribus infinita expectantium occur-  
rant, verba propria, ac rem explicantia, tan-  
quam ante pedes posita, rejiciunt. abdita, ab-  
strusa, recondita è tenebris evocant; quæ ne-  
mini unquam sano venerunt in mentem ex-  
cogitant; eaque non circumvestiunt verbis,  
ut possint intelligi, sed sepiunt fumo, atramen-  
toque, re perspiciqueant: semper tumidi, sem-  
per inflati alas pandunt, montium vertices ap-  
petunt, nubes, & inania captant.

Ian. Nic.  
in Epist.  
Nucup.  
Eudc-  
mix ad  
Alcadr.  
junior.

Caterùm me eas, quas suscepi, Scriptorum ne-  
dum



*dum Ordinis Carmelitarum, verùm etiam totius  
Italiae Bibliothecas, Deo dante, verè ingenuis fa-  
ventibus Amicis, vergente Fortuna Rotà, prose-  
cuturum polliceor. Interim tamen me scias velim  
frequentibus vexatum angustijs, ac ijs distractum  
curis, quæ apud discretos Viros moram, fortè lon-  
giorem, excusare queant. Tu otia mihi, ac seces-  
sum apud Numen opitulans adprecare, quibus, si  
adessent, in publicam utilitatem cessuris, jamdiu  
præior. Vale.*



X

De Reverendissimo P. Mag.  
CLEMENTE MARIA FELINA  
Eruditissimi Operis Authore.

**V**ixit Aquis Pindi Elie conceptus in Igne  
Spiritus, & Domini est, qui quoque fertur Aquis.  
Spiritu Eliseus referat duplicatus Eliam,  
Tertius Hic Vates Spiritus ingenio est.  
Unde Prophetarum Carmelus Gloria, Vatum  
Pindus, erit Thabor Spiritu in Hoc triplici.

Ad Eundem.

**E**liadum, Vates, celebras encemia Patrum;  
Illa sibi condit, qui Monumenta locat.  
Abbas Hippolytus Fornasarius.

Elias puero exanimato vitam reddit  
Reverendiss. P. M. Felina vivacibus Disticis  
Defunctorum Vitas restituit.

**M**ensio trina Patris Natum revocavit ad auram;  
Vivificat Nati mensio bina Patres;  
D. Benedicti B.

BONONIA DOCET MATER STUDIORUM.

**S**Mediet Studii, Felina est FelSina; sed mas;  
Nunc Studium Matrem possidet, atque Patrem.  
Ejusdem.

Ad

Ad Reverendiss. Autorem.

**Q**uos Tuus Elias magnos produxit Alumnos,  
Grande Tuum summo Carmine reddit Opus.  
Conditor Iliados jam dicebatur Homerus,  
Ipse novus, Clemens, Conditor Eliados.  
Bonaventura de Rubeis.

Ad Eundem, jam Vicarium Gener. Congreg.

**J**am tua Te, Clemens, Carmeli Pallas Alumnis,  
Sed Tibi comparibus, fecerat esse Patrem.  
Cum celebras priscos Carmeli at carmine Patres,  
Te prius & natis incipis esse Pater.  
Franciscus Doct. Ferrarius.

P.M. Felinae Stemma est Conchyle super mare.

**C**lementis, falsique Maris Conchyle refulget;  
Si gemmas cupias, Distica sume Tibi.  
Veronelli Carm.

Carmelitæ viventes ad Reverendiss. Authorē.

**S**æcula vive, Pater; cupimus Tibi morte præire;  
Omnibus optandam Tu facis esse necem.  
Ejusdem.

De eodem Reverendissimo Authore.

**M**ira Patrum claudunt illustres Distica Vitas;  
Pro Authoris Vitâ non satis ipse Liber.  
Gaud. Rob. Carm.  
HI-



xi

# HISTORICUM MANTVANÆ CONGREGATIONIS CARMELITARVM C O M P E N D I V M.



*Armelitica* Religio, quæ à fœcundissimo Heliano Fonte derivans, in regium Flumen excrevit, *Mantuanae Congregationis* nobilissimum Ramum, qui ad Regularis perfectionis Oceanum imperturbabili, & glorioso cursu contenderet, ex uberrimo sinu, Divino Numine protegente, produxit. Hic à sapientissimis Patribus per novum, purumque alveum de maternis aquis deductus, tantâ, non multi temporis tractu, prosperitate processit, ut ab immediatâ Scaturigine limpidiori semper pede recederet, & strictiori Regulâ duce, zelo assistente, favente Cœlo, ad prima sanctitatis principia felici progressu reverteretur. Auspiciatissimo Partui à Conventu Sylvarum in Thuscia motum dedit de Anno MCCCCXIII. Lector Jacobus Alberti, Hetruriæ Alumnus, Vir zelantissimus, & inculpabili vitâ præclarus; in hisce quamvis primordiis per inassuetam viam innocens Rivus transcurrent, lento gradu profecerit, & obstacula non defuerint, quæ purgatissimas undas, sive aversionis, sive difficultatum oppositis aggeribus, retropellere conarentur.

A piissimo postmodum, & inclyto Mantuano Cœnobio, Girundensem Conventum Diœcesis Sedunensis in Alpibus ad sua vota trahente, vehementiorē est sortitus impulsus; in ejus etenim amâtissimo gremio Anno MCCCCXXV. tenerrimo ample-



### *Mantuanae Congregationis*

xu receptus, primique Fontis candidissimo lacte nutritus, brevi Annorum spatio clarum adolevit in Fluvium, & antiquæ Observantiæ mirabilibus incrementis intumuit. Electo siquidem in primum nuper ortæ Congregationis *Præsidentem* Francisco Thomâ de Franciâ, tam exquisitæ probitatis Patre, ut in antiquis Mantuæ, ac Bononiæ Codicibus *Beatissimi* titulo post mortem decoratus legatur; talem, ac tantum exuberanti charitatis, zeli, ædificationis, & quarumcunque Scientiarum profuvio impetum recepit; tamque proportionatam, simulque suavem in profundâ humilitate, ac modestiâ declivitatem reperit, ut secundis auris percurrens, ad omnium heroicarum Virtutum optatissimam metam veloci, rectoque gressu pervenerit. Vigilantissimi Præsules usque ad Annum MCCCCXLIII. variatis vicibus extitere PP. Baccalaureus Gigus de Franciâ, Mag. Ioannes Sellæ de Viennâ, Rubinus de Franciâ, Ioannes de Fonte, Mauritius de Girundâ, Mag. Guillelmus de Fonte, & Mauritius de Valesio; Viri omnes doctrinæ præstantiâ, & morum integritate conspicui, qui pariter, ut *Præsidentes*, rexerunt; sed mage præsedet, rexitque iustitia, prudentia, discretio; ex quo eminenti Regimine sitibundis, Cœloque inhiantibus Subditis *aqua Sapientiæ salutaris* defluxit.

Angusta decem, & octo Annorum periodus perfectiora plurium sæculorum exemplaria paucis in Patribus restrinxit; & vix promota salubrium humorum collectio, nedum Claustrorum Hortulos, verum & Mundi Campos, superno confluyente favore, notabiliter irrigavit. Candida Lilia nutrit in Cellis; Cœlestes in Confessionum Auditorijs Hyacinthos; in sacris Pergamis pungentes Rosas; Grana sinapis in Cathedris; immortales Palmas in Typis; & Operibus, ac documentis proficua; se veluti medicam Animarum Piscinam

com-

communi accurrentium utilitate perhibuit.

Clarissimi tamen hujusce Concurfus non diu permansit illibata tranquillitas. Nondum enim Pontificiâ approbatione firmiter roboratus, multas tunc temporis perniciosas agitationes, fluctuum tumultus, & cursus diversiones sustinuit. Æmulorum invidia, Sententiarum discrimina, zelotypia Jurisdictionis, Matris contentio cum Filiâ, non contemnendas perturbationes excitarunt. Puri Annis turbatio eò usque pervenit, ut ipsam sola Summi Hominum Piscatoris auctoritas iterum clarificare valuerit. Invalescente de Anno MCCCCXLII. inter Provincialem, & Congregatos circa Jura, & Subdicionem dissidio, ad Eugenium Quartum, tunc Florentiæ sedentem, opportunus habetur recursus; & Sanctissimus Pontifex *legem posuit aquis, ne transirent fines suos.* Fluctuationes sedantur; ipsamet Congregatio confirmatur; & a Provincialium obedientiâ Mantuæ Conventus, necnon Girundæ, ac Sylvarum, qui quasi translucidi Rivuli a Montibus decurrentes, in illius Communitatem defluerant, eximuntur.

Itaque quietem commotio, seditio sedationem, & progrediendi facilitatem impedimenta dedere. Felicissimæ huic Unioni de Anno MCCCCXLIII. in Girundæ Capitulo præficitur P. Baccalaureus Petrus Stephanus de Francia, Claustralis perfectionis epilogus; & *Vicarij Generalis* novo titulo, qui usque ad hæc tempora perseverat, insignitur. Multa pro Dei cultu, & quietis manutentione sanctissimè ordinavit, & in ejus Angelico Gubernio *Spiritus Domini* Divino afflatu *super aquas ferebatur.* Anno postmodum MCCCCXLV. sub Juliano de Brixîâ unicum Regiminis Biennium singulis Vicariis Generalibus rigorosè præscribitur (licet postea dignis de causis



### *Mantuanæ Congregationis*

Apostolica Sedes ab Anno MDLXXXIV. usq; ad MDXCVI. pro Triennio dispensarit, & iterum ab Anno MDCLXX. idem Privilegium, quod hætenus durat, renovarit ) & sub eodem Juliano statuitur inviolabile vacationis ab Officio interstitium per quadriennium, ne jussa dare assuescentibus, è memoriâ labatur Obedientia, quæ Fraternalis pacis est provida Nutrix, & conservandæ Religionis necessarium alimentum.

His omnibus prudenter institutis, ac tam beneficâ Congregatione Summorû Antistitum providentiâ communitâ gratiisque, ac exemptionibus illustratâ, o qualem reassumpfuit fluidissimum cursum, quales tum moralium, tum intellectualium Virtutum inundationes effudit, quales suavissimas lymphas Fidelium spiritui delibandas exhibuit ! ad ipsas Populi omnes, omnis Conditio, *quemadmodum Cervus ad Fontes aquarum*, sitiebant, & properabant. Biberunt proprii Partûs Observantiam, & doctrinas; alienæ Religiones utramque Theologiam; Pœnitentes paternas admonitiões; inauditam Sapientiam celebriora Lycea; hæresum destructionem Concilia; Canonica dogmata Episcopi; Magnates prudentissimas directiones; æquissima Cardinales consilia; & solidas Fidei consultationes Pontifices; *vox enim Domini super aquas, & Deus majestatis intonuit*. Fama invitabat ad pocula; Sanctitas, & Scientia propinabant. Certatim idcirco Urbes per totam Italiam, Republicæ, Principes, Purpurati, ipsi Christi Vicarii exemplarissimum Cœtum novis Conventibus augebant; & *flante Deo latissimè funduntur aquæ*, ita ut brevi temporum intervallo Virorum Monasteriis ad sexaginta, Sororum Claustralium supra duodecim, non exiguâ gloriâ multiplicatæ refulserint.

Ipsa Carmeli Beatissima Mater hisce suis dilectis *Filijs* propriam credidit Sanctissimam *Domum*, & per Sixtum Quartum  
An.



Anno MCCCCLXXXIX. eorum vigilanti *custodia* commissam voluit, & ab Iplis per multos Annos gubernatam, ut Quæ in sui honorem *primum* habuit a Carmelitis *Sacellum*, postremam in Congregatis, sed primordiali consimilem devotionem hoc pretiosissimo Munere compensaret. Sic *Mare* gratiarum benignas addidit undas, & *Vitæ Fontem* communicans, Mantuanæ pietatis fertilem Fluvium insignibus prærogativis adauxit.

Nō defuit quidē & in hoc auge faustissimo venenata discordiarum Patris invidia, quæ variis temporibus purgatissimam illius claritatem contaminare studeret. Accidit hoc præsertim Anno MCCCCLXXXIV. sub Baptista Mantuano, excitatâ de magis congruo Carmelitici Habitus colore ferendo nō superficiali inter Conventuales, & Congregatos dissensione; quam tamen ipse Baptista, non tincto, & obscuro, sed puriori, & naturali, utpotè antiquo magis conformi, adhærens, glorioso exitu superavit, & Damonis artes duabus Eclogis, quarum prima *Bembus*, altera *Batrachus*, & *Myrmix* artificiosâ lepiditate delulit. Anno pariter MDXXXI. Vicario Generali Petro de Grecis. MDLXXIII. sub Jovita Gorzonio MDCXXXIII. sub Dominico Mariâ Pulzonio, & MDCLX. sub Dominico de Mugianis, purissimas lymphas novis semper, seu prætensæ Subjectionis, sive Jurisdictionis, aut Appellationis ad Generalem, vel Annulationis Capituli vexationibus, & dissidiis attentavit turbidus Tentator inficere.

Sed jam a Supremis Pōtificibus prælibatæ, ac eorum gustui gratæ promptum sunt sortitæ remedium: nempe favorabilibus Sixti Quarti, Clemētis Septimi, Gregorii Tertiidecimi, Urbanī Octavi, & Alexandri Septimi Bullis, ac Sapientissimis Decretis, quasi Patriarchæ Elisæi vivifico Sale sanatæ, libero semper, & incessanti motu fluxerunt. Fausto ea propter itinere, magis-

### *Mantuanæ Congregationis*

gisque inter angustias, ampla hæc Congregatio semper processit, & quot guttas dispersit, tot Palmas, ac Lauros admirandâ fecunditate rigavit.

Dedit Ecclesiæ B. Angelum Augustinum de Florentiâ, primæ Sylvarum Reformationis zelantissimum Coadjutorem, Ven. Petronium de Jacobis à Bononiâ, B. Baptistam Hispaniolum de Mantuâ, B. Bartholomæum de Fantis pariter Mantuanum, B. Ioannam Scopelli de Regio, B. Archangelam de Tridino, & Ven. Albertum Leonium de Revero, innocentissimas Animas, affluentia gratiarum in Cellulis, & in Cælis torrente *Divinæ voluptatis* exuberanter conspersas. Venerationi exposita reliquit fulgentissima, & integerrima *Corpora* eorumdem Baptistæ, Bartholomæi, Joannæ, Archangelæ, ac Alberti, Claustralis integritatis perpetua Monumenta, & Sitiensium æternitatem exhilarantia pocula devotioni. Inter Sacros Episcopos Julium de Superchis, & Dominicum Rotam connumeravit; Præsules ambos veri Pastoris dotibus exornatos, & mellifluas aquas, de *Fontibus Salvatoris* educatas, commissis Gregibus propinantes.

Ad supremam totius Ordinis Carmelitici Dignitatem TER MAXIMUM Heroem Baptistam Mantuanum evexit; & per tanti Patris illustrissimum Regimen potuit *Religionis Ramus* fecundissimâ gratitudine, *paterni Fluminis* Aquas limpidiores efficere. Variis Cardinalibus, Ducibus, & Principibus, præcipuè Romæ, Florentiæ, Ferrariæ, ac Mantuæ, protulit dignos pro Conscientiâ Judices, pro Regimine Consiliarios; inter quos Baptista Hispaniolus, Horatius Pedemons, Sylvester de Mantuâ, Baptista Panerius, Laetantius Domaninus, Theodorus Cambius, & Albertus Leonius; in quorum corde *Consilium, sicut aqua profunda*, tum Statûs, tum

Ani-



Animas ad Portum securitatis ducebat. Veneto Legato addidit Socium in Hispaniâ egregium Theologum Jacobum Marufum e Venetiis, & Pontificio Nuncio Colonię gravissimum itē Theologum Angelum Robertum de Laurentis, perspicacissimos Consultores, ex quorum prudentibus aphorismis peregrinæ, atque Christianæ Politicæ occultiores latices emanabant. Tradidit Apostolico Solio vigilantes Commissarios contra perfidam Hæresiarchę Luteri pravitatem Joannem Baptistam Confalonium, Antonium Riccium, Octavianum Sangallum, & plures alios; qui sūmi zeli agitationibus, & doctrinæ profunditate rapacissimi Piratæ fuere vortices, & naufragia. Sacro sancto Tridentino Concilio proficuē defervivit per Theodorum Massium, Lucretium Tyroboscum, & Sylvestrum de Mantuâ, qui *salutaris Sapientiæ altissimis aquis Ecclesiasticæ Navi tranquilla itinera præbuere.*

Primarios Italię Suggestūs, maximè Taurini, Mediolani, Bononię, Romę, Neapolis, & Venetiarum, per plurimos Verbi Dei Pręcones illustravit; ex quibus eminentes extitere Baptista Panetius, Ioannes Baptista Granellus, Petrus Magni. Ioannes Baptista Pallavicinus, Ioannes Baptista Frumentus, Angelus Sivorus, Franciscus Maria Serbellonius, & Theodorus Muggianus; qui cœlestibus Apostolicæ facundiæ Fluentis tartareos ignes Fidelium in cordibus efficaciter extinguiebant. In Clerum Sęcularem, & in multas Religiones, signanter in Chartusianam, Cœlestinam, & Cassinensem, gratissimos doctrinarum stillavit favos ex ore suavi plurium Magistrorum; inter quos Angelus Capreolus, Baptista Panetius, Baptista Ferrarius, Antonius Riccius, Albertus Diolaitus, & Seraphinus Georgius, celeberrimi Pręceptores, quorum *scientia, quasi inundatio, & Moralibus, & Scholasticis profluvijs exube-*

ra-



*Mant. Congreg. Comp. Histor.*

rabat. Innumeras Lauros in principibus Bononiæ, Patavij, Papiæ, Pisarum, & Ferrariæ Viridariis enutrivit; & multas etiam in Sorbonensi, quibus Vincentii Marsii, Ioannis Angeli Cordellii, Ioannis Baptistæ Granelli, & Cyrilli Cantelli defudantia tempora redimivit. A publicis Cathedris per eminentes Lectores purgatissimos demisit influxûs; in Felsineo præcipuè Archigymnasio per Albertum Diolaitum, scientificæ claritatis perspicuum Fontem, & per Ioannem Riccium, illustrem Astrorum Observatorem, ac *redundanti Fontis Sapientiæ torrente* Astris ipsis dominantem. Typos denique abundantibus, & saluberrimis eruditionibus asperfit, stillas deducuntibus Calamis Baptistæ Mantuani, Cælestis Castalii nitidissimi Apollinis, Angeli Capreoli, Baptistæ Panetii, Petri Nubilarii, Jo: Mariæ Verati, Lucretii Tyroboschi, Lactantii Domanini, Ioannis Pauli Donati, Ioannis Petri Chizzole, Petri Thomæ Saraceni, Seraphini Georgii, & plurium aliorum Immortalitati scribentium, ac sudorum margaritis Æternitatem coronantium. Hisce quoque temporibus pari decore procedens, quasi lucidissimus *Phison à Paradiso terrestri de sinu sui Patris discedens*, tot fulgidas gemmas, quot pios Viros, tot aureos Partûs, quot eruditos Doctores producit; & vitalibus Sapientiæ rivulis Ecclesiasticum solum impinguans, ad Gloriæ metas, in Paterno iterum gremio felici quiete terminaturus, progreditur; & tali splendore progreditur, ut ex ore Clementis X. Pontificis Maximi, de meo proprio auditu, *Gemmarum Cumulus* appellari meruerit.

Habetis, Adolescentes Carmelitæ, in hoc MVSEO illustri à SIMVLACRA, nobilibus tanti Fluvii fecunditatibus, *optimo* nempe scientiarum *auro*, humilitatis obscuro *bdellio*, morumque candoris *onychinis lapidibus* exornata. Pretiosas igitur Undas libenter haurite; *bibite* abundanter Exempla, & in Domino *inebriamini, charissimi*; & utinam tandem vobis fiant *Fons aquæ salientis in vitam æternam*.

S

SACRI MUSEI  
MANTVANÆ CONGREGATIONIS  
CARMELITARVM  
A T R I U M  
INSIGNIORIBUS S. PATRIS  
H E L I Æ  
TROPHÆIS EXORNATUM.







xvi

# SACRI MUSEI A T R I U M.



Zelantissimi Patris Helix Numen invocatur.

*Alluditur ad Nomen Helix, quasi Helios; ad Fontem ipsius, Castalio  
aquiparatum; & ad montem Carmelum, Parnassum figurantem.  
Obsecro ut fiat in me duplex spiritus tuus. 4. Reg. 2.*

**T** V Sol, Fons, Vates, Carmeli protege Carmen;  
Spiritus & sacrâ sit sibi Veste duplex.

Deprecatio ut paterno amore Museum  
illustrare dignetur.

*Allusio ad Patrum Sapientiam in hoc Museo contentam; ad eorum candi-  
dum Pileum Heliano Pallio conformem; ad Heliam Sole figuratum; nec non  
ad Stellam Mercurij Soli semper propinquam in suo motu, quæ nihilominus  
combustionem non patitur; unde Mercurius pileatus effingitur.  
Alia claritas Solis, & alia claritas Stellarum. 1. Cor. 44.*

**O**ffero Mercurium, nitidus quem pileus ornat;  
Sol pie, dilectum, proximus igne, fove.

*Sacri Musei*

Vt S. Pater, adhuc vivens, Filios vita functos  
benignis oculis in hoc Museo respiciat.

*Corpora ipsorum in pace sepulta sunt, & Nomen eorum vivit. Eccl. 15.*

**Q**ui Pater es vitæ, radium, Sol, funde sepultis;  
Et Sobolis tecum fama superstes erit.

Ex duplici protectione Sanctiss. Virginis, & B.  
Patris Helix pax vera Carmelo.

*Helias, Solem præferens, vidit nubeculam parvam, quasi vestigium hominis, ascendentem de Mari contra Carmelum. 3. Reg. 18. Arcum meum ponam in nubibus. Gen. 9. Hoc erit signum tibi, & cunctis Carmelitis privilegium &c. Sacratissima Virgo ad B. Simonem in Lectionibus ejusdem S. Simonis à Sac. Rit. Cong. approbata.*

**S**ol vibrat hinc radios, hinc surgit roscida Nubes;  
Jam, Carmele, tibi pingitur Iris amans.

Eadem duplici protectione fovente, & illustrante, nil tenebras, & gelu invidiæ timet  
Carmelus.

*Allud. tur ad Pallium ab Helix relictum; ad Scapulare Sacratissimæ Virginis, & ad Nomen Helix, quasi Solem indicans. Verbum ipsius quasi facula ardebat. Eccl. 48. Quasi Aurora consurgens. Cant. 6. Non extinguetur in nocte lucerna ejus. Prov. 3.*

SIC FATVR CARMELITA.

**S**i dupla me Vestis, si Sol, si Aurora tuentur,  
Nox gelida invidiæ quæ mihi damna ferat?

Sub



Sub eadem triumphat Carmelitana Religio.

Sunt supra Carmelitarum Insignia, Brachium manu igneum ensē  
perstringens, & Corona duodecim Stellarum.

*Zelo zelatus sum pro Domino Deo exercituum. 3. Reg. 19.*

**S**ideribus cinctus, Carmeli fulgurat *Ensis*;  
Sunt Ducis invicti pugna, corona simul.

Sub Patris patrociniō tuti Heliades à vulneri-  
bus conantium destruere originem ab Helia.

*Sub Junipero excutitur ab Angelo, & sub cinericio pane reficitur. 3. Reg. 19.*

CARMELITA IN PATRE QUIESCENS, SIC AD INSIDIOSVM.

**P**unge, minare necem, sis, Invide, Jezabel; ecce  
Sub spinis *Requies*, *Vitaque* sub cinere.

In Patris tutamine Filii confidunt.

*Helias inter splendores montis Thabor apparuit Discipulis. Matth. 17.*

*De Monte ignem immisit in Hostes. 4. Reg. 1.*

*Vox Domini intercidentis flammam ignis. Ps 28.*

CARMELITÆ AD HELIAM.

**H**ostis, Amans, de Monte cremas, in Monte coruscas;  
*Splendor* Discipulis, Hostibus *ardor* eris.



*Sacri Musei*

Obloquentium conatus deridentur.

*Eunuchi precipitaverunt Jezabel. 4. Reg. 9.*

AD GLORIA BVNDVM MALEDICVM.

**F**œmina siste loquax robur jactare virile;  
Te dare præcipitem *Semi-vir* ipse valet.

Sanctus Pater erit ultor pro Filiis.

*Equorum ungula conculcaverunt Jezabel. 4. Reg. 9. Ecce currus igneus,  
& equi ignei. 4. Reg. 2.*

AD NIMIS ARDENTEM OBLOQVVTOREM.

**H**eliadum calcare decus ne fervidus aude;  
Nam Pater *igni-vomis* Te premet æquus *Equis*.

De Hostibus triumphat invictus Helias.

*Si Dominus est Deus, sequimini eum; si autem Baal, sequimini &c. Ap-  
prehendite Prophetas Baal, & ne unus quidem effugiat ex eis. 3. Reg. 18.*

Baal significat : *Dominus*, Helias interpretatur : *Deus Dominus*.

**A**N Baal Heliam, verum fraus improba vincet?  
Turba cadat *dominans*; ecce *Deus Dominus*.

A S. Patre, ac Pastore Grex Carmeli ardenter  
defendetur.

*Helias quasi Helios. Jezabelis Cadaver canes devoraverunt. 4. Reg. 9.*

**P***Hæbus* adest Gregibus; nihil invida frigora curent;  
In *Cane* nam fervens, destruet ipse gelu.

B. Pa-

B. Pater erga se malè affectos malè perdet.

*Duo Eunuchi precipitaverunt Jezabel de Fenestrâ. 4. Reg. 9. Verbum ipsius quasi facula ardebat. Eccl. 48.*

AD DETRACTOREM.

**N**octua, si à faculâ tam clari Solis abhorres,  
Aufert ipsa tibi jure Fenestra diem.

Imploratur ejus paternus amor, & zelus.

*In visione Sobac Genitoris infans Helias igne cibatur pro lacte. S. Epiphanius de vitis Prophetarum.*

CARMELITA AD S. PATREM.

**E**st tibi flamma cibus; fac viscera Patris amantis,  
Filius in gremio sitque pyrausta tuo.

Vt Filiorum salutem curet.

*Cernit Genitor in eâdem visione Viros niveum praeferentes Habitum, qui Heliam infantem salutabant. Idem S. Epiphanius de vitis Prophetarum.*

FILII AD PATREM.

**R**edde salutatus, Natis, Pater alme, salutem;  
Pande salutis iter, sic resalutet amor.

Vt prosperè Filios in hoc pelago dirigat.

*Pallio divisit aquas Jordanis. 4. Reg. 2. Ex Pallio duplex Spiritus. 4. Reg. 2.*

AD EVNDEM B. PATREM FILIVS CARMELITA.

**S**cindit Vestis aquas, & Cœli duplicat auram;  
Tu longè à scopulis Nos, pie Nauta, rege.

Vt



*Sacri Musei*

Vt Sanctus Viator Filios protegat in die  
Iudicii .

*Reliquit pallium Eliseo, & curru igneo raptus est in Cælum. 4. Reg. 2.*

S. PATREM ROGANT CARMELITÆ.

**N**os tege *Veste* tuâ, Nos cela Iudicis iræ;  
Arceat hostiles *Flamma* paterna focos .

Vt ad Cælum Empyreum Natos tollat.

*Oravit ad Deum, & ignis de Cælo voravit holocaustum. 3. Reg. 8.*

AD B. PATREM SIC FILII.

**S**candere flamma solens, ad Te si venit ab axe,  
Altior es Cœlis; Nos super Astra leva .

Deprecatio, ut in Cœlum introducat .

*Ignis de Cælo dejecto, hostes destruxit. 4. Reg. 1.*

*Claudens Cælum, siccitate famem induxit. 3. Reg. 17.*

*Abundanti pluviâ aridam terram restauravit. 3. Reg. 18.*

S. PROPHE TAM NATI SIC ALLOQVNTVR.

**I**gne, fame, pluviâ, mortes, mala, dona dedisti;  
Qui moderas Cœlum, denique pande Tuis .

Eo

Eo favente sperant Filii divinæ gratiæ  
plenitudinem.

Reg. 2.

*Degit in terrestri Paradiso; & cum Pallio duplicem spiritum reliquit. 4.  
Reg. 2. Emisit eum Dominus Deus de Paradiso voluptatis. Gen. 3.*

FILII AD HELIAM.

**G**ratia per Patrem Natis defecit in Horto;  
Per te speratur Gratia dupla Pater.

Vt per ipsum antiqua observantia  
reviviscat.

*Ter mensus est super puerum. 3. Reg. 17.*

**B**rachia pande, Pater, zelo sis mensio Natis,  
Et dabis ad vitam posse redire novam.

Admonentur Carmelitæ de perfecta Voti  
Obedientiæ observantia.

*Helias dejecit ignem de Cælo. 4. Reg. 1.  
Arida terra pluviâ obtinuit. 3. Reg. 18.*

**P**areat, ut pariat Cœlestia, cœca voluntas;  
Dat flammam, dat aquam, Patre jubente, Polus.

Eo

De



*Sacri Musei*

De perfecta voti Castitatis observantia.

*Helias Virgo, farinâ cibatus, ipsam multiplicat. 3. Reg. 17.*  
AD CARMELITAM.

**P**asce Patris Zelum, mentisque *albedine* nutri;  
Gratus *candorem* crescere *Virgo* dabit.

De perfecta paupertatis, & vitę communis  
observantia.

*Dum rapitur, Pallium tradit Discipulo; & vivit in terrestri Paradiso. 4.*  
Reg. 2.

**V**ivit adhuc, propriis & *Natum Vestibus* ornat;  
*Communes Vitam* diligit ecce *Parens*.

Vt ad vocationem *Helie Carmelitę* mundanis  
affectibus abrenuncient.

*Relictis bobus cucurrit post Heliam. 3. Reg. 19.*  
*Ego Flos Campi. Cant. 2.*  
*Omnis, qui reliquerit &c. aut agros propter nomen meum, centuplum*  
*accipiet, & vitam eternam possidebit. Matth. 19.*

AD CARMELITAM.

**F**los aderit campi, fructum si tempseris agri;  
Quin tibi *Flos* tantus *centupla* messis erit.

Vt

*Sacri Musei*

XX

A' Sancto Patre discant Filii modum  
approximandi Deo.

*Post grandem commotionem, ignem, & sibilum aura tenuis, Deus cum  
alloquitur. 3. Reg. 19.*

**C**ommovearis, ames, mittas suspiria corde;  
Post motum, ignem, auram certus habere Deum.

In adversis ad B. Patrem recurrant.

*Numquid, non est Deus in Israel, ut catis ad consulendum Beel-zebub De-  
um Accaron? 4. Reg. 1.*

AD FILIVM CARMELITAM.

**S**i vexat Mundus, quid Mundo fidere? *Vatem*  
Consule; *consilium* nam dabit ipse *Patris*.

Sub Helia undique pax, & tranquillitas  
Carmelo.

*Arca pace fruitur supra Montes Armenia; ad quam Columba cum ramo  
vircentis Olivæ. Gen. 8.*

*Helias multiplicavit oleum, nec lecythus olei defecit, usque ad diem, in-  
quâ Dominus dedit pluviam super faciem terræ; unde post multiplicationem  
pax cum Achab. 3. Reg. 17.*

**A**rmenię Montes, Carmeli cedite ramo;  
Pax venit ex fructu multiplicata suo.

Ejus



*Mant. Congreg. Atrium.*

Sub protectione Virginis, & Heliae usque ad  
diem Iudicii perseverabit Carm. Religio.

Helias usque ad finem Mundi manebit in Paradiso terrestri ad plagam  
Orientalem.

*Quæ est ista, quæ progreditur, quasi Aurora consurgens? Cant. 6.*

*Confidite Petre, Religio Carmelitarum in finem usque sæculi est perseve-  
ratuæ; Helias namque ejus Institutor, jam olim etiam à Filio meo id impe-  
travit. Sac. Rit. Cong. in Lectionibus S. Petri Thomæ.*

**C**armelo stat longa dies; Aurora beata  
Presidet, & semper Sol Orientis adest.



SACRVM

I-xxi  
SACRUM MUSEUM

Mantuanæ Congregationis  
Carmelitarum.



P. FRANCISCUS THOMAS  
de Francia 1425.

Unus ex primis fundatoribus Congregationis in observantiâ Sylvarum, & primus Præsidens Generalis. Fuit inter ceteros zelo, & integritate præcipuus.

*Verbum ipsius quasi facula ardebat. Eccl. 48.*

**M**E Pater incendit, reno-vor ceu Flammiger Ales;  
*Florida Sylvarum ligna fuere rogos.*

Aliud.

Nascentis Congregationis, ex tribus Sylvarum, Mantuæ, ac Girundæ Conventibus compositæ, Dux primus.

*Ad Sydes arvi Stemmatis ipsius Patris, & ad illud: Ambulabunt gentes in lumine tuo, & Reges in Splendore ortus tui. Isa. 60.*

**T**Vtior ad Christum properat Sapiencia Trina;  
Nam sibi Stella micans ex Oriente præit.

A

Aliud

RVM



## Aliud.

Exemplarissimum, & zelantissimum Caput Congregationis.  
*Lucerne ardent in manibus vestris. Luc: 12.*

**Q**uod doceo facio; dico, sed comprobo gestis:  
*Emicat ardenti lampade nostra manus.*

**P. GIGUS DE FRANCIA**  
 Præsident Generalis 1427.

Paterni zeli imitator, pro antiquâ renovandâ observantiâ multa Sanctè ordinavit.

**H**eliæ reficit Regnum, legesque paternas;  
 Divisum imperium cum Patre natus habet.

## Aliud.

Frequentem cultum Ecclesiæ, morum puritatem, & habitus modestiam summopere curavit; diminuens vestes, & cingulum parum coriaceum præscribens.

*Sicut modo geniti Infantes, sine dolo lac concupiscite. 1. Pet. 2.*

**E**ducet Infantes, præbent Altaria Cunas,  
 Lactat amor purus, *Fascia parva* ligat.

P. IO:

*Mantuanæ Congregationis.* 3

P. IOANNES DE VIENNA  
Præsident Generalis 1429.

Orationis Mentalis, Chorique diligentissimus cultor.  
*Vos estis lux Mundi. Matth. 5.*

**I**rradiat mentes, ad cantum provocat ora,  
Et Sylvas decorans, pascit Apollo Gregem.

Aliud.

In Dei cultu ferventissimus, multos aufert abusus; vetat præcipuè,  
cum magnâ severitate miram dulcedinem conjungens, deambulationes,  
& inutilia colloquia in Ecclesiâ.

**T**empla pius mundat, placido Christique rigore  
*Funes Funiculos, flagra flagella vibrat.*

P. RUBINUS DE FRANCIA  
Præsident Generalis 1433.

Veteris Instituti vigilantissimus restaurator.  
*Nemo mittens manum suam ad aratrum, & respiciens retrò,  
aptus est Regno Dei. Luc. 9.*

**P**risca colo, Christumque sequor, mirandaque præsto;  
Nam, retrò aspiciens, aptus aratra rego.

A 2

Aliud



## Aliud.

Prohibuit quæcumque serica ornamenta in vestibus, & lanceum birretum præscripsit.

*Nescitis, quoniam corpora vestra Membra sunt Christi. 1. Cor. 6.*

PATER NATOS ALLOQVITVR.

**V**Estiat heu *Vermis*, Claustrorum putrida membra;  
Vos, pia *membra* Dei, pura reformet ovis.

## Aliud.

Iussit sub gravibus pænis, ut nocte, dieque inviolabiter Fratres Habitum paruum Sacratissimæ Virginis ad collum deferrent.

*Jugum meum suave est, & onus meum leve. Matt. 11.*

ITA PATER FILIIS PRÆCIPIT.

**P**Endeat à collo semper dulcissima Mater;  
Hoc vobis, Nati, pono suave jugum.

P. IOANNES DE FONTE  
Præsidens Generalis 1435.


Pijssimus Pastor, ut internam subditorum puritatem magis excitaret, delationem continuam Capparum albarum in Choro præcepit; & Divinum cultum summo opere auxit.

*Pascitur inter lilia. Cant. 2.*

**I**N *Sylvis* pietas lactat candore Tonantem;  
Crescit & inter Oves pastus amore Deus.

Aliud

Aliud.

 & gratissimus Præsul; tali veneratione prosequutus, ut quid-  
quid præciperet, subditi cæcâ prorsus obedientiâ exequerentur.

*Nemo potest duobus Dominis servire. Matt. 6.*

**G**Rex uni servit, mirè servitque duobus;  
Nam Deus in recto Præsule semper adest.

P. MAURITIUS DE GIRUNDA  
Præsident Generalis 1437.

Rigidus zelo, sed amatissimus Superior; mirâque suavitate animos  
lucratur; extitit singularis pietatis in Virginem.

*Præbe, Fili mi, cor tuum mihi. Prou. 23.*

**P**Er Sylvas Maurus jaculis armatur amoris;  
Cordaque venanti vera Diana favet.

Aliud.

Decrevit, ut quilibet Frater inviolabiliter associatus exiret à Mona-  
sterio.

*Alluditur ad margaritarum proprietatem, quarum due, (teste Plinio)  
nunquam reperiuntur discrete; unde nomen unio.*

*Ubi sunt duo congregati in nomine meo, ibi sum in medio eorum. Matt. 18.*

*Simile est Regnum Calorum homini negotiatori, querenti bonas mar-  
garitas. Matth. 13.*

ITA PATER AD FILIOS,

**A**Dsit ut in medio Christus, procedite bini;  
Vos cupit unitos candida gemma Poli.

B. PA-



B. P. ANGELUS AUGUSTINUS,  
unus ex primis Fundatoribus 1438.

Maximo in Virginem amore floruit. Rosas ore profundens pingebatur.

*Monstra te esse Matrem. Hymn. Eccl.*

**S**Vm roseus, matris; manet Rosa Mystica cordi;  
Inferta hæc animo, germen ab ore parit.

Aliud.

Ejus Imago rosis coronata exprimebatur; Christi passionem incessanter meditabatur, & Crucifixum semper ad collum appensum supra pectus gestabat.

*Christo confixus sum Cruci. Gal. 2.*

**A**Nne rosas referet, Christo spinasque reliquet?  
Ah sentit Christi vulnera pectus amans.

Aliud.

Fuit omnibus virtutibus heroicè insignitus, & antiqua observantia per ipsum præcipuè revixit. Vulgò *Beatus Angelinus* nuncupabatur.

**C**laustri Vita fuit; minuunt sibi nomina magno;  
*Angelica* elixir nam bonitatis erat.

P. GVIL-

P. GVILLELMUS DE FONTE  
Præsident Generalis 1439.

Ad Cognomen, zelum, puritatem, & ad Sanctissimum Nomen  
Mariæ, erga quam peculiari devotione flagrabat; nil dicens, scribens,  
aut operans, nisi præmissâ Ejus invocatione, in quâ

*Gratia omnis via . Eccl. 24.*

**P**atrem semper amor movit, traxitque *Mariæ*;  
Quàm benè *Fons* currens, in *Mare purus* abit.

Aliud .

Ad integerrimum, ac zelans gubernium, & ad cognomen.

*Sedebat sic supra fontem &c. Jo. 4.*

**G**rex properat sitiens, & *viuas* imbibit undas;  
Nempe super *Fontem Christus* amore sedet .

P. MAURITIUS DE VALESIO  
Præsident Generalis 1441.

Fuit ultimus gaudens titulo Præsidentis. Pro sustinendâ observan-  
tiâ tum amore, tum rigore maximè laboravit; & multas pro tuendâ  
Congregatione intrepidè superavit oppositiones.

*Insta opportunè, importunè; argue, obsecra, increpa in omni pa-  
tientia, & doctrinâ; in omnibus labora, ministe-  
rium tuum imple . 2. Tim. 4.*

**E**Rigo, duco, traho, stimulo, rogo, pugno, laboro;  
Pro Grege nil sedeo, sic benè *præsideo*.

Aliud



## Aliud.

Rigorosè vetuit, ne Fratres unquam morarentur in Portâ Conven-  
tus, vel Ecclesiæ; sed religiosam solitudinem diligenter.

*Simile est regnum Calorum thesauro abscondito &c. Matt. 13.*

*Clauso ostio ora patrem tuum in abscondito Matt 6.*

*Adversum me loquebantur, qui sedebant in Portâ. Pl. 68.*

PATER SIC FILIOS HORTATUR.

**C**œli Regna latent; in Cœlis quærite Christum;  
Dat benè Cella loqui, dat malè Porta loqui.

**P. PETRUS STEPHANUS**  
de Francia primus Vicarius Gen. 1443.

Fuit pius, & amantissimus Pastor; & sui nominis Apostolum sequens,  
assiduè, summoque ardore Dei amorem, ac Fraternali Charitatem  
suadebat.

*In his duobus mandatis universa lex pendet, & Propheta. Matt. 22.*

*Ante omnia mutuam in vobismetipsis charitatem continuam  
habentes, 1. Petr. 4.*

**L**ex sibi solus amor; jus totum complet amore;  
Morè dat, ore jubet; clamor amantis, amor.

## Aliud.

Septuagenarius, sed vigilans, & ferventissimus Præsul, zelum, &  
charitatem in Filijs mirè propagavit.

*Alluditur & ad nomen Stephanus significans Coronatus.*

*Corona Senum Filij. Prou. 17. Gaudium meum & corona mea. Phil. 4.*

**Q**ualis regnet amor, puri Vos dicite Nati;  
*Gaudia Vos estis, Vosque corona Senis.*

P. AN-

P. ANTONIUS DE FONTE

Vicarius Generalis 1445.

Fuit Superior sapientissimus, ac doctissimus; & paterni zeli imitator.  
*Ad Cognomen, Fontem Elia, Congregationis originem, & Ovis propagationem: nec non ad observantiam Sylvarum.*

*Scientia sapientis tamquam inundatio abundabit; & consilium illius, sicut Fons vite. Eccl. 21.*

**F**ons de Fonte fluit; Sylvas rigat, auget, & implet;  
Pascua jam pinguent; fructificate Grege.

Aliud.

Omnibus carissimus, & in mente omnium jam prædefinitus, universali applausu eligitur in Vicarium Generalem. Ex solâ purâ necessitate permittit exitum Fratrum è Conventu, & ingressum sæcularium ad ipsos; solitus dicere, *Fratrem extrâ Conventum esse Piscem extrâ aquam, & cum Sæcularibus quasi stipulam iuxta ignem*

*Alluditur ad Hortum conclusum, & fontem Signatum Canticorum. 4.*

**F**ontem signat amor; concludit Zelus & Hortum:  
Quam benè servantur potus, & esca GREGI!

Aliud.

Internas, & graves Congregationis commotiones prudentissimâ vigilantia sedans, dulce levamen, & optatam salutem suis Gregibus attulit; publicam verò quietem perturbantes tali pectore, taliq; zelo repressit, ac deterruit, ut ejus aspectum exhorrentes, à Congregatione recefferint.

*Ad Moysis Virgam allusio.*

**V**irga Ducis reficitque Grege, terretque rebelles;  
Exhibet hæc Fontem, vertitur in Colubrum.

B

P. 10.



## P. IOANNES HUS

Vicarius Generalis 1447.

Fuit Vir religiosissimus, &amp; zelans pro animarum salute.

*Alluditur ad Nomen Ioannis Apostoli, & ad illud:  
Post hac vidi, & ecce Ostium apertum in Cælo Ap. 4.***C**ellula fit Patmos; penetrat, rapit, edocet alta;  
Ostia sic Cæli monstrat aperta Gregi.

## Aliud.

Iustum, sed suavissimum fuit ejus gubernium; unde multi, qui ab ob-  
servantiâ recesserant, resipiscences, ad Congregationem redierunt.*Surgam, & ibo ad Patrem meum &c. Cecidit super collum ejus. Luc. 15.***V**incit amor natum; subdit frons læta gementem;  
Et Patris imponunt brachia dulce jugum.P. PETRONIUS DE JACOBIS  
à Bononia 1458.Sanctam Crucem semper in manibus deferebat; hoc signo Dæmones  
fugabat; assidue Sacratissimam Palsionem meditabatur; jejniis, ci-  
liciis, & disciplinis corpus domabat, Crucem deosculans, efflavit ani-  
mam.*Mihi autem absit gloriari nisi in Cruce Domini Nostri Jesu Christi. Gal. 6.***V**inco per arma Crucis, tetri Cruciator Averni;  
Crux mihi vita fuit, Crux mihi scala poli.

Aliud

U S

Aliud.

Ad vitæ innocentiam, religiosæ observantiæ integritatem, & ejus  
Cognomen, *plantam*, seu *vestigium* significans.  
*Viditque in somnis scalam, & cacumen illius tangens Calum.* Gen. 28.

**M**ente Deo vigilat, mundo sed dormit Jacob;  
Semper adest *plantæ* scala parata poli.

Aliud.

Sacratissimæ Crucis fervidissimus Amans, ipsam continuò ab ingres-  
su Religionis enixè coluit, & ejus venerationem summo zelo promovit;  
multos inde post annos, præ ingenti dilectionis impulsu, secum semper  
eandem, vel ad pectus, vel in manu deferre caput, quam sæpius intuen-  
do, spirituales consolationes experiebatur.

**P**ulchra fuit *Rachel Crux*, quam dilexit Jacob;  
*Servijt* iste diu; denique *Sponsa* datur.

Aliud.

Crucifixum, quem apud se retinebat, fixis oculis passim intuens,  
Christi tormenta extaticè contemplabatur. Videns aliquem Fratrem  
vel leviter errare, eandem Crucem ostendens, ipsum zelanter corrige-  
bat, ne paulatim gravia committeret.

*Quid vides Festucam in oculo fratris tui, & trabem in oculo tuo non  
vides?* Matt. 7.

**I**ste oculus meritò *Festucas* Fratris abhorret;  
Nam solas nitidæ fert *Crucis* ipse *trabes*.



## Aliud.

Exemplarissimus Vir; ob morum sanctitatem summopere in Patriâ veneratus, & multos convertens peccatores.

*Alluditur ad Nomen P. & ad Divum Petronium Episcopum, qui Bononiam ampliavit, & Sacris Aedificijs adauxit.*

*Charitas aedificat* 1. Cor. 8.

*Qui prevaluit amplificare Civitatem, qui adeptus est gloriam in conversatione gentis.* Eccl. 50.

**F**elsineam renovat, sacratque Petronius Urbem;  
*Aedificat Civés altera Petra novos.*

P. Mag. JULIANUS DE BRIXIA  
Vicarius Generalis 1465.

Theologus Profundus, doctissima scripsit. Multas æquo animo passus est, & superavit persecutiones.

*Beati qui persecutionem patiuntur propter justitiam, quoniam ipsorum est Regnum Celorum.* Matt. 5.

**M**ente vias Cœli peragro, malè visus in Orbe;  
Odia, quæ tentant perdere, stulta beant.

## Aliud.

In persecutionibus semper hilaris, & constans.

*Alluditur ad Virgines, quæ invenerunt sponsum, dum mediâ nocte clamor factus est.* Matt. 25.

**H**æc anima exultat, tenebris licet undique pressa;  
In mediâ sponsus nam sibi nocte venit.

Aliud

Aliud.

Tenens manibus, & deosculans Crucifixum, ac proferens illa verba:  
*Tu es protector meus, & liberator meus, piè moritur.*  
*Tollat Crucem suam, & sequatur me. Marc. 8.*

PATER MORIENDO SIC LOQUITVR.

**S**I dat terra Cruces, tua Crux si tollit ad astra,  
Jam *Cruce*, Christe, meâ Te, moriendo, sequor.

P. ANTONIUS DE FRANCIA  
Vicarius Generalis 1467.

Ad vitæ sanctimoniam, paternum zelum, & gratos sermones, quibus subditos ad pietatem mirabiliter excitabat.  
*Donec dies illucescat, & Lucifer oriatur in cordibus vestris. 2. Pet. 1.*

**G**allus in occidui sequitur vestigia solis,  
Dux vigil æternos & vocat ore dies.

Aliud.

Prescripsit modum tutum, & facilem pro æconomicâ fidelitate servanda; librosque Chori emendavit, refecit, & auxit.

**P**erficit Æconomus Libros Claustrique, Polique;  
Sic notat in *Supero* credita dupla *Libro*.

P. LU.



## P. LUDOVICUS de CREMONA

Vicarius Generalis 1469.

Vir solitarius, &amp; pius.

**I**ncolo mente polum, mundi lætissimus exul :  
Dulcis amor Patriæ, dulce videre Deum.

## Aliud.

Religiøsæ quietis amator, renunciat dignitati, ut liberè Christo servire possit; sed adhuc ab ejus prudentissimo judicio, & auctoritate tota pendet Congregatio, quæ tunc ex duodecim Conventibus componebatur.

*Alluditur ad Apostolos, quibus, omnia pro Christo relinquentibus, dictum fuit. Sedebitis &c. judicantes duodecim tribus Israel. Matt. 19.*

**O**mnia linquit Amor, mercedis & incipit umbra ;  
Cunctas Carmeli judicat ipse Tribus.

## P. Mag. THOM. de CARAVAGIO

Vicarius Generalis 1471.

Præclarus Theologus. Pro regulari disciplina piissima statuta conscripsit, quibus B. Archangelam de Tridino instruxit, eamque à Parmensi Monialium Conventu ad fundandum, & dirigendum Mantuæ Monasterium traduxit, in quo Claustralis perfectio summo opere floruit. Purissimis moribus præditus fuit.

*Allusio ad D. Thomam Aquinatem, cui Christus dixit: Benè scripsisti de me Thomas; Ad Patris Nomen, doctrinam, & puritatem.*

**C**ælica dat scriptis; Archangela, Claustra reguntur ;  
Sunt Thomæ Angelici grataque scripta Deo.

Aliud

Aliud.

Numquam permittit subditos extrâ Conventum pernoctare; & vetuit exire horis meridianis ante Vesperas.

*Tamquam Leo rugiens circuit, querens quem devoret. 1. Pet. 5.*

*A timore nocturno, ab incurſu, & Demonio meridiano. Pf. 90.*

**R** Vgit nocte Leo, peragrat medioque dici;  
Pastor amans, dubio tempore, claudit Oves.

P. MARTINUS DE BERGOMO  
Vicarius Generalis 1473.

Multoties, & in adverſis ſtrenuiſſimè ſuſtulit onus Congregationis. Modetiſſimas veſtes gerebat; prohibuit in virtute S. Obedientiæ delationem Capparum ex ſargiâ molli, aut mangano preſſâ; & ceſſit ſenior confectus.

*Alluditur ad verba D. Martini: Domine ſi adhuc Populo tuo ſum neceſſarius, non recuſo laborem. Sac. Rit. Con. in feſto S. Martini.*

**M**ilito, ſum Paſtor, nullumque recuſo laborem;  
Chriſtum Martinus, me pia Virgo tegit.

Aliud.

Vir zelans, & integerrimus. Per multum tempus ſive gubernio, ſive conſilio ſanctiſſimè rexit Congregationem. Fuit nonagenarius; & cœleſtem propemodum vitam duxit.

*Præcepta mea cor tuum cuſtodiat, longitudinem enim dierum, & annos vitæ apponent tibi. Prou. 3.*

**C**Vra, laborque Senis magno ſub pondere durant;  
Nam Cœli vitam mors reſſecare timet.

P. Mag.



P. Mag. GVILLEMUS de BURGO  
Vicarius Generalis 1477.

Apostolicus Concionator, Præsul affabilis, ac summi Amoris, & charitatis in subditos.

*Non enim vos estis, qui loquimini, sed Spiritus Patris vestri. Matt. 10.*

**A** Patre Verbum; a Patre, ac Verbo est flamen amoris;  
Hic Pater à tanto Flamine verba tulit.

Aliud.

Piissimus Præsul, & in excitandis ad Divinum amorem fidelibus efficacissimus Præco.

*Spiritus Patris vestri, qui loquitur in Vobis. Matt. 10.*

**F**lamine plena Poli, vox Patris gignit amores;  
Donat & ore Deum, qui tenet ore Deum.

Aliud.

Fuit dignissimus Superior; moritur Ferrariæ in officio; Ejus effigies ære inciditur; & in hominum memoriâ adhuc vivit.

*Posside Sapientiam, quia auro melior est. Pro. 16.*

**A**urea cœpta dedit, rapiunt Hunc Ferrea Fata;  
Aeraque restituunt: vivere dignus erat.

P. Mag.

P. Mag. ANGELUS CAPREOLUS  
de Brixia Vicarius Generalis 1479.

Ad ejus singularem sapientiam, & purgatissimas doctrinas; ad Librum  
inter cæteros typis demandatum, *STELLA* inscriptum, & ad Nomen.

**P** Vra docet, dat clara typis, illuminat orbem;  
*Angelus* & lucis *sidera* mente movet.

Aliud.

Pastor, quantum doctissimus, & summæ famæ, pari modo humilli-  
mus, & probus. *Ad Nomen ANGELVS, ad lapsum Luciferi, & ad eundem  
librum cum titulo STELLA.*

*Quomodo cecidisti de Celo Lucifer, qui mane oriebaris? Isa. 14.*

**L** Ucifer en sapiens; humilis nec decidit umquam;  
Est opere, & calamo *Stella* Diana Gregis.

B. BAPTISTA HISPANIOLUS  
Mantuanus Vicarius Gener. 1483.

Antonomasiâ *TER MAXIMVS*. Apud Auctorem servatur argenteum  
numisma cum ejus imagine, ac prædictâ inscriptione *TER MAXI-  
MVS*. In omni genere scientiarum, ac Artium liberalium versatissimus,  
& Doctor Bononiensis. Fuit Sanctissimæ Domus Lauretanæ primus  
Custos.

*Tripliciter Sol refulgens, radijs suis obcecat oculos. Eccl. 43.*

**C** Armine, suggestu, Cathedrâ *Ter maximus* adsum;  
Claustri Phœbus eram; *Laurea* Virgo fuit.

C

Aliud



## Aliud.

Fuit Theologus, & Confessarius Ioannis secundi Bentivoli per illud  
tempus, quo Pater Bononiæ permansit in Conventu S. Martini Majoris.  
*Ad Utriusque Nomen.*

**J**oanni o semper junctus Baptista fuisset!  
Cœlica Præcursor iussa dedisset amans.

## Aliud.

Corde apertus, & candidus, Principibus carissimus extitit. Fuit Pi-  
etor, & Poeta; sed in utroque modestus, & pius.  
*In simplicitate, & sinceritate Dei, & non in sapientia carnali, sed in gra-  
tiâ Dei conversati sumus. 2. Cor. 1.*

**L**Vx venit ex umbris; ad Christum fabula ducit;  
Nam manus, os fingunt, fingere corda negant.

## Aliud.

Humillimus, & solitus dicere cum Psalmistâ: *ego sum vermis & non  
homo.* Ejus Corpus integrum in Ecclesiâ Carmelitarum Mantuæ serva-  
tur.

*Qui se humiliat exaltabitur. Luc. 14.*

**M**E reputo Vermem, sed fundit Corpus odores;  
Balsama virtutum non timuere necem.

Aliud

Aliud.

Fuit Generalis totius Ordinis Carmelitarum; pluries Vicarius Generalis Congregationis, & in zelantissimo Gubernio summopere laboravit. Honorificè requiescit ejus Sacrum, & pulcherrimum Cadaver ad dexteram Altaris Beatissimæ Virginis.

*Numquid obliviscetur Virgo ornamentisui. Ier. 2.*

DVLCISSIMA MATER PRO TOT LABORIBVS GRATA, ILLVM ANIMAM  
EFFLANTEM ALLOQVITVR.

**S**is meus in Cœlo, in Terris, carissime Fili;  
Quæ Tibi cura fui, nunc ero grata quies.

P. PEREGRINUS DE REVERO

1485.

Tantâ integritate, exemplo, & utilitate gubernavit, ut per honorificum Breve Apostolicum, suas exprimens laudes, Prior perpetuus Reveri creatus fuerit; humilis recusavit, sed Patrum Diffinitorum precibus coactus, munus laudabiliter sustinuit.

**P**raefulis ad Regimen geminant *Urbs*, Claustraq; laudes;  
Mens peregrina regit, laus peregrina datur.

P. Mag. BAPTISTA PANETIUS  
de Ferraria Vicarius Gener. 1485.

Sublimis Theologus; eximius Concionator; Poeta elegans, & eruditus.

*Lingua sapientum ornat scientiam. Prou. 15.*

**A**lta petens, sermone potens, musâque decorus,  
Sum Plato, sum Cicero, Virgiliusque sacer.

C 2

Aliud

Aliud



## Aliud.

Ex pecuniâ pijs laboribus acquisitâ insigne prædium pro suo Con-  
ventu, paulò antequàm moreretur, conquistavit.

*Et misit Servum suum horâ cœnæ dicere invitatis, ut venirent &c. primus  
dixit ei. Villam emi, & necesse habeo ex ire, & videre illam, rogo  
te, habe me excusatum. Luc. 14.*

PATER COELO INHANS CHRISTVM ALLOQVITVR.

**V**illam emi, sed, *Chrisle*, Tibi; invitatus & adsum;  
Perpetuum victum nam mihi Cœna dabit.

P. BARTHOLOMÆUS  
de Fantis à Mantua 1490.

Fuit pietate, & patientiâ conspicuus; zelantissimus; purissimus; & do-  
no prophetiæ dotatus.

*Alluditur ad illa verba: Tradidit illis bona sua: Uni dedit  
quinque talenta, alij autem duo &c. Matt. 25.*

**E**st Pius, est patiens, Zelator, Virgo, Propheta;  
Tradidit huic Nato quinque talenta Pater.

## Aliud.

Summo amore, ac hilari vultu afflictos animos solabatur, Conci-  
ven amicum maximis angustiis obstrictum à desperatione solo aspectu  
removit; Oleo lampadis ante Sacrum Corpus ardentis multi sanati sunt;  
quidam præcipuè vulneratus ad mortem, inunctis vulneribus, illicò cu-  
ratus est ita, ut nec cicatrices remanerent. *Ex Processibus Episcopatus  
Mantua.*

*Unxit te Deus, Deus tuus oleo letitiæ. Pl. 43.*

**F**ert Oleo duplici geminæ medicamina plagæ;  
*Letitiâ* mentes, lampade membra juvat.

Aliud

Aliud.

Deo animam reddere voluit Monachali Habitu indutus.

*Simile est Regnum Cælorum Homini Regi, qui fecit nuptias Filio suo &c.*

*Quomodo huc intraſti non habens veſtem nuptialem? Matt. 22.*

*Hoc erit ſignum, quòd in hoc piè moriens, æternum non patietur incendium.*

Sac. Rit. Congregatio in Lectionibus S. Simonis Stoch.

PATER MORTI PROXIMVS ITA LOQVITVR.

**M**E Rex invitat; ſpero convivium Cœli;  
Gratâ etenim Sponſo Veſte paratus eo.

Aliud.

Ejus Corpus incorruptum, & palpabile ſervatur Mantuæ.

*Vbi eſt Mors Viſtoria tua? 1. Cor. 15.*

**M**antuæ quod genuit, venerans nunc Corpus *adorat*;  
Et vitæ integritas integra membra tenet.

Aliud.

Requieſcit in Eccleſiâ Carmelitarum à parte lævâ Altaris Beatiffimę  
Virginis de Monte Carmelo, erga quam vixit ſummopere devotus, &  
multis inſignibus gratiis ab ipſâ fuit decoratus.

*A dextris eſt mihi ne commovear. Pl. 15.*

**V**irgo animam rexit, purum corpusque reſervat;  
Cordi ſtat natus, jure ſiniſtra datur.

B. IO.



B. JOANNA SCOPELLI  
de Regio Monialis 1490.

Hæreticum orationibus, & rationibus vincit; cilicijs, ac Disciplinis corpus domat; frequentes diabolicas illusiones superat; ejusque sacrum Corpus in Ecclesiâ Monialium Regii incorruptum servatur.

*Hæc est victoria, quæ vincit mundum, fides nostra.* 1. Io. 5.

*Est nobis colluctatio adversus carnem, & rectores tenebrarum harum.* Eph. 6.

Hæreticum supero; sensum premo, Tartara vinco;  
Spiritus in Cœlo, Corpus in Orbe nitet.

Aliud.

Satanam visibiliter eam minantem signo Crucis fugavit; Ejus dextera brachium ad infirmos delatum varias curat egritudines, & in Patriâ summâ Veneratione colitur.

*Tu gloria Jerusalem Tu latitia Israel; Tu honorificentia Populi nostri, quia fecisti viriliter.* Judith. 15.

Tartareum superat, Judith generosa, Tyrannum;  
Hinc populi plausus *Dextera* fortis habet.

PP. MICHAEL, & BENEDICTVS  
de Herculani à Bononia 1490.

Eodem tempore Sacrum Habitum sumplerunt, simul vixerunt; & florescenti Congregationi tum exemplo, tum prudentiâ valde proficui extiterunt.

*Misit illos binos ante faciem suam &c. Messis quidem multa, Operarij autem pauci.* Luc. 10.

Discipuli sacrum bini mittuntur in agrum;  
Pluribus Agricolis plurima messis eget.

Aliud

Aliud.

Strenui, ac zelantes Congregationis Defensores.  
*Melius est ergo, duos esse simul, si quispiam prævaluerit contra unum,  
duo resistunt ei. Eccl. 4.*  
NEC HERCVLES CONTRA DVOS.

**H**erculis unius superat *Vis* dupla vigorem;  
*Herculis at duplicis vis pia cuncta potest.*

P. Mag. VINCENTIUS MARSIVS  
de Mantua 1490.

Pius, ac elegantissimus Poeta, & eximius Theologus laureâ Sorbo-  
nensi decoratus.

**C**Armine *Marsyaco* demulcet *Marsius* aures;  
Quin Phœbum superans, laurea sarta rapit.

P. ANTONIVS DE S. AGNETE  
Ferrarriensis 1491.

Otio nunquàm vacavit; & nedum sacris literis insignis extitit, verùm  
& liberalibus disciplinis ornatus. Fuit peritus Arithmeticus; astrologiâ  
delectabatur; in describendis, & pingendis Geographicis Chartis fidelis-  
simus; Cantus plani, & figurati fundamenta possidebat; Latium Idioma  
purgatissimè callens, pius, ac facundus Orator emicuit, & animos effi-  
caci dialecticâ convincebat. Totus itaque Deo, studijsq; dicatus, moribus  
simplex, corde sincerus, & candidissimus vixit.

**C**omputat, astra colit, pingit, canit, orat, & infert;  
Artibus est dives; cor tamen arte caret.

Aliud



## Aliud.

Ad summum zelum, & humanitatem in gubernio; alludendo præcipuè ad metuendum S. Antonij ignem, & ad flammæ, à quibus Diva Agnes illæsa multos ad Christi fidem convertit.

*Argue, obsecra. 2. Tim. 4.*

**C**orripit, illustrat flammis, *Antonius, Agnes;*  
Tu simul, *igne Patris*, crimina, corda cremas.

P. IOANNES DE BARDINIS

à Revero 1492.

Sæpe Superior. *Ad summum zelum in gubernio; ad igneum Currum Patris Helic; ad Patriam, que iuxta Padum sita est; ad Phaetonem, & ad ipsius Eridani stelliferam figuram.*

**F**lammigeras *Natus Patris* benè rexit habenas;  
*Ortu, non casu, tollit in astra Padum.*

B. ARCHANGELA de TRIDINO

Monialis 1494.

In Conventu Parmæ Coelesti disciplinâ educata ita profecit, ut transmitteretur ad statuendum Conventum Monialium Mantuæ, quod mirabili pietate, ac suavitate sanctissimè direxit, & apud Serenissimos Gonzagios fuit in singulari veneratione.

*Est in illa Spiritus intelligentia, sanctus, suavis, amans bonum. Sap. 7.*  
*Sicut Sol ortens mundo in altissimis Dei, sic mulieris bona species in ornamentum domus ejus. Eccl. 26.*

**L**ilia me pascunt, Aquilæ mirantur, adorant;  
Claustris Mella dedi, *Sol Aquilisque fui.*

Aliud

Aliud.

Repressit impetum Mincij Mantuam inundantis; vinum ob incuriam  
ex aperto dolii epistomio fluens mirabiliter suspendit; ter in sepulcro fa-  
cem extinxit; & cecam Sororem illuminavit.

*Mirabilis Deus in Sanctis suis. Pl. 67.*

**S**istit aquam, vinumque; facem, tenebrasque repellit;  
Quæ cupit, à Christo Sponsa fidelis habet.

Aliud.

De Pane miraculosè providetur; & super ejus Tumulum radius Cœ-  
lestis apparet.

*De longe portans panem suum. Prou. 31.*

*Pretiosa in conspectu Domini mors Sanctorum ejus. Pl. 115.*

**D**At panes Cœlum; quò verè Archangela vivam;  
Quò illustris moriar, luce sepulcra tegit.

Aliud.

In die conversionis S. Pauli Apostoli animam Deo reddidit.

*Gaudium erit in Cælo super uno peccatore pœnitentiam  
agente. Luc. 15.*

**D**Ejicitur Saulus, Cœlos Archangela scandit;  
Excitat una dies gaudia dupla Polo.

Aliud

D

Aliud



## Aliud.

Ejus Sacrum Corpus requiescit Mantuæ ad Aram majorem Ecclesiæ  
Monialium, dictæ *S. Mariæ de Paradiso*, in parte interiori.

*Collocavit ante Paradisum voluptatis Cherubim. Gen. 3.*

IPSAMET BEATA AD CVSTODIAM MONIALIVM POSITA SIC  
SATANAM INCREPAT.

**I** Procul hinc *Serpens*; postes *Archangela* servo;  
Hic sibi custodem me *Paradisus* habet.

P. ANDREAS DE AVERARIA  
Bergomensis 1495.

Sæpius Prior; valde pius, & pro animarum salute maximopere labo-  
rans. Moritur in Officio.

*Alluditur ad illud, quod Christus dixit Andreæ Apostolo. Venite post me  
& faciam vos fieri piscatores hominum. Matt. 4.*

**A**ndreas, homines piscans, fit Martyr amore;  
Crux magna est regimen, sic *Cruce* raptus obit.

Mag. PETRUS TRAVERSINUS  
de Mantua Vicarius Gener. 1497.

Divinis, & humanis literis egregiè fuit ornatus, & ab ipso composita  
extant quinque volumina manuscripta in Mantuana Bibliotheca, cœle-  
stem doctrinam, moralitatem, summamque pietatem continentia.

*Gyrum Cæli circumvisola. Eccl. 24.*

**Q**uinq; plagas Cœli lustrat *sapientia* Patris;  
Et Christi plagis cœlica scripta nitent.

Aliud

Aliud.

Ordinavit omnibus pallia alba, & uniformia in itinere; simulque carceres, & compedes in quolibet Conventu pro Apostatis, & vagè discurrentibus paterno rigore coercendis.

*Alluditur ad illa verba: In conspectu Agni amicti stolis albis. Apoc. 7.*  
*Sequuntur Agnum quocumque ierit. Apoc. 14.*

**A**gnum ne perdant, candore illustrat euntes;  
Errantes & Oves compede sistit amor.

Aliud.

Renunciavit ob gravissimas causas Conventui Laureti, & custodiæ Sanctissimæ Domus, & paulò post moritur.

**V**irginis heu Thalamo viduor, mox vivere cesso;  
Absque Domo Vitæ quæ mihi vita manet?

P. PETRUS DE NOVELLARIA  
Vicarius Generalis 1499.

Rigidus aspectu, sed corde placidissimus; unde ab omnibus filiali reverentiâ diligebatur; ad summam pacem, & quietem Congregationem reduxit.

*Alluditur ad illud: De Petrâ melle saturavit eos. Ps. 80.*

**D**ulcis alit genios, facies placet ipsa severa;  
Petræ durities undique melle fluit.

Ecclesiæ

3.  
SIC

RIA

ere labo-

e post me

obit.

NUS

7.

omposita  
a, coele-  
ia.

Aliud



## Aliud.

Ad zelantissimum gubernium, quo aliquos incorrigibiles ejecit extra Congregationem; & ad Nomen.

*Simile est regnum Cælorum fagena missa in mare &c. Matth. 13.*

**P** Lenam, Piscator, claustrum videt esse fagenam,  
Eligit ipse bonos, ejicit inde malos.

## Duo Patres TIMOTHEI de Finali

1502.

Primus fuit Procurator Generalis, secundus Definitor Generalis; ambo singulari amore, charitate, zelo præditi, & ad amplificanda Claustra valde proficui.

*Ad Patriam duorum Timotheorum feracem, & ad Timotheum  
Atheniensem magni nominis Ducem.  
Charitas adificat. 1. Cor. 8.*

**E**T numero, & merito superat Finalis Athenas;  
Non fors Timotheis, rete sed implet amor.

P. FRANCISCUS DE S. FELICE  
Vicarius Generalis 1505.

Ad piam, & solitariam vitam; ad casuum conscientie maximam peritiam; & ad mortem exemplarem.

*Laudabuntur omnes recti corde. Ps. 63.*

**E**Rigo cor rectum; morales corrigo casus;  
Et casum rectam dirigo morte meum.

Aliud

Aliud.

Vir summæ humilitatis, & virtutis; abhorruit à titulo Magisterii, & ad modestiorem formam vestes, & caputia Fratrum restrinxit.  
*Super Cathedram Moysi &c. magnificant simbrias; amant primos accubitus in mensis; & vocari ab hominibus: Rabbi. Matth. 23.*

**E**st humilis; titulosque fugit; vestesque minorat;  
Vir pius in Cathedrâ, non Phariseus adest.

P. PETRUS NUBILARIUS  
de Mantua 1508.

Apostolicus, & fervens Concionator, ac Vir illustris in Cathedris.  
Immaturè rapitur. Fuit carissimus discipulus Baptiste Mantuani, & magnæ existimationis apud ipsum; unde violentum illius Fatum mœsto Carmine cecinit.

*Vos estis lux mundi. Matth. 5.  
Non occidet ultra Sol tuus. Isa. 60.*

**S**ol citò nube tegor; redeo post nubila Phœbus;  
Meque Poeta colit, flet, canit, optat, amat.

Aliud.

Vir patiens, multas æquo animo sustulit adversitates; solitus dicere:  
*Tu es patientia mea Domine.* Vnde etiam conscripsit aureum libellum de Patientiâ, de quo habet encomia Helias Capreolus.  
*Alluditur ad Sacrum Virginis Habitum, qui vulgò Patientia dicitur.*

**J**am perfecta nitet Patientia Patris, & ipsam  
Gestat, amat, recolit, pectore, corde, manu.  
P. AN.

Aliud



## P. ANTONIUS DE AVERARIA

Vicarius Generalis 1511.

Exemplarissimus Præsul.

*Omne datum optimum, & omne donum perfectum desursum est,  
descendens à Patre luminum. Iacob. 1.*

**H**Oc Duce deferitur tellus, hoc itur ad astra;  
Nam datus è Cœlis, jam benè novit iter.

Aliud.

Ferrariæ, deinde Bariani erat indictum Capitulum, sed propter Gallica arma, & Interdictum Pontificium, coactum fuit Mutinæ; ibique eligitur in Vicarium Generalem. Licet procul ab armis degeret, pro sustinendâ in oppressis Conventibus observantiâ summopere laboravit, & multos ibidem sub rigidis pœnis abrogavit abusus. Præcipuè ne Fratres se ullo pacto immiscerent militibus, neque haberent familiaritatem cum aliquo, immo nec ullum alloquerentur; sed diligentissimè Pontificium Interdictum caverent.

*Abiciamus opera tenebrarum, & induamur arma lucis. Rom. 13.*

**D**Ux pius arma fugit, sed zeli dimicat armis;  
*Interdicta timet, sed prohibendo valet.*

## P. Mag. IOANNES ANGELUS

Coradelius de Brixia Vic. Gen. 1515.

Præclarus, & solidissimæ doctrinæ Theologus, ac Doctor Sorbonensis. Eligitur à Pontifice coadiutor ad profligandam hæresim Luteri. Fuit Vir undequaq; sapientissimus, & Statuta Congregationis reformavit.

**G**ALLIA dat laurum, palmam victusque Luterus;  
Divus Amor calamum, quo nova Jura notes.

Aliud

Aliud.

Ipso in Vicarium Generalem electo, ab aliquibus Vocalibus controvertitur, an valeret electio; quia contra Constitutiones non permanfit continuè statutis annis in Congregatione, cum studii gratiâ Parisiis degisset ad Lauream obtinendam. Baptista tamen Mantuanus ejus jura defendit, & communi lætitiâ confirmatus est.

*Oportet irreprehensibilem esse, ornatum, doctum &c. 1. Tim. 3.*

IDEM BAPTISTA PATRES CONTROVERTENTES ITA MONET,

**P**ræmia, non pœnas, Patres, studuisse requirit;  
Quem redimit Virtus, est Caput ille bonum.

Aliud.

Birretorum nigrorum delationem omninò prohibuit, & ipsorum formam quadratam præscripsit.

ITA PRÆSVL PATRES HORTATUR.

**C**hristo mens vivat, funus neque tegmina monstrent;  
Sint Crucis ad modulum, vitæque mentis erunt.

**P. PAULUS DE MASTINIS**  
à Mantua Vicarius Generalis 1519.

Ex Hebræo Christianus, inde Carmelita, postmodum superior, & piissimè rexit.

*Alluditur ad Nomen Patris, & ad Paulum Apostolum in illis verbis: Vas electionis est mihi iste. Act. 9.*

*Gratiæ ejus in me vacua non fuit. 1. Cor. 15.*

**D**eserit Hebræos, fit Paulus, vasque supernum;  
Hoc implet Christus, funditur inde GREGI.

Aliud



## Aliud.

Mortalis vitæ contemptor, cum D. Paulo ejus Tutelari sæpius dicebat: cupio dissolui, & esse cum Christo.

*Si quis venit ad me, & non odit &c. adhuc autem & animam suam, non potest meus esse discipulus. Luc. 14.*

**A**D Christum sitiens, animam rogat ire solutam;  
Hæc manet, odit eam, sic sibi Christus adest.

## Aliud.

Nascitur Hebræus, ut supra; fit Christianus, indè Religionem ingreditur; in qua laudabiliter vivens, piè mortuus est.

*Filioli mei, quos iterum parturio, donec formetur Christus in vobis. Gal. 4.*

**M**E parit Hebræus morti; sacra lympha salutis;  
Dux ardens Claustro; mors pretiosa polo.

**P. BALTHASAR INSULANUS**  
de Bononia 1521.

Pius Prior in Patriâ, & Definitor Generalis; multos Libros ad cantum pro Choris Congregationis elegantissimè scripsit.

*Laudent nomen ejus in Choro. Ps. 149.*

**C**Antica scripsit Amans; nunc laudat ubique Tonantem;  
Ore super Cælos, per pia templa manu.

P. Mag.

P. Mag. JO: BAP. GRANELLUS  
Vicarius Generalis 1523.

Concionator eximius, magni nominis Theologus, Doctor Sorbonen-  
fis, & sacris psalmodijs incessanter assistens.

*Qui metit, mercedem accipit, & congregat fructum in vitam æternam, ut  
& qui seminat simul gaudeat, & qui metit. Io. 4.*

**R**ostra, lycea, choros, recolit, fecundat, adauget;  
Atque metit Palmas qui pia grana ferit.

Aliud.

Famosas Meretrices Verbi Dei prædicatione convertit.

*Aliud cecidit in spinas, & ascenderunt spina, & suffocaverunt  
illud. Marc. 4.*

*Non enim vos estis qui loquimini, sed spiritus Patris vestri. Matt. 10.*

**H**oc superat granum spinas, quas decedit inter;  
Perditur haud semen, quod ferit altus Amor.

Aliud.

Composuit illustre volumen super Tertium Sententiarum, quod in Bi-  
bliotheca Mantuæ asservatur; & ita quandoque à studijs absorbebatur, ut  
scribendo integram diem absque prandio consumeret.

**D**um calamo pretiosa parit, non prandia curat;  
Concha ferens gemmas, pascitur imbre Poli.

E

Aliud



## Aliud.

Interrogatus, quare tam intentè daret operam studijs, ut se ipsum, & proprias oblivisceretur necessitates, cum Platone respondit, non solum nobis nati sumus, sed Patriæ, Parentibus, ac Amicis.

*Alluditur ad verba Salvatoris, & Sapientiæ: Vos estis lux mundi; Vos estis sal terræ. Matth. 5.*

*Melior est fructus meus lapide pretioso. Ecl. 50.*

**N**on sibi Sol oritur, non sal, non regia gemma;  
Sol, sal, gemma Pater nec sibi natus erat.

P. Mag. BENEDICTUS  
de Brixia 1524.

Multi decoris, sapientiæ, & famæ; insignis Sciëntificus, & Doctor Bononiensis.

*Alluditur ad illa verba Regine Sabe, sapientiam Salomonis admirantis. Verus est sermo, quem audiui in terrâ meâ super sermonibus tuis, & super sapientiâ tuâ. & non credebam narrantibus mihi, donec ipsa vidi, & probavi 3. Reg. 10.*

**A**udit, miratur, venerans dat Felsina Laurum;  
Et studij Mater discit ab ore Patris.

P. Mag. PETRUS MAGNUS  
de Riparolo Vicar. Gener. 1525.

Fuit zelans, prudens, & amantissimus Pastor.

**P**ascit Petrus oves, & Cæli pandit Ovile;  
Mentes consilio solvit, amore ligat.

Aliud

Aliud.

Ortū nōbilib, ingens Theologus, & Concionator in præcipuis Italiae Suggestis.

*Lingua sapientum ornat scientiam. Prou. 15.*

**S** Tirps dat, mens auget, complet præconia lingua;  
Hic oritur *Magnus*, Maximus hic moritur.

P. PLACIDUS DE ALBINO  
Vicarius Generalis 1529.

Ad morum rectitudinem, suavitatem naturæ, & peculiarem dulcedinem in corrigendo.

**E** St *placidus* genio; mundo *placet*, atque Tonanti;  
Sic *placide* necit subdita corda Deo.

Aliud.

Deficientem observantiam restituit, multos tollens abusus, & novas prudentissimas leges regulari disciplinæ adjungens.

*Alluditur ad verba Mulieris Evangelicæ:*

*Congratulamini mihi, quia inveni drachmam, quam perdideram. Luc. 15.*

**C** Laustra movet, mundat, renovat, levat, auget, & ornat;  
Eversâque Domo, perdita *Drachma* patet.



## Aliud.

Religiosissimam vitam degens, acutâ febre corripitur, & per multos dies delirans, res tantum sacras loquebatur; ac tandem piissimè moritur.  
*Adolescens iuxta viam suam, etiam cum senuerit,  
 non recedet ab ea. Prou. 22.*

**D**Eciperis, si verba Patris deliria credas;  
 Qualis vita viri, non ita finis erit?

P. Mag. JO. BAP. PALLAVICINUS,  
 aliàs de Gentilibus à Bononia 1530.

Vir Sapiens, purissimæ conscientia, & eloquentissimus Concionator.  
*Quæ sursum sunt sapite. Colofs. 3.*

**C**Or Pallas vicina regit, Cyllenius ora;  
 Vndique cælestem dogmate, more putes.

## Aliud.

Insignis Prædicator in celebri suggestu D. Petronij Bononiæ, ubi concionem habuit coram Clemente Septimo Pont. Max. & Carolo Quinto Imperatore eo anno, quo Carolus à Pontifice Coronatur.  
*Ad vos Reges sunt hi sermones mei. Sap. 6.*

**I**mperium linguæ Diademata juncta coronant;  
 Non Patris est meritis una Corona satis.

Aliud

Aliud.

Resonantissimâ voce præditus in concionando ita, ut à stantibus in-  
atrio prædicti Templi clarè audiretur.

*Non enim vos estis, qui loquimini, sed spiritus Patris vestri, qui loquitur  
in vobis. Matt. 10.*

**V**ocibus immensis immensum prædico Numen;  
In *vehemente sono spiritus* ecce Dei.

Aliud.

In concione de Pace ferventissimo zelo raptus, prædixit bella Casali  
Montisferrati.

**B**ellam prædico, zelans dum prædico pacem;  
Pro linguâ *gladius* nam mihi *Patris* erat.

Aliud.

Fuit Vir pietate insignis; & abrenunciavit Cognomini de Gentilibus,  
solam retinens nuncupationem de Pallavicinis.

**N**omina vana fugit: non est *Gentilis* habendus  
Qui recolit *verum* voce, manuque *Deum*.

P. Mag.



P. Mag. PETRUS DE GRÆCIS  
Brixienſis Vicarius Generalis 1531.

Ferveſcebant magnæ lites contra Congregationem; & fideli conſtantiâ, in Chriſto confidens, ipſam tum voce, tum ſcriptis fortiter defendit.

**E**ſt Petri non Græca fides; non ſedit ad ignem;  
Sed Chriſto adhærens, dimicat ore, manu.

Aliud.

Graviſſimis immerſus contradictionibus, ordinat ſacrificia, & preces per totam Congregationem, ut ipſam, propemodum fluctuantem, tuetur, & conſervaret.

*Alluditur ad Petrum Apoſtolum: Præceptor per totam noctem laborantes nihil cepimus. Luc. 5.*

*Mittite in dexteram navigij rete, & invenietis. Io. 21.*

*Petrus cum cepiſſet mergi, clamavit &c. & continuo Jeſus extendens manum, apprehendit eum. Matt. 14.*

*Chriſtus dicitur Patris dextera. Eccl.*

IPSE MAGISTER PETRVS LOQVITVR.

**N**il piſcor, quin mergor aquis ſine numine Chriſti;  
Fert ſortem, Vitam dextera ſola Dei.

Aliud

Aliud.

Pater doctissimus, & insignium virorum felix magister; quorum multos, unum post alium, adhuc vivens habuit successores in Officio. Bis Vicarius Generalis, quietem Congregationis acerrimè defendit; ac tertio electus, dignitatem recusavit.

**A**tlas Claustra regit; durat; sed ab *Hercule* tandem  
*Multiplici* septus; linquere gaudet onus.

P. JO: PETRUS de CARAVAGIO  
Vicarius Generalis 1533.

Fuit Regularis observantiæ cultor; & animo inconcussus, omnimodam tranquillitatem Congregationi restituit. *Ad duplex Nomen.*

**I**N *Petra* residens, jam *gratia* splendet in *auge*;  
*Sors* *Ouium Petri* firmior esse nequit.

Aliud.

Congregationis quietem, & Claustrorum observantiam sustinuit; & sub gravissimis pœnis imposuit diligentem custodiam Ostiorum quorumcumque Conventuum, ne absque Superiorum expressâ licentiâ paterent extraneis.

*Vulpes, quæ demoliuntur vineas. Cant. 2.*

*Sepem circumdedit ei. Matt. 21.*

**V**inea fructificans non Vulpibus esca patebit;  
*Spinosa* cultor *sepe* tuetur eam.

P. Mag.



P. Mag. JO: MARIA VERATUS  
de Ferraria 1533.

Moribus integer; omnibus v'itutibus, & scientiis illustris; voce, scriptisque singularis; & multa typis commendavit.

**O**S, pietas, calamus, fœcundat, nutrit, inundat,  
Dogmate, more, stylo, Pergama, Claustra, Typos.

*Aliud.*

Varia volumina in lucem edidit, profundis, & solidissimis doctrinis referta.

**D**ogmata firma dedi, Veri *Veratus* amator;  
Quàm solidè scribam, præla gemendo canunt.

P. BALTHASAR FONTANA  
de Bononia 1534.

Fuit exemplaris obsequij erga Sacratissimam Virginem, & vigilans Pastor in Patriâ. Matutinas preces ante Solis ortum semper voluit terminatas; quibus incessanter singulis noctibus assistebar.

*Alluditur & ad Nomen.*

**P**eruigil incedens, cor Christo *Balthasar* offert;  
*Matutina* Mago *Stella* præibat amans.

P. IO-

P. JO: B A P. CONFALONIVS  
de Mediolano Vicarius Gener. 1535.

Apostolicus Prædicator, zelans Pastor, & ardentissimus Commissarius Apostolicus contra hæreticam pravitatem.

*Alluditur ad observantiam Sylvarum, ad Lupi proprietatem, & ad Nomen Præcursoris, qui præcessit: In Spiritu, & virtute Elie. Luc. 1.*

**P**rædicat à Sylvis, Gregibus demonstrat & Agnum;  
Hæresis inde lupam flammeus ore fugat.

Aliud.

Ordinavit, ut omnes Novitij deferrent patientiam consutam Caputio.

PATER NOVITIOS ALLOQUITVR

**J**uncta sit, o Nati, capiti patientia vestro;  
*Mens humilis discat participare jugum.*

P. Mag. ANTONIVS RICCIUS  
de Nouellaria Vicarius Gener. 1537.

Sæpius Vicarius Generalis; egregius Theologus; efficax Orator; & in arduis Oraculum semper Congregationis.

**S**unt humeri *Atlantis*, validi tenet *Herculis* ora;  
Claustri sic solus sustinet ipse globum.

F

Aliud



## Aliud.

Gratissimus, & prudentissimus Præsul; electus tertio in Vicarium Generale, fortiter onus recusavit; & precibus tandem, ac lacrymis Patrum coactus, acceptavit.

*Charitas non querit, quæ sua sunt. 1. Cor. 13.*

**V**I subiit pondus, gestat sed amore paterno;  
Pro se nil cupiens, pro Grege totus erat.

P. MARSILIUS ANDREASIIUS  
de Mantua 1538.

Ad morum puritatem, ac ingenuitatem; ad nobile stemma Gentilitium; ad moralis Theologiæ peritiam; & ad Cynum stelliferum.

**H**ic animi candore *Cynum* superavit avitum;  
*No-uit iter Cæli, Cynus & astra petit.*

P.M. OCTAVIAN. SANGALLUS  
de Soncino Vicarius Gener. 1541.

Fuit zelans, & exemplaris Superior; summæ charitatis in subditos; corde purissimus, & sub ipso valde reffloruit observantia.

*Alluditur ad quatuor Anni tempora.*

**F**ruificat zelus, mos floret, spiritus ardet,  
Datque nives candor; *Tempora sancta regunt.*

Aliud

Aliud.

Sub ipso nihil de novo statutum fuit ; nonnullos solummodo Fratres jam profugos paternâ charitate ad Congregationem recepit ; & Conventum Monialium, vulgò, *Convertitarum*, noviter fundatum, ad instantiam Ducis Ferrariæ gubernandum suscepit.

*Gaudium erit in Cælo super uno Peccatore pœnitentiam agente . Luc. 15.*

**N**on nisi Pastor oves ad Ovile reducere curat ;  
Gaudia dat Cœlis, restituendo Gregem.

P. THOMAS de PASSEROTTIS  
à Bononia 1545.

Præful in Patriâ, multas eradicavit inobservantias, & Regularem disciplinam restituit . Suorum Veterum Stemma est *Passer*.

*Sumet duos passeret &c . Levit. 14.*

**L**epra fugit culpe, mundataque Clausura refulgent ;  
*Passere pro duplici quàm placet Iste Deo !*

P. Mag. JO: BAP. MARINUS  
de Albino 1546.

Ob ejus singularem zelum, ardens munus prædicationis, ac innumeros pro Congregatione labores obinet particulare privilegio posse longam barbam nutrire .

*Alluditur ad Heliam Thesbitem Virum pilosum. 4. Reg. 1.*

**Z**elantem, fortemque Virum pia barba decebat ;  
Sic Patrem similat moribus, ore, pilis.

F 2

P. MAR-



P. MARCUS ANT. CATTANEUS  
de Parma Vicarius Generalis 1547.

Ad morum innocentiam, animi candorem, rectissimum gubernium, & Nomen Marci significans: *abstersus rubigine.*

**C**andida gesta vides, cor purum, mundaque Claustra;  
*Marci splendores nulla rubigo tegit.*

Aliud.

In Conventu Bononiæ Studium formale fundavit, & pro ipso sustinendo ab alijs Conventibus annua subsidia curavit. Prohibuit insuper, ne quis auderet legere, seu tenere sacrilegos libros Luteri sub gravissimis poenis.

*Sicut modo geniti infantes, sine dolo, lac concupiscite. 1. Pet. 2.*

**F**ormat, alit studium, Libros prohibetque nefandos;  
*Felsina sic infans, lac sine felle bibit.*

P. PAULUS DE CARBONARIA  
1548.

Erga Sacratissimam Christi Passionem peculiariter devotus, singulis hebdomadis pro unâ Missâ de eadem eleemosynam erogabat; Constitutionum, ac jejuniorum Regulæ fuit observantissimus.

*Ad illud D. Pauli: Mihi vivere Christus est, & mori lucrum. Phil. 1.*

**C**ruce animam reficit, tenuant jejunia corpus;  
*Est Paulo Christus vivere, morsque lucrum.*

Aliud

Aliud.

Multoties Diffinitor; sæpius Prior; genio suavis; & summa tranquillitate, ac observantiâ rexit. Ejus avitum Insigne sunt *duo virgarum fasciculi*.

**D**Ulcè regit, fascesque gerit, nullamque securim;  
*Consule sub tanto non ferienda vides.*

P. HORATIUS PEDEMONS  
de Mantua 1550.

Fuit religiosissimus, & prudentissimus Pater; favente Serenissimo Duce Guillelmo, cui erat admodum intimus, & à Secretis animæ, obtinuit, ut Conventui Reveri adjungeretur Parochia, & Congregationi Conventus Gonzagæ.

*Discite benefacere. Isa. 1.*

**D**AT Claustro Parochum, Matri Gonzagia Claustro;  
Seù Factor Claustri, seù Benefactor erat.

P. Baccalaureus JO: ANGELUS  
Caprianus de Mantua 1550.

Stirpe nobilis, probus moribus, ingenio clarus, à Suggestu gratus, & fructuosus. *Ad geminum Nomen.*

**S**Tipite, mente nitet; gratoque illuminat ore;  
*Angelus est lucis, gratia nempe comes.*

P. LAV-



P. LAUR. MANTACHETUS  
de Bononia 1551.

Sapius Prior, ac Diffinitor; zelo fervens, & pacis diligentissimus cultor.

*Solliciti servare unitatem Spiritus in vinculo pacis. Eph. 4.*

Condecorat solium, pacem fovet, arcet Erinny;   
 Quid poterunt Ditis fulmina? *Laurus* adest.

P. CLAUDIUS SICCUS  
de Caravagio 1552.

Summâ integritate, zelo, & prudentiâ sapius gubernavit,

*Oculus fui cæco, & pes claudus. Iob. 29.*

*Lex Sapientis fons vite. Prou. 13.*

ERigo si lapsos, si legibus irrigo Claustra,   
 *Dux* neque *claudus* ovis, *fons* neque *siccus* eram.

P. Mag. THEODORUS MASIUS  
de Mantua Vicarius Generalis 1553.

In Universitate Bononiæ publicus Lector; Illustrissimi Cardinalis Sfondrati, tunc temporis Cremonæ Episcopi, & Postea Pontificis, intimus Theologus, & Consultor; in Tridentino Concilio sapientissimum Fidei Oraculum; in cuius sententiam pro gravissimâ controversiâ, relictis cæterorum contrariis allegationibus, Sacratissimus ille Senatus abijt.

FElsineum illustro Cœlum, sacrumque Tridenti   
 Spargo nitore Polum; sum Cynosura *Petri*.

Aliud

Aliud.

Habuit prolixam, & doctissimam Orationem in Sacrosancto Concilio, quâ inclytos Patres in summam traxit admirationem; & fidei negotia sapienter direxit.

*Alludit ad illud: Os suum aperuit Sapientia. Prou. 31.*

**O**mnis ab ore Patrum pendet sapientia mundi;  
Sed sapiens Cœtus pendet ab ore Patris.

Aliud.

Eligitur prius alius in Vicarium Generalem; sed propter nimias Congregationis angustias renunciat. Hic postea assumptus, viriliter ipsam tuetur; & obtinet tria loca: Conventum Venetiarum, Abbatiam Clavatis, & locum Mirani pro Monialibus.

**D**ux proprias defendit oves; neque fugit ab hoste;  
Quin temnendo Lupos, auxit Ovile Gregi.

P. NICOLAUS A VOLTA  
Mantuanus 1554.

Prior, & Diffinitor Generalis; fuit semper virtutis amans, & studiorum protector, ac Mœcenas. Ex pecuniis proprio labore acquisitis fundavit Censum pro firmando Studio in Conventu Mantuæ.

*Vt Christum lucrifaciam. Phil. 3.*

**M**ercurium firmo; nec inania lucra requiro;  
Quin lucra impendens, hac lucror arte Deum.

P. RA.



P. RAPHAEL RUSTICHELLUS  
de Bononia 1555.

Multoties Prior, & Definitor; zelo, & rigore observantiam semper coluit.

*Meliora sunt vulnera diligentis, quam fraudulenta oscula odientis. Prou. 27.*

**R**usticus est vitijs Raphael, animisque medetur,  
Et pia rusticitas vulnera sana facit.

P. JULIUS SUPERCHIUS  
de Mantua Vicarius Generalis 1557.

Fuit eruditus, & exemplaris Vicarius Generalis. Abbas Sanctæ Barbaræ in Patriâ; & creatus Episcopus ad instantiam Serenissimi Ducis Guillelmi, cui propter ejus sana consilia, summam prudentiam, animique moderationem, fuit carissimus.

*Oportet, Episcopum irreprehensibilem esse, prudentem, ornatum, doctum, modestum, sua domui bene præpositum. 1. Tim. 3.*

**P**ræfulis, Abbatis, Pastoris munera gessit;  
*Perfecto capiti trina corona datur.*

Aliud.

Instituit Judices in aliquibus Monasterijs pro terminandis Causis, & contumacibus corrigendis; rigorosè prohibuit aditum ad Sacras Moniales absque necessitate; & ordinavit librum, in quo scriberentur in singulis Capitulis Generalibus Nomina, & gesta præcipua Fratrum Defunctorum.

**M**E Duce Grex errans redijt, claususque quievit;  
*Nomine quin surgens, mortua vixit Ovis.*

P.CA-

P. CAMILLUS AVANTIUS  
de Gubernulo Mantuanus 1557.

Fuit Definitor Generalis, & ipso procurante emanarunt in Capitulo Generali quinque sola Decreta valde proficua Congregationi. De Prædicatoribus. De corrigendis delinquentibus. Pro defendendâ libertate Congregationis. De Sententijs scribendis singulo anno in Actibus Capitularibus. Et de numero augendo studiorum Generalium.

*Alluditur ad Camillum Dictatorem, & ad illud Pauli: In Ecclesia volo quinque verba sensu meo loqui, ut & alios instruam. 1. Cor. 14.*

**L**egum Dictator, brevias antiqua; Camillus  
Jus fert quinque vices, Tu bona quinque jubes.

Aliud.

Mantuanæ Prior, elegantem Chorum, & peramplum Refectorium ædificavit.

*Edent pauperes, & saturabuntur; & laudabunt Dominum. Pl. 21.*

**C**onstruit Odeum, spatiosa Triclinia condit;  
Sic pius exercet guttura voce, dape.

Aliud.

Et si Pater simplex, summis, & singularibus dotibus eminebat.

*Alluditur ad supradicta quinque Decreta ab ipso promota, summopere fructuosa & ad illud: Domine quinque talenta tradidisti mihi, ecce alia quinque superlucratus sum. Matt. 25.*

**C**laustra iuvans, meritum quinis sibi legibus auget;  
*Quinque talenta tulit, quinque lucratur amor.*

G

P.PAV.



## P. PAULUS LIGNAGUS

Ferrariensis 1558.

Diffinitor Generalis, & in multis Conventibus Prior; pius admodum Præful, & suis subditis infirmis, ac humanâ spe destitutis, solitus ardenti charitate semper assistere, eorumque animas in Cœlum dirigere.

UT sibi præcurrant, Animas Dux mittit ad astra;  
Sic Animæ propriæ nobile reddit iter.

## P. BALTHASAR

Rustichellus de Bononia 1558.

Zelantissimus Prior, & Definitor Generalis; Vir integerrimus, & rigidioris Observantiæ cultor.

Ungentem pungit, pungentem *Rusticus* ungit;  
Nam reprimit sensûs, arcta Statuta colit.

## P. MODESTUS RODULPHINUS

de Cento 1559.

Pater exemplaris, & zelans Prior Bononiæ. Ut Deo liberè serviret, ingressus fuit Carmeliticam Religionem, relinquens totaliter Patriam, in qua ipsamet Religio nullum Conventum possidet.

*Qui reliquerit domum, aut patrem &c. Centuplum accipiet. Matt. 19.*

Hæreat ut Christo, Patremque, Domumque relinquit;  
Centum deseruit, centupla lucra cupit.

P. HIE-

P. HIERONYMUS PAINELLIUS  
de Godio Vicarius Gener. 1559.

Magnus opere, ac sermone; Præful zelans, & æquissimus. Fuit  
Serenissimæ Ducis Mantuæ dignus Theologus; & verus Helix filius.  
*Alluditur ad Heliam, & ad Aquilas Gonzagias.*

**J**ustitiæ sequitur Solem, Patrisque volatûs;  
Hinc iter ad Cælum Regia discit Avis.

Aliud.

Apostolicus, & ardens Concionator, multos peccatores ad pœnitentiam excitavit; & in Claustris nonnullos Apostatas paternis admonitionibus, ac pœnis lucratus est, & juxta Pauli Quarti Decretum in Congregationem iterum recepit.

*Vos estis lux mundi. Matth. 5.*

*Illuminare h'is, qui in tenebris, & in umbrâ mortis sedent. Luc. 1.*

*Hora est jam nos de somno surgere. Rom. 13.*

**L**ux tenebras pellit; de somno surgite, Nati;  
Surgite, fausta dies ecce salutis adest.

P. MARCUS ANTONIUS  
de Plodis à Bononia 1560.

Prudens, zelantissimus, & constans vitiorum propulsor. Eligitur Definitor Generalis die nonâ Maij, quâ incipiebant Lemuralium Solemnia.

*Homo sensatus in sapientia manet sicut Sol. Eccl. 27.*

*Eratis aliquando tenebræ, nunc autem lux in Domino. Eph. 5.*

**S**oloritur, Mentisque nitent, umbræque recedunt;  
Mos redit, ut Lemures arceat ista dies.



P. JO: BAPTISTA FRUMENTUS  
è Mediolano Vic. Gen. 1561.

Facundissimus, & efficacissimus Verbi Dei Præco.

*Ad Christi imitationem Triticum in horreum Congregavit. Matth. 3.*

*Nisi granum frumenti, cadens in terram, mortuum fuerit &c. Jo. 12.*

**H**Oc moritur *Granum* Mundo; pia Claustra subintrat;  
Granaque multiplicans, *horrea* sacra replet.

Aliud.

Dum in D. Petronij Bononiæ ferventissimè concionaretur, & sermonem haberet de Mariâ Magdalena pœnitente, Conventum Monialium, vulgò *Convertitarum* in eâdem Civitate promovit, & fundavit priusquam abiret.

*Aliud cecidit in terram bonam. Marc. 4.*

**I**N terram ecce *bonam Frumentum* decedit istud;  
Nam Claustri spicam concio sola parit.

Aliud.

In fundatione prædicti Conventus oriuntur multæ discordiæ; sed Pater omnes prudenter superat, & adversantes confundit.

*Simile est regnum Cælorum Homini, qui seminavit bonum semen &c. venit inimicus ejus, & superseminavit zizania &c. alligate ea in fasciculos ad comburendum. Matth. 13.*

**F**Rumentum crescit; *Zizania* prava secantur;  
Fascibus & propriis uritur hostis Homo.

P.AL-

P. ALBERTUS LECHUS

de Brixia 1563.

Ad exemplarem morum puritatem, & singularem animi sinceritatem,  
quibus evasit utillimus Procurator Generalis in Curiâ, & sæpius optimus  
Definitor.

**E** Micat *Albertus*, Solij purissima gemma;  
Jam lapis *albus* adest, Claustra notate diem.

P. MAG. PAULUS PACIFICUS

de Parma Vicarius Gen. 1565.

Divo Carolo Congregationis Protectori summo opere gratus fuit, &  
cum ipso sanctè, ac tranquillè rexit Congregationem. In sui Vicaria-  
tus ingressu Beatissimæ Virgini Mariæ suum gubernium pio, & ardenti  
sermone commendavit, & ejusdem Virginis Officium ad hunc finem quo-  
tidie recitandum adolescentibus injunxit.

*Cum Sancto Sanctus eris. Pl. 17.*

**C**um justo Dux justus erat; *Geminisque* sub istis  
*Pacifico* fruitur Cymbula tuta *Mari*.

Aliud.

Eloquens, & gratus Concionator; Præsul zelo ardentissimus, & fa-  
tis rigidus pro conservandâ observantiâ.

*Vocabant Barnabam Joventem, Paulum verò Mercurium. Act. 14.*

**S**I pia lingua valet, si zelo fulmina vibras;  
*Mercurium* similes, *Paule*, simulque *Joventem*.

Aliud.



## Aliud.

Lanea indusia inviolabiliter deferenda ordinavit . Pariter etiam , ut haberetur bona custodia de Oſtiis Conventuum , ne absque cauſâ intro-ducerentur extranei ; & ne ullo pacto reciperentur in Conventibus fures , prædones , & contumaces huiusmodi .

ITA PASTOR JVBET.

**D**itet lana Gregem ; Fures excludat Ovile ;  
Nec sit præda lupis : vivite Pacifici .

## Aliud .

Diſtictè vetuit aditum ad Moniales , & colloquia cum ipsis ad Crates .

*Gloriam meam alteri non dabo .* Isa. 42.

*Respiciens per Feneſtras , proſpiciens per Cancellos .* Cant. 2.

PRÆPLATVS ADMONET SVBDITOS.

**A**H proprium , Patres , zelat Deus almus honorem ;  
Linquite *Cancellos* ; est ibi Sponsus amans .

P. JO: BAPTISTA CONTAGUS  
de Ferraria 1566 .

Dulcis genio , affabilitate animos alliciens , & omnibus gratissimus .  
Procurator Generalis in Curiâ , multas gratias tum Publico , tum privatis obtinuit .

*Mansuetis dabit gratiam .* Prou. 3,

**C**orda movet ; in vota trahit ; fit prona petenti  
Curia ; Joanni Gratia semper adest .

P.MAG.

P. Mag. JOVITA GORZONIUS  
de Brixia Vicarius Gen. 1567.

Vir pius, & Heliani zeli cultor; Sancti Caroli consensu, & revisione  
Constitutiones reformat.

*Fiat in me duplex Spiritus tuus. 4. Reg. 2.*

**E**st sibi lex Divus; leges hoc Numine format;  
Et regit *Heliades spiritus inde duplex.*

Aliud.

D. Caroli auctoritate fultus, inobedientes, & pravos ad observan-  
tiam reduxit.

*Alluditur ad Gentilitium Stemma ejusdem Sancti:*

*Diligite iustitiam qui judicatis terram. Sap. 1.*

*In Chamo, & Freno maxillas eorum constringe, qui non  
approximant ad te. Ps. 31.*

**U**Nitur *Iusto*, dat normas, tollit abusûs;  
Iustorum leges sunt pia *frena* malis.

Aliud.

Omnino prohibuit ludos, comœdias, personas, & bacchanalia.

*Alluditur ad illud. Prou. 8.*

*Ludens coram eo omni tempore, ludens in orbe terrarum, & delicia mea esse  
cum filiis hominum.*

**L**Udus dat Mundi thesaurum perdere Celi;  
Ludite cum Christo; vincere quisque potest.  
P.OCTA-



P. OCTAVIANUS CIPELLUS  
de Soncino 1567.

Pluries Diffinitor Generalis; in omnibus ferè Conventibus Congregationis humanissimus Prior; religiosæ quietis, ac pacis ubique felicissimus Cultor, & Observantiæ restaurator. *Sub Octaviano Augusto, toto Orbe in pace composito, nascitur Saluator.*

**I**mperat, & Cœli gaudent sua Regna salute;  
Nempe sub *Augusti* pace Redemptor adest.

P. SYLVESTER de MANTUA  
1568.

Fuit à secretis animæ Illustrissimi Herculis Cardinalis Gonzagæ, & in Sacro Tridentino Concilio ejus Theologus, & Consultor.

**H**erculis arma vides, quibus impia monstra domavit;  
*Consilij clavam* nam pia *Sylva* dedit.

P. LUCRET. MANFREDINUS  
de Carbonaria Vic. Gen. 1569.

Pater amantissimus; sed zelans, & severus in vitium; omnibus tamen gratissimus.

*Alluditur ad Anguem ab Alcone Cretense Sagittario vulneratum, & ad illud: Dilectio sine simulatione; odientes malum, adherentes bono. Rom. 12.*

**S**ervat Amans *Natum*, culpæ dum vulnerat *anguem*;  
*Ignibus*, & *jaculis* omnia vincit Amor.

Aliud

Aliud.

Multa Monialibus præcepit; præcipuè, ut ad Crates, non verò in Con-  
ventu redderent computa reddituum, & expensarum Priori, seu Con-  
fessario; & ne adirent easdem Crates ad aliquem alloquendum absque  
purâ neccsitate.

PATER AD IPSAS MONIALES.

**C**omputa dent Crates, sed non deliria linguę;  
Ah' petet ad Crates computa dura Deus.

P. M. REMIG. ALEXANDRINVS  
de Prato Albuini Vic. Gen. 1571.

Electus in Vicarium Generalem, Dignitati renunciavit.

**Q**uod merita exposcunt, negat alta modestia Patris;  
Respuit imperium, sat meruisse fuit.

Aliud.

Se ad gubernium inhabilem existimabat, amans melius esse subditum,  
quàm Superiorem; unde electi:oni de se factæ renunciavit, anno Nava-  
lis Victoriæ tunc currente. 1571.

*Alluditur & ad Nomen.*

PATER HUMILI SENSU GVBERNIVM RECVSANS, ITA ROGAT PATRES VOCALES

**M**atris ut hæc *Navis* cum *Christi Classe* triumphet,  
Dux melior *clavum*, *remigiumque* regat.

H

P.ZA-



P. ZACHARIAS MARINUS  
de Brixia Vicarius Gen. 1571.

Pastor exemplaris, doctus, & zelans, Fato cedit in Officio.

**P**ascit Oves *proprias* exemplo, voce, labore;  
Pro Grege *dans animam*, Pastor & ecce *bonus*.

Aliud.

Propter mortem Pauli Pacifici, qui Remigio Alexandrino successerat,  
in illius locum fuit subrogatus; sed & ipse postea moritur in officio.

**J**ustitiam vivens coluit, moriensque ministrat;  
Morte recepit onus, morte relinquit onus.

Aliud.

Decretum de Cratibus absque urgenti necessitate non adeundis rigo-  
rosè confirmavit; & insuper ordinavit, nullam monialem eligi posse ad  
custodiam rotarum, nisi excederet annum quadragesimum, ac esset sum-  
mæ exemplaritatis, ac modestiæ.

*In quo etiam nos sorte vocati sumus. Eph. 1.*

*Pessulum Ostij mei aperui Dilecto meo, at ille declinaverat,  
atque transferat. Cant. 5.*

**V**ivite cum *Sponso*; Thalami nec perдите *sortem*;  
Propitiam fervet candida *Sponsa rotam*.

P. Mag.

P. Mag. ANGELUS RUBEUS  
de Bergamo 1573:

Moribus purissimus extitit, & ardenti zelo insignitus, in magnâ opinionone decessit.

*Alluditur ad illud. Cant. 5.*

*Dilectus meus candidus, & rubicundus.*

**E**Micat Angelicus candor, rubet altus & ardor;  
Hanc animam Sponsus diligit, ut similem.

Aliud.

Apostolicus Concionator, & cœlesti charitate fervens; ad quem audiendum pro animarum salute ingens Populus concurrebat.

*Si linguis hominum loquar, & Angelorum, charitatem autem non habeam, factus sum velut æs sonans. 1. Cor. 13.*

**A**ngelus est linguâ, flammæ quoque nutrit amoris;  
Sed simul æs refovens, ad pia Templâ vocat.

Aliud.

Religiosa paupertatis rigorosissimus cultor; quicquid ex suis laboribus, aut ex elemosynis acquirebat, totum, vel in Conventus beneficium, vel in Pauperum subsidium, proprio usui nihil reservans, erogabat.

*Ad illud. Eccl. 31. Post aurum non abijt &c.*

**M**ens pia post aurum neq; abit, neq; sperat in auro;  
Mira facit; Quis Hic est? Nomen, & acta docent.



## Aliud.

Ad latissimam charitatem, & zelum, quibus, non solum Prior in Patriâ, probos subditos protegebat, malosq, corripiebat; verum etiam plurimorum sæcularium spiritualis Pater, & Judex, innocentium animas Dei amore magis in dies accendebat, & corda penitentium à vitiis purgabat, & avertebat.

*Cum allusione ad Cognomen.*

**P**rovida Virga Ducis mare rubrum pandit amoris;  
*Progreditur Virtus, Crimina mersa jacent.*

## Aliud.

Summæ existimationis in Patriâ, & ad ipsum pro consilio Cives confluebant.

*Allusio ad eandem Patriam.*

*Non potest Civitas abscondi supra montem posita. Matth. 5.*

**U**rbis corda tenet; dat Celi oracula Cella;  
*Tanta super montes Urbs latitare nequit.*

**P. Mag. LUCRET. TYROBOSCUS**  
de Asula Vicarius Gen. 1575.

Varijs linguis eruditus. Theologus Reverendissimi Patriarchæ Venetiarum, & singularis æstimationis in Tridentino Concilio.

**H**ebræâ, Græcâ, quin Celi fulgeo linguâ;  
*Hanc Sacrà in Synodo dat Paracletus Amor.*

Aliud

Aliud.

In maximâ Concilij Tridentini controversiâ ipse solus contra cœteros omnes adhæsit sententiæ Magistri Theodori Masij, & in ipsam denique convenerunt Sanctissimi Primates .

*Gloriam Sapientes possidebunt . Prou. 3.*

**H**is regitur Patribus motrix Sapientia Patrum ;  
Et Fidei Cœlum volvitur hisce Polis .

Aliud.

Præter multa alia doctissima Manuscripta , quæ in Bibliothecâ Mantuanâ servantur, conscripsit insignia Volumina super Psalmos, miram, & facilem ipsorum explanationem afferentia, & typis demandata ,

*Psallam tibi in Citharâ . Ps. 70.*

**M**irè concordat *calamus* cum *Carminè Vatis* ;  
Dat, *Citharam* recolens, *pennaque* dulce melos .

Aliud.

Omnes Magistros, & GraduatOS obligavit ad Chori frequentiam .  
*Dominus dat sapientiam, & ex ore ejus prudentia, & scientia . Prou. 2.*

*Vani sunt homines, in quibus non subest Scientia Dei . Sap. 13.*

DOCTVS, ET PIVS PRÆSVL SIC PATRES GRADVATOS HORTATVR.

**L**Vbricus absque Deo *Gradus* est ; Facit Ille Magistros ;  
In Cœli studijs quærite ad *astra Gradum* .

P.Mag.



P. M. LACTANT. DOMANINUS  
de Mantua Vicarius Gener. 1577.

Fuit Theologus, ac Prædicator celeberrimus; Sanctissimæ Inquisitionis Consultor; nec non Musicus suavissimus; & non nisi spiritualia cecinit.

*Sapientia disponit omnia suaviter. Sap. 8.*

*Laudate nomen ejus, quoniam suavis est Dominus. Pl. 99.*

**A** Ut canat, aut doceat, dulcis rapit extasis aures;  
Semper juncta Deo, lingua sua-vis erat.

Aliud.

In omnibus erat eruditissimus; & coram Serenissimo Duce Guillelmo publicas Theses de omnibus scientijs, & artibus liberalibus mirabiliter, & peregrinis, ac inauditis rationibus sustinuit; quas in Libro satis conspicio ipsimet Principi dicavit, non excedens annum ætatis suæ trigessimum secundum.

*Ad illud. Eccl. 24.*

*Gyrum Cæli circūvi sola, & profundum abyssi penetravi, & in fructibus maris ambulavi, & in omni terra steti.*

**I**N Patre omnem iterum Sapientia circuit Orbem;  
Doctrinæ mundum detegit atque novum.

Aliud.

Composuit duo ingentia Volumina eruditissima de Divinâ Providentiâ, quorum primum in lucem edidit, secundum verò in Bibliothecâ Mantuæ custoditur.

*Ipse enim dedit mihi horum, quæ sunt, scientiam veram. Sap. 7.*

**P**ROVIDA mens Cæli Libris se pandit in istis;  
Scilicet his solis erudit omne solum.

Aliud

## Aliud.

Quinque strenui Concionatores ad instantiam Serenissimi Ducis Mantuæ multum ante præmoniti, & nullo particulari themate ipsis præscripto, sermonem habuerunt de Passione D. N. I. C. Domaninus de ferro solummodo pro mane sequenti ab eodem Serenissimo Duce, ut suam magis experiretur virtutem, invitatus, assignatoque insuper argumento; *Et amputavit auriculam ejus*; ita egregiè, & ad rem disseruit, ut cœteros Oratores absque paritate præcelluerit.

**O** Ra Patrum superat; gratissimus auribus extat;  
*Amputat hic linguas, perficit auriculas.*

## Aliud.

Syxtus Quintus propter Patris singularem sapientiam, ac morum integritatem, ipsum, ut fama erat, in pectore servabat ad Purpuram; sed morte Pontifex præventus, exequi non potuit. Insurrexit Mantuæ Controversia, an Sacratissimus Sanguis, qui in Ecclesiâ S. Andreae adoratur esset verus Christi Sanguis, necne; & Ipse acriter partem affirmativam sustinens, victor evasit.

*Alluditur ad Christi Sanguinem, à Patre Cathedratice defensum:*

*Tu es, Domine, Spes mea. Ps. 90.*

*In asperionem Sanguinis Jesu Christi. 1. Pet. 1.*

LACTANTIVS AD PATRES DE SORTE IPSI CONTRARIA CONDOLENTES.

**H**erois mors flenda, Patres; fors Fratris amanda;  
*Ostra cruor Christi nobiliora dabit.*

Aliud



## Aliud.

*Allusio ad idem argumentum .*  
*Qui diligit cordis munditiam, propter gratiam labiorum suorum habebit*  
*amicum Regem . Prou. 22.*

**S**Yxtus obit quando , quasi cor , me in pectore servat ;  
 Cedit amor Sedem , non fatis Oltra putans .

P. Mag. VIRGINIUS A SOLE  
 de Ferraria 1578.

Fuit Doctor Bononiensis . *Ad morum puritatem , Theologicas doctrinas , Nomen , & Cognomen .*

**D**Um penetrat mens pura Deum , cum *Virgine* sol est ;  
 Dum docet , Autumnus fructifer ecce venit .

## Aliud.

Theologicam Lauream à Sorbonensi Collegio procuraturus , ad iter se parat ; sed à suo Superiore , ipsius ope , ac prudentiâ pro arduis quibusdam superandis negotiis indigente , detinetur .

**S**ol Ducis imperio , se sistens , promptus obedit ;  
 Longa dies remanet , vincere datque *Duci* .

Aliud

Aliud.

Verbi Dei prædicatione, integritate vitæ, & erga Sacratissimam Virginem, sub cujus peculiari protectione vivebat, devotissimo affectu insignis.

*Vos estis Lux mundi. Matth. 5.  
Pulchra ut Luna. Cant. 6.*

**F**ulgeo *Lux mundi*; sum *Sol*; eclipsis & expers;  
Quin magis illustrat, me pia *Luna* tegens.

P. M. JO: BAP. GUARGUANTUS  
de Soncino 1578.

Ad Nomen Præcurforis, facilitatem in Cathedris, & eloquii suavitatem in Suggestu; ipsum assimilandò S. Ioanni Baptiste, cui latex haustum, sociata pastum mella locustis. Ecclesia.

**C**armeli Deserta colis, doctissime *Traco*;  
Dulcis es eloquio; mel fuit *esca* tibi.

P. M. JO: PAULUS DONATUS  
de Mantua 1578.

Orator, Philosophus, & Theologus egregius; orando, disputando, & scribendo suavissimus. Quatuor dignos Libros in lucem edidit, Aristotilem cum D. Thomâ conciliantes; aliud pariter ingens, atque gratissimum Volumen, cui Titulus: *Catechismus Theologicus*. Fuit etiam non vulgaris Astrologus, & prædixit propriæ mortis qualitatem ex sanguinis effusione.

**V**ox, calamus Cycni; Cycnus versatur in astris;  
Ut Cycnus mortem præcinit ipse suam.

I

Aliud



## Aliud.

Divinis simul, & astrologicis contemplationibus deditus. Præter supradicta volumina, multa que alia typis demandata, composuit erudita *Commentaria supra Aristotelis Meteora*, quæ Pio Quinto summo Pontifici consecravit nondum annum 29. suæ ætatis attingens.

**E**levat ad Christi solium *sublime* volumen;  
Mens assueta polo, non nisi celsa petit.

## Aliud.

De Antiquorum lapideis Monumentis, & Hieroglyphicis insignem peritiam habuit, & erudita Manuscripta reliquit.

**I**nclytus illustrat Veterum Monumenta *Prometheus*;  
Reddere *Fax* calami marmora *viva* potest.

P. M. VIRGINIUS BENTIUOLUS  
de Bononia Vicarius Gener. 1580.

Ad Nomen, & Cognomen, quod Italico idiomate expressum, significat: *bonum tibi volo*; sive: *te amo*. Ad peculiarem devotionem in D. Ursulam ejus Protectricem, ad cujus pedes Patris imago in Conventu D. Martini Bononiæ depicta servatur; & ad optimum, ac felicissimum ipsius gubernium.

**V**irgineos aperit *Nomen*, cor claudit *amores*;  
*Ursula* Navigii fit *minor Urfa* mei.

Aliud

Aliud.

Ad Flammas, avitum Stemma Patris, & ad ejus Filialem, & ardentem amorem erga Virginem Carmeli Matrem, ad cujus implorandum patrocinium rigoroſè præcepit, ut ſingulis Hebdomadibus caneretur Miſſa de eâdem Sanctiſſimâ Virgine in quolibet Conventu.

**P**ectus alit *flammas*; urget pia *Febris* amoris;  
Sed *crisis* eſt *vita ſeptima* quæque dies.

P. MARSILIUS CACCIA  
de Mantua 1580.

Diffinitor Generalis, & Prior. Inſigni charitate, ac amore advenas, & itinerantes hoſpitio excipiebat; qui tanta capti humanitate, ipſam ubique prædicarunt. *Ad Cognomen materno idiomate ſumptum.*

**N**omine *vulgaris*, re fit *venatio* clara;  
Tendit Amor laqueos, & *peregrina* capit.

P. M. ALBERTUS DE DRACHIS  
Brixienſis 1580.

Doct̃or Bononiensis; ardentissimus, & mirabilis in Cathedris; expoſuit, & glorioliſſimè defendit difficillimas Theſes ſub titulo *Adam in Paradiso terreſtri*.

**S**unt *Hortus* Cathedrę, *fatalis* plantaque Theſes;  
*Servat*, non *violat fulgida* poma *Draco*.

1 2

P. Mag.



P. M. MARCUS ANTONIUS  
Smeraldus de Parma 1581.

Ad Nomen Patris; ad Cognomen Italicâ linguâ sumptum; ad Theologicas doctrinas, quibus se conspicuum reddidit; & ad singulare obsequium erga Deiparam.

*Simile est Regnum Caelorum homini negotiatori, quærenti bonas margaritas &c. Matth. 13.*

**O**S loquitur gemmas Cœli de Fontibus hausas;  
In Marcum Virgo, non Cleopatra potest.

P. M. INNOCENTIUS BALDUS  
de Bononia 1582.

Vir probus, summè doctus, & optimus Superior. Ad Nomen, & Cognomen.

*Et ad illud Prou. 13. Justitia custodit innocentis viam.*

**M**Oribus est justus, rectè docet; imperat equè;  
Baldus Claustra regit Legibus innocuis.

P. SERAPHINUS MONZONIUS  
de Luca Vicarius Generalis 1582.

Valde dissidebant Vocales pro electione Vicarij Generalis, & omnes tandem promptissimè convenerunt in ipsum.

**E**Ligor in Patrem, cessat discordia Patrum;  
Propria sunt Seraphim munera pax, & amor.

Aliud

Aliud.

Animos Vocalium concordēs efficiens, tranquillam unionem in Congregatione stabilivit.

*Alludatur ad illud: Inventa una pretiosa Margaritâ &c.  
emit eam. Matth. 13.*

**H**ic meritis potuit pretiosam acquirere gemmam;  
Unio nam Claustris Unio carus erat.

P. M. AEMYLIUS PANNOLINVS  
de Bononia 1583.

*Ad singularem elegantiam, & iucunditatem in loquendo, nec non ad No-  
men Emylius, significans: blandus, vel festivus.  
Verba oris Sapientis gratia. Eccl. 10.*

**G**ratia sponsa parit, Patris ori nupta, lepores;  
Nec frustra Aemylium quæris in Aemylio.

P. M. JO: PETRUS CHIZZOLA  
de Riparolo 1584.

Erat ingenio ardentissimus; terribilis in Cathedris, & difficillimarum  
Quæstionum propugnator. Composuit multa Philosophica, & Theo-  
logica Opera; & fuit plurium Sacrorum Episcoporum æstimatissimus  
Theologus, & Confessarius.

*Dedit hominibus scientiam Altissimus. Eccl. 38.*

**F**ulminat ingenio, tonat ore, typisque coruscet;  
Imperat & Divis: fert Jovis ipse vices.

P. Mag.



P. Mag. ALEXIUS PORRUS  
de Mantua Vic.Gen. 1587.

In Sac: Theologiâ, singulariter in morali, & in Lege Canonicâ egregiè versatus fuit; peculiari honore laureatur Bononiæ in Collegio Theologorum *tamquam famosus* sine examine; hac tamen conditione, *ne transeat in exemplum*.

**Q**uid timet *exemplum famosi* Felsina Patris?  
Jam negat *exemplum* qui fuit absque pari.

Aliud.

Recepit Conventum Valentani, dimissis Patribus Servitis, qui cum possidebant, ab Illustrissimo D. Card. Farnesio, in Carmeli Virginem summoperè devoto, & erga Congregationem benè affecto.  
*Beatissima Virgo Maria visceribus suis Carmelicum Ordinem spiritaliter genuit, & ad ubera lactavit.* Bulla Greg. XIII. ad Laudes.

SIC IPSE ILLVSTRISSIMVS CARDINALIS.

**H**eliades cupio; etsi cari, cedite *Servi*;  
Propitiet *Matrem Filius* ipse mihi.

P. M. THEODORUS BACHINUS  
de Mantua 1589.

Conspicuus Theologus, ardens Concionator, & Excellentissimus Musicus.

**S**tirpe *Bachinus* eram, saliens sed mente *Bachonus*;  
Me tulit ad Cherubim *Musica Scala* Chorum.

Aliud

*Aliud.*

Ferdinando Austriaco, & Rodulpho Imperatori, nedum propter cantus suavitatem, verum magis propter eminentiam Theologicæ facultatis fuit gratissimus; & apud ipsos multis annis, valde acceptus, moratus est.

*Servite Domino in letitia . Pl. 99 .*

**M***usa Patris placuit, placuit mage Patris Apollo;  
Sic in letitia servit ipse Deo.*

**P. Mag. VINCENT. CORNELIUS**  
Guarguantus à Soncino 1589.

*Ad Doctoralem Gradum, ardorem in disputando, & zelum in corrigendo.*

**V***incentis Lauro sapiens Vincentius ornor;  
Proxima quin labii fulmina Laurus amat.*

**P. Mag. BAPTISTA FERRARIUS**  
de Riparolo 1589.

Vir doctissimus. Fuit Monachorum Cassinensium, & Carthusianorum Præceptor; ipsisque Mantuæ, Parmæ, ac Mediolani Sacram Theologiam dictavit.

**A***udit Cassinum, & Carthusia celsa docentem;  
De Monte in Montem Nomen ad astra salit.*

*Aliud*



## Aliud.

Extant in Mantuanâ Bibliothecâ ejus præclarissima Manuscripta Theologica, quibus legit Patribus quoque Cœlestinis Theologiam tum Scolasticam, tum Moralem.

*Alluditur ad illud Sapientia proposuit mensam suam. Prou. 9.*

**E**Mpyream posuit Patris Sapientia mensam;  
Jamque Viros Cœli Cœlica scripta cibant.

**P. M. CLEM. GHERARDINUS**  
de Parma 1589.

Ad Patriam, in quâ primò dedit operam studiis, ad sublimitatem doctrinæ, ac dulcedinem linguæ, quâ postea Bononiense Lyceum per multum tempus decoravit. Fuit Doctor Bononiensis.

*Alluditur ad Felsineum Leonem jactantem:*

BONONIA DOCET

*Et ad illud. Judic. 14. De forti egressa est dulcedo.*

**S**Tillo triumphanti, non victo, mella Leoni;  
Lilia Jam fuxi, concipit ipse favos.

**P. M. GEORG. VERCELLONIUS**  
de Mediolano Vicarius Gen. 1590.

Immediatè post Missam de more cantatam de Spiritu Sancto, fuit electus in Vicarium Generalem, ante electionem Definitorum præter stylium Congregationis. Ad singularem gubernii prudentiam, genii suavitatem, & morum innocentiam.

*Estote prudentes sicut serpentes, & simplices sicut Columba. Matth. 10.*

**C**or vigil, & prudens patrius mihi suggerit Anguis;  
Cor dulce, ac simplex juncta Columba Pòli.

Aliud

Aliud.

Duobus argenteis Candelabris multi valoris Templum ditavit; & circa annum 1590. quo crudelissima fames premebat, nonnullis egentibus Monasteriis pecuniam suppeditari curavit, quâ de frumento providerent. *Neque accedunt lucernam, & ponunt eam sub modio, sed super Candelabrum, ut luceat &c. Matth. 5.*

**I**llustrat Templum, Claustris frumenta ministrat;  
In Candelabro lucet, & in Modio.

P. Mag. AURELIUS REGNINUS  
de Crema Vicarius Gener. 1593.

Doctus; moribus purus; & corde dulcis; æquo, suavi, ac felici regimine gubernavit.

*Ornamentum aureum prudenti Doctrina. Eccl. 21.*

**A**ureus est animo, regnat Regninus amore;  
Ac sibi subiectis aurea regna refert.

Aliud.

Obtinuit, ut Locus Virginis Laureatæ in Suburbio Mantuæ posset fieri  
Conventus formatus, & Prioratus.

*Alluditur ad Conventum Sacratissima Domus Lauretana dimissum.*

PATER IPSE DEVOTISSIMVS MARIE FILIVS, SIC LOQVITVR.

**R**aptam plango Domum; cupio convivere Matri;  
Perdidimus Tectum, substituoque Typum.

K

P. Mag.



P. Mag. **CLAUDIUS PERINUS**  
de Parma 1594.

In patrio Lyceo effectus est dignus Theologus; fuit humanissimus genio, & gratissimus Prior sui Conventus.

**F**loribus è Patriis extraxit *Cœlica* mella;  
Dulcis, non pungens, regna meretur *Apis*.

P. Magister **P T O L E M Æ U S**  
de Ptolemæis à Ferraria 1596.

Ad regium Nomen, & Cognomen; sapientissimum regimen, & eximias virtutes.

**J**ungit *sceptra* duo: Solium *Ptolemæus* honorat;  
Summa regit virtus, & *Philadelphus* adest.

P. Mag. **GABRIEL RAVASINUS**  
de Bononia Vicarius Gener. 1598.

*Ad maximam in gubernando sapientiam; animi constantiam; & summam gratiam apud Principes; & ad Nomen, Fortitudinem Dei significans.*

**C**orde fuit magnus; Magnatum corda subegit;  
Fortia semper agit; cor *Gabrielis* habet.

Aliud

Aliud.

Sedat multa dissidia, & summa pax sub ejus gubernio. Bullam Clementis Octavi de reformatione Regularium tantâ dexteritate exequitur, ut omnes subditi concordî animo acquiescant, & promptissimè obediunt. Et ordinat inviolabiliter Processiones mortuorum singulis Ferijs secundis.

**E**st Patre sub caro, tam mors, quàm vita suavis;  
Vivus habes *pacem*, mortuus & *requiem*.

P. THOMAS JUSTIUS  
de Luca 1598.

Ad zeli fervorem, & maximum fructum in concionando; & ad morum integritatem.

**D**urus, at in vitium; *tangens*, at vulnera sanans;  
*Thomas*, at *justus*, *prædicat* iste *Deum*.

P. M. THEODOR. GORZONIUS  
de Brixia Vicarius Gen. 1600.

Vir multæ pietatis; omnibus carissimus; felicissimè gubernavit;  
Sacros Ritus Congregationis recomposuit, & ampliavit, ipsorumque confirmationem à Præsidente Apostolico impetravit.

*Si quis Dei cultor est, & voluntatem ejus facit, hunc exaudit. Jo. 9.*

**E**st pia cura mihi Divinos condere Ritus;  
Nomine nempe *Deum*, sed mage corde fero.



## Aliud.

Vestimenta reformavit; calceos vanos, & cum sericis ligaminibus prohibuit.

*Observasti omnes semitas meas, & vestigia pedum meorum considerasti. Job. 13.*

PRÆSVL SIC SVBDITOS HORTATVR.

**V**Os Deus *observat*, Cælum *Vestigia* quærant;  
Pura pedem soluunt, vanaque vincla ligant.

P. Mag. CLAUDIUS PIEROTTUS  
de Luca 1600.

Singulari doctrinâ, & pietate resplenduit, fuitque Vir sapientissimus in consulendo.

*Est enim hæc speciosior sole. Sap. 7.*

**L**ux sibi Luca fuit; Matti lux magna refulsit;  
Solis, & Aurore mutuus est radius.

P. M. DEODATUS BAZZONUS  
de Bononia 1600.

Regij, & alibi fuit dignissimus Præsul.

*Omne datum optimum desursum est, descendens à Patre luminum. Jac. 1.*

**C**laustra regit, satis est: zelans ne plura require;  
Cœli jura dabit, quem Deus ipse dedit.

P. Mag.

P. M. PAULUS ROSSETTUS  
de Ferrara 1600.

Religiøsæ solitudini toto animo studens; Pastor tamen intentissimus  
Gregi. Suorum Gentilium Stemma sunt *bicipites Aquilæ*.

Totus mente Deo, Gregibus totusque vacabat;  
Instar *Avi* propriæ, fit pietate *biceps*.

P. M. ZACHAR. BERGOMELLUS  
de Albino 1601.

Doctus in Universitate Theologorum Bononiæ, & zelans Pastor in  
Patriâ.

Stat capiti *Daphne*, menti Divinus *Apollo*;  
Sic *Amor*, & *Virtus* in Patre nupta manent.

P. M. PAULUS BRUNELLUS  
de Pomponisco Vicarius Gen. 1602.

Vir doctus, & sapiens; optimum incepit gubernium, sed obiit in Of-  
ficio; omnes tamen ejus ordinationes, uti prudentissimæ, confirmatæ fue-  
runt.

Mors rapit imperium, immortalibus invida gestis;  
Cæque decipitur, nam pia iussa manent.

Aliud



## Aliud.

Clemens, & gratissimus Præsul; Religiosæ pacis amator, & cultor;  
Aedificavit amplum Dormitorium in suo Conventu Mantuæ.

*Deus Princeps pacis. Isa. 9.*

*Omne donum perfectum desursum est. Jac. 1.*

**T**E placidum Patrem dat *Princeps pacis* ab alto;  
*Pax* es namque animis, corporibusque *quies*.

## Aliud.

Inter cœtera ordinavit, ut Priores, qui nocte ad matutinum surgere  
non possent, Officio renunciarent.

*Virgam vigilantem ego video. Jer. 1.*

*Pastores erant in regione eadem vigilantes, & custodientes vigilias noctis  
super Gregem suum. Luc. 2.*

*Ecce Agnus Dei. Jo. 1.*

PRÆSVL AD PRIORES IMPOTENTES.

**N**on vigil ah Pastor cedat; duo damna nec adsint;  
Perdere nocte *Agnum*, linquere nocte *Gregem*.

**P. M. VITALIS PALATIUS**  
de Bononia Vicarius Gener. 1604.

Exemplaris Superior, & suæ Congregationi, suoque Conventui plurimum utilis.

**F***ructificat* Claustro; *Vitales* fundit odores;  
Et *Veræ Viti palmes* adhæret amans.

Aliud

Aliud.

Antequam moreretur, argenteâ magni ponderis Lampade Templum  
D. Martini Majoris in Patriâ ditavit.

*Alluditur ad illud.*

*Prudentes acceperunt oleum in Vasis suis cum Lampidibus . Ecce Sponsus  
venit, exite obviam ei. Matth. 25.*

**I**nclita Lampas adest , oleoque refulget amoris;  
*Ob-via* sic Sponso prodiit hæc Anima .

P. M. ANGELUS SCAMNUS  
de Mediolano 1606.

Rectus, & prudens Præsul in Patriâ; in arduis constans, & in prospe-  
ris moderatus.

*Desiderium justorum omne bonum est. Prou. 11.*

**M**ens Justa, os prudens, cor forte, animusque modestus,  
*Quadruplici* firmant cardine gesta Patris.

P. ELISÆUS FLORAVANTUS  
de Bononia 1607.

Rigidus zelator pro Constitutionum observantiâ, quam Diffinitor Ge-  
neralis, restitui, & firmari ardentè curavit; quin, etiam subditus, Fra-  
trum videns inobservantias, acriter corripbat, & feliciter auferebat.

*Alluditur ad restitutam Observantiam Sylvarum; ad Nomen Elisæi; & ad  
Ferrum Securis in Jordanem delapsum, quod ad nutum Elisæi  
supernatavit, ut Filij Prophetarum ligna de Sylvâ  
recidere possent. 4. Reg. 6.*

**Z**elat Elisæus, Sylvasque secando reformat;  
Iustitiæ Ferrum reddere jussâ valent.

P. Mag.



P. Mag. PHILIP. CASTAGNOLUS  
de Bononia Vicarius Gener. 1608.

Pater innocens, mansuetus, totus amor, & charitas.

**P**astor erat, sed vixit Ovis; cor donat Ovili;  
Corda Gregis rapuit, cor fuit ipse Gregis.

Aliud.

Decreto, per Illustrissimum Dominum Cardinalem Pinellum Pro-  
torem confirmato, sancivit, non promovendos esse, nec habendos pro  
legitimis Graduatīs eos, qui studia non exercuerint in Conventu Bo-  
noniæ.

*Bonas facite vias vestras, & studia vestra. Jer. 7.*

BONONIA DOCET MATER STUDIORVM.

**L**egitimis gaudet studiis; nec talia censer,  
Ni Studii Mater nutriet illa sinu.

P. M. JO: BAP. de PAVONIBUS  
à Salodio 1608.

Ad prudens, & vigilantissimum gubernium, morum rectitudinem; ac  
summam devotionem erga Sacratissimam Virginem Matrem Mariam.  
*Beatus qui audit me, & qui vigilat ad fores meas quotidie. Prov. 8.*

**D**Vx vigil omne videt; centum fert lumina *Pavo*;  
Nam sibi jam sacrum *Juno* beata regit.

P. Mag.

P. M. BARTHOLOM. ZUBINUS  
de Brixia 1608.

Ad perfectam peritiam in lege Canonicâ, & morali Theologiâ; ad celerem mortem ex acutissimâ febre; & Legem: *Ad bestias.*

**B**artholus alta docet; violat mors invida *Leges*;  
Debuit Hic nunquam, *summus in arte*, mori.

P. RENATUS BRVGNATELLUS  
de Bononia 1608.

Fuit Definitor Generalis Congregationis, & postea Prior in Patriâ;  
magnâ semper pietate refulsit.

*Quod natum est ex Spiritu, Spiritus est.* Jo. 3.

**N**atus Fonte sacro, Carmeli est *Fonte Renatus*;  
Bis oritur Cœlo, bis pius estque Pater.

P. Mag. SYLVESTER ECCLESIA  
de Genua 1608.

Præstans Theologus; multorum secularium Sacerdotum moralis præceptor in Patriâ & Vir multi consilii apud omnes.

*Conserua præcepta Patris tui.* Prov. 6.

*Custodi legem, atque consilium.* Prov. 3.

**P**atria præceptis, quæ fert *Ecclesia*, paret;  
Consiliis hærens, perficit inde *Fidem*.

L

P.CA-



P. CAMILLUS MAGNANUS  
de Cento 1609.

Ad vitæ integritatem, piam mortem, & conspicuum Sepulcrum in Ecclesiâ D. Chrylogoni Romæ pro Fratribus Congregationis constructum.  
*Reddet mihi Dominus in illa die Justus Judex.* 2. Timot. 4.

**F**ama canit vitam, mortem, dignumque Sepulcrum;  
*Ultima* quin recinet tam pia getta *Tuba*.

P. Mag. MARC. ANT. BELVISIUS  
de Vercellis Vicarius Gen. 1610.

Rectissimè gubernavit; solum Dei cultum præ oculis habens, ordinavit, ut pro Novitiis nulla pecunia reciperetur præter scuta triginta argentea pro victu.

*Omnia arbitror ut stercora, ut Christum lucrificiam.* Phil. 3.

**L**ucra cupit Cæli; cor quærit; negligit aurum;  
Numen enim solus nummus amoris emit.

Aliud.

Rigorosè præcepit Observantiam Bullæ Clementis Octavi de recurrentibus ad favores Principum sæcularium pro dignitatibus obtinendis.  
*Nolite tangere Christos meos.* Ps. 104.

PRÆSVL PATRES ADMONET, AD SOLVM DEVMESSE RECVRRENDVM.

**S**ustinet ille vices Christi, qui Claustra gubernat;  
Jus petit, ut Christus deputet ipse vices:

P.M.

P. Mag. RAPHAEL FERRARIUS  
de Mediolano 1610.

Ad morum exemplaritatem, & proficuas ejus Conciones.  
*Lingua Sapientum sanitas est. Prov. 12.*

**D**Ogmata sana ferit; fert more, dat ore salutem;  
Fit medicus Raphael, fit medicina malis.

P. Mag. ALBERTUS PRIAMI  
Lucensis 1610.

Ad gravitatem, & auctoritatem in suggestu. Fuit Doctor Bononiensis.  
*In omnibus te ipsum prabe exemplum bonorum operum, in doctrinâ, in  
integritate, in gravitate. Tit. 2.*

**P**Ergama sunt Solium, Priami dum Regna manebant;  
Lingua fuit Sceptrum, Felsina Serta dedit.

Aliud.

Staturâ parvus, eloquio magnus, & summpere gratus.

**P**Uillus, sed voce potens, vi corda trahebat;  
Omnis in hunc punctum linea tendit amans.



## P. CHRYSOGONUS BOCCA

Romanus 1610.

Corporis mole, faciei Symmetriâ, & sympathico genio Paulo Quinto summo Pontifici valde similis fuit; taliter propterea carus, ut *amici* titulo dignus ab Ipso fieret, ejusque familiaribus gratijs, atque domesticis colloquijs sæpissimè frueretur.

*Ad illud: Amicus est alter Ego.*

AD IPSVM PATREM,

**T**U similas *Paulum*, similis cui nullus in Orbe;  
Sed neque Tu similis, *Paulus* at *alter* eras.

## P. Mag. NICOLAUS ROCCIIUS

de Salodio 1611.

Efficacissimus in disputando; & evitabantur tamquam insuperabilia ejus argumenta.

**P**rælia dat virtus; major sed gloria pacis;  
Hostis enim fugiens, ocia digna parit;

## P. M. ALBERTUS DIELAITUS

Bononiensis Vicarius Gener. 1612.

Uir pius; doctissimus Præsul: publicus Metaph. Lector in Patriâ; mirabilis facilitatis in docendo, & scribendo, unde ejus manuscripta sunt valde in usu in omnibus Lyceis Congregationis.

**C**larè dictavit, scripsit; sed clariùs egit;  
Scripta scholas peragrant, nam peregrina docent.

Aliud

Aliud.

Urbanus Octavus, cujus jura in quâdam controversiâ defenderat, ad se Patrem vocavit, ut Cardinalem crearet, sed ipse Pater dysenteriâ præventus, piâ morte decessit.

*Tu, Domine, susceptor meus es, gloria mea, & exaltans caput meum. Ps 3.*

ALLOQVVTIO AD PATREM.

**A**D Christum properas, Te quando Vicarius ambit;  
Lubrica non curas, Ostra beata cupis.

P. MICHAEL BURATTUS  
de Bononia Vicarius Gener. 1614.

Summo zelo, & incomparabili charitate gubernans, omnibus est gratissimus.

*Filius Sapiens latificat Patrem. Prov. 10.*

**I**gneæ frena regit; Patris vestigia calcatur;  
Curram corda replent; zelus, amorque trahunt.

Aliud.

Exemplari humilitate refulgens. Cum esset ex numero illorum, qui sine Gradu in Congregatione vocantur *Patres simplices*, fuit creatus Vicarius Generalis; consecutivè post dignitatem remansit Pater *Gravissimus*, deinde Magister per Apostolicum Breve.

*Qui se humiliat exaltabitur. Luc. 14.*

**H**ic salit absque Gradu; repetitque *Gravissimus* alta;  
Hos humili saltûs simplicitate potest.

Aliud



## Aliud.

Pecuniam, piis laboribus comparatam, impendit in construendo magnifico Sacratio cum nobilibus Armariis in Patriâ; sui que Protectoris Archangeli Michaelis effigie, excellenter depictâ, Apfidem ipsius Sacratio decoravit.

*Ut Christum lucrifaciam. Phil. 3.*

*Centuplum accipiet. Matth 19.*

**L**Ucrer ut Empyreum, cum fenore trado monet as;  
Exhibet has *Michael*, pondera *justa* probans.

P. Mag. CHERUB. FERRARIUS  
è Mediolano 1614.

Apostolicus Concionator; suavissimus, & Sacer Poëta.

**E**St pius eloquio, dulcis moderamine cantus;  
Pindus Carmelus, Musa que Virgo fuit.

## Aliud.

De Priscorum Notis, & Dictionibus contractis perfectam notitiam possidebat.

**P**Ando Notas Veterum, breviataque lucido Verba;  
Nostra micat virtus in *brevitate* gigas.

P. M.

P. Mag. JULIUS LEONIUS  
de Bononia 1614.

Ad zelum, doctrinam, proficuum regimen, Nomen, & Cognomen.  
*Qui Congregat in messe, Filius Sapiens est. Prov. 10.*  
MENSE JULIO SOL ACCEDIT AD LEONEM.

**M**ensis adest messis; virtutis sole calefcit  
Julius, & Fruges perficit igne Leo.

P.M. GEORG. PANTALEONIUS  
de Luca 1615.

In Libris legendis indefessus; studiis toto conatu deditus; in Univer-  
sitate Bononiæ fuit Laureatus; Apostolicus, ac fructifer Concionator  
evafit.

*Cum allusione ad Nomen, quod importat Agrum colens: & ad illud.*  
Cant. 3. Ego Flos Campi.

**L**ectio, sudor, amor, Laurum ferit, irrigat, auget;  
Hinc Florem Campi laurea Serta colunt.

P. Mag. JOVITA TRIVELLINUS  
de Brixia 1615.

Excellens Theologus; Apostolicus Prædicator, & Pater admodum  
exemplaris.

**M**ens tenet; os promit; sapiunt pia gesta Tonantem;  
Omnia possedit plena Jovita Jovis.

P.M.



P. M. THEODORUS CAMBIUS  
de Mantua Vic.Gen. 1616.

Meriti, & exultationis singularis; prudentissimus Consiliarius Serenissimi Ducis Mantuæ; cujus Lineam jam deficientem, per Sponsalia à se ipso Patre tractata, & conclusa, feliciter protraxit.

**C**onsilio, vultuque gravis, sum natus ad *alta*;  
Ipse *Ducem* duco, *sustineo*que meum.

*Aliud.*

Fuit etiam à Secretis Status Serenissimorum Ducum Mantuæ Ferdinandi, & Vincentij; Consultor Sanctissimæ Inquisitionis; intimusque Theologus Francisci Gonzagæ Episcopi Mantuæ.

**C**onsului *Ducibus*, *Fidei*, sacrisque *Tiaris*;  
Et mundi, & Cæli dirigo mente *Statum*.

*Aliud.*

Pauciloquus, & silentii amantissimus.  
*Vir prudens tacebit.* Prov. 11.

**P**incipis, & Fidei *secreta* in pectore condo;  
Muneris *alta fides labra filere* docet.

P.M.

P. Mag. BAPTISTA FURNARIUS  
de Mantua 1616.

Præclarus Theologus, & Concionator, nec non zelans Prior.

*Ad Nomen, & Cognomen.*

**E**st pia vita Gregi; Verbi panemque ministrat;  
Sic bonus est *Pastor*, qui benè *Pistor* erat.

P. Mag. JO: PETRUS BONETTUS  
de Alzano Bergomensis 1617.

In proximum totus charitas; spiritu prophetico multorum sortem prædixit; Vincentij Ducis Mantuæ Consiliarius; confirmavit antiquam Observantiam in Conventu S. Lucie Castellinæ, & eandem in suo Monasterio Bergomi instituit; fuit Pater magnæ integritatis, & singularibus dotibus insignitus.

*Charitas non quarit que sua sunt. 1. Cor. 13.*

**N**on sibi natus erat; communis vita placebat;  
Hoc habuit *proprium* non habuisse parem.

P. M. VALENTIN. MANDULUS  
de Ferraria Vicarius Generalis 1618.

Erat profundus, ardens, & magni nominis Theologus; libenter amplectebatur, quin avidè quærebat, occasiones disputandi.

*Bibite, & inebriamini, carissimi. Cant. 5.*

*Qui bibunt me, adhuc sitient. Sap. 24.*

**M**ens calet acta mero, *Verâ* de *Vite* fluente;  
Hinc *fitit* assiduè *lingua* perusta Deum.

M

Aliud



## Aliud.

Et linguâ, & calamo celeberrimus Theologus; capitis naturali humiditate gravatus, facilè in Circulis Literariis dormiebat; sed invitatus exurgens, illicò doctissimè arguebat.

*Ad Nomen.*

O Re, styloque *Valet*; laturus prælia dormit;  
Plus sapit Hic somno, quàm vigilando Duces.

P. Mag. ANTONIUS MARIA  
Mediovillanus de Bononia 1618.

Vir scientificus; Felsinea Lauro decoratus, & sui Conventus conspicuus Præful.

E St Patriæ splendor; *Lauro*, *Virgâque* decorus;  
*Stemmata* sic *gemino Phæbus* ubique regit.

## Aliud.

In gubernio cum probis animo, & facie hilaris; cum malis paternè rigidus.

*Ad Cognomen.*

D Ividit, ut jungat; rectos sibi nectit amore;  
Acquirat *mediâ rusticitate* malos.

P.M.

P. M. SIGISMUN. OGNIBENIUS  
de Parma Vicarius Generalis 1620.

*Ad sapiens, & æquissimum regimen; ad multa decreta circa studium ab ipso emanata; ad ejus ingenitam mansuetudinem, ac modestiam; ad Cognomen, & ad Verba Sap 7. Venerunt mihi omnia bona &c.*

**J**ustitiæ studeo; studiis moderamina pono;  
Meque simul moderans, omnia porto bona.

Aliud.

Prudenter, ac æquissimè gubernavit; & ideo ejus officium per Breve Apostolicum prorogatum fuit ad annum; sed ante gratiæ consumationem, Fato cedit.

*Iusti accipient regnum decoris de manu Domini. Sap. 5.*

**P**rorogat ad tempus mihi regnum grata Potestas;  
Vertit in æternum gratior ipse Deus.

P. SYLVIUS BIASOLIUS  
de Ferrara 1620.

Diffinitor Generalis; non multum literatus, sed religiosis moribus factis præditus.

**S**piritui studeo; literis nec distraho mentem;  
Sat mihi pro cunctis Omega, & Alpha Poli.



P. Lector **JO: MARIA PENSA**  
de Mantua 1620.

Fuit vir probus, doctus, & amabilis.

*Alluditur ad duplex Nomen; ad ejus transitum à Jesuitis ad Carmelitas; & ad Mariam Virginem Carmeli Matrem.*

**D**iscipulum linquit, sed carum monstrat Jesus;  
Dicit enim *Matri: Filius ecce tuus.*

Aliud.

Vir eruditus, & humanis, ac sacris literis perornatus; Librum, vulgari quidem idiomate, sed non vulgari stylo composuit, Vitas, & præcipua gesta PP. Illustrium sui Conventus Mantuæ compendiosè continentem, quem Typis etiam demandavit.

AD IPSVM LIBRI AVCTOREM.

**I**nclyta gesta Patrum calamo quid stringere curas?  
Si vis cuncta simul scribere, scribe tua.

**P. M. THEOD. GASPARDONUS**  
de Casali 1621.

Eruditus, doctus, & dignus Concionator. Electus in Diffinitorem Generalem, emanare curavit Decretum pro reformatione Prædicatorum, ut nullus admitteretur ad conciones, nisi prævio rigoroso examine; ac aliàs admissi, denuò examinarentur; & idonei non reperti, suspenderentur à Verbi Dei prædicatione.

*Ego ero in ore tuo. Exo. 4.*

*Non enim vos estis, qui loquimini, sed Spiritus Patris vestri, qui loquitur in vobis. Matth. 10.*

**O**re docens; & lege jubens, pia Rostra decorat;  
Rostraque digna Deo quælibet Ora facit.

P. M.

P. M. ANG. GABR. CIGARINUS  
de Bononia 1614.

Erat vir sapiens; sub ejus gubernio, & directione ædificata fuit in  
Conventu S. Martini Majoris Bononiæ magnificentissima Bibliotheca.

*Sapientia ædificavit sibi domum. Prou. 9.*

*In corde prudentis requiescit sapientia. Prou. 14.*

Æ Dificat, me Patre, Domum Sapientia duplam;  
Conditur vna Libris, altera Corde meo.

Aliud.

In eodem pariter Monasterio propriis sumptibus novi Claustrî elegantissimam structuram incepit, quæ adhuc vulgò dicitur: *la Fabbrica del Cigarini*; alia Claustra satis comptè restauravit; fuitque amantissimus, & rectus Præsul dicti Conventus.

Mens parit Ideas, quæ dant pulcherrima Claustra;  
Pulchrior o quantum mens data Claustra regit!

P. M. JO: PETRUS de ANSELMIS  
à Mantua 1623.

Mente promptissimus, & ardentissimus in Cathedris, ac apud omnes viros eruditos magnæ famæ. Quantâ doctrinâ, pari humilitate conspicuus; celeri morte præripitur.

*Gloria mea in Deo est. Ps. 61.*

Famma fuit Cathedrę; Sphæram citò quærit in Astris;  
Gloria nam mundi fit sibi stupa levis.

P. M.



## P. M. DOMINICUS ROTA

Vicarius Generalis 1625.

Ad Lauream Doctoralem in Collegio Theologorum Bononiæ; Ad laudabile Congregationis Gubernium; & ad Episcopalem dignitatem, ad quam postremo fuit assumptus.

*Alios autem Pastores, & Doctores. Eph. 4.*

Cum Ianis Pastor, cum Lauro Mitra refulget;  
Et virgâ, & calamo figit in auge *Rotam*.

## Aliud.

Valde Pictoribus favebat; & nobiles picturas pro Ecclesiâ comparavit. Scripta Typis mandare cupientibus pecunias suppeditabat. Pro ædificandâ Bibliothecâ æs multum contribuit. Literis præditos dignitatibus extollebat. Harmonicis concentibus summopere gaudens, Musicorum numerum in Patrio Templo notabiliter adauxit.

Peniculis, pennis, Libris, Literisque, Chorisque,  
Spes, animus, clypeus, Laurus, Apollo fui.

## P. M. CORNELIUS BONETTUS

de Soncino 1625.

Ad vehementem ardorem in Cathedris, ac in suggestu; & ad *Cornelius Balbum*, & *Severum*.

Fulmina sacra vibrat valido *Cornelius* ore;  
Non *Balbus* credas; voce *severus* erat.

P.M.

P. M. ANTON. CASTELLANUS  
de Ferraria 1625.

Fuit Procurator Generalis in Curiâ anno Iubilæi 1625. & eodem anno insignes gratias, & indulta Congregationi impetravit.

URbs mihi grata favel, felixque fit annus Ovili;  
Romam participans, *jubilat* omnis Ovis.

PP. BACCALAVREI

Cæsar Benzonus de Mantua 1625.

Franciscus Quistellus de Mantua 1625.

Iacobus Anton. Basalea de Mant. 1623.

Octavius Burgofortus de Mantua 1598.

Io. Antonius de Rodigio 1598.

Aurelius Pesentius de Soncino 1587.

Eustachius de Salodio 1587.

Non pervenerunt ad Magisterium, sed omnes in gradu Baccalaureatus piissimè decesserunt, & religiosæ, ac exemplaris mortis proficua documenta reliquerunt.

Mors cita, non meritum, Patres negat esse Magistros;  
Sed Nos morte docens, quisque *Magister* obit.

P.M.



P. M. JO: BURGOFORTUS  
de Mantua 1626.

Fuit Sac. Theologiæ dignissimus Doctor, prudens Præsul, subditif-  
que carissimus. Exuberanti rheumate à capite defluente suffocatus,  
obiit Romæ.

O Rno caput Lauris; Claustri Caput, ornor amicis;  
Me caput heu perdit; me Caput Orbis habet.

P. Mag. DOMINICUS MARIA  
Pulzonius de Bononia Vic. Gen. 1628.

Superior Sapiens; & Vir admodum serius, sed amabilis.  
*Sapientia proposuit mensam suam. Prou. 9.*  
*Vos estis sal terræ. Matth. 5.*

H Oc sale conditam posuit Sapientia Mensam;  
Majestas, & Amor fercula grata parant.

Aliud.

Prædium, piis laboribus, & industriis emptum, suo Conventui reliquit.  
*Beati pauperes spiritu, quoniam ipsorum est Regnum Cælorum. Matth. 5.*  
*Simile est Regnum Cælorum thesauro abscondito in agro &c. Matth. 13.*

H Ic emit ut donet; paupertas fulget in Agro;  
Cæli Thesaurum comparat Emptor Agri.

p. Lu-

P. LUDOVICUS DE CERVIS  
à Bononia 1628.

Dignis ornatus prerogativis; fuit electus Prior S. Martini Majoris in Patriâ; sed renunciavit, nondum completo biennio; & paulò post moritur.

*Ad fontem Helia.*

**C**ervus erat sitiens; Patris citò deserit undas;  
Ad Cœli Fontem nam properabat amor.

P. M. THEODOR. BARGELLINUS  
de Ferraria 1628.

Gravis, & sapiens; sed simul facetus; lepidis dictis, salibusque opportunis errores feliciter corripiebat.

*Assumite disciplinam, & copiosum aurum possidete in eâ. Eccl. 51.*

**Z**elat, & ex Ferro mores convertit in aurum;  
Chymicus auriferos nam parit ore sales.

P. M. ALBERTUS TOMASELLUS  
de Salodio 1629.

Ad singularem prudentiam; doctrinæ puritatem, & claritatem mirabilem; ad profundam Theologiam; ad Patriam, Nomen, & Cognomen.

*In corde prudentis requiescit sapientia. Prov. 14.*

*Candor est enim lucis æternæ. Sap. 7.*

*Consilium ejus in abyssu magnâ. Eccl. 24.*

**D**ant, Patriam, Nomen, Stirpem, Sal, Albor, Abyssus;  
Cor sapit; os candet; mensque profunda rapit.

N

P. Cle2



P. CLEMENS OLIVA

de Parma 1630.

Sac. Theologiæ studens formalis; altus ingenio; valde scientificus, & eruditus; sed celeri morte sublatus.

**A**Ltiloquus, sapiens, maturus; cessit acerbus;  
Ah nimium sapuit! nec violenta manent.

P. FRAN. MAR. PUGNANUS

è Bononia 1630.

Innocens moribus; multus zelo; magnæ potestatis in energumenos. Curatus tempore Pestis, intrepidè astitit Gregis; & eodem morbo correptus, piè moritur.

**I**N vitium *pugnans*, *pugnans* cum Dæmone, vinco;  
Vincio *luem* cedens, *mundus* & *astra* peto.

Aliud.

Moralibus omnibus mirabiliter insignitus Virtutibus, & Sacerdotali Potestate prævalens in Obsessos, vel Dæmones ejiciebat, vel compressos retinebat; zelantissimè curam animarum exercens, egregiâ suasionum dexteritate, ac efficacîâ quascunque discordias componebat.

*Ad illud: Ecclesiastic. 45. In verbis suis monstra placavit.*

**H**ic Satanam verbis, & diram placat Erinnyen;  
Virtutum Monstrum vincere, monstra valet.

P.M.

P. M. JO: PETRUS BECCARIA  
de Mediolano 1631.

Humanissimus, & amatissimus Præsul in Patriâ.  
*Benignus est enim Spiritus sapientia. Sap. 1.*

**D**isce novum genus imperii; jubet iste rogando;  
Servos discite novos; obtinet ante preces.

P. Mag. JO: BAP. PEZZOLIUS  
de Novellaria 1631.

Gratissimus Concionator; Vir probus, & exemplaris.  
*Ad Nomen.*

**V**ox clamantis adest; sed non *Deserta* colentis;  
Ingentes populos nam trahit ore, manu.

P. Mag. HIERON. FEROLDUS  
de Brixia 1632.

Prior sui Conventus Brixie, Templum, & Sacrarium notabiliter re-  
fecit; commodas Cellas ædificavit, ut Hospitibus inservirent; Fuit ze-  
lans, ac exemplaris Superior: & graves abusûs eradicavit.  
*Charitas ædificat. 1. Cor. 8.*

**Æ**dificat zelus Templum, Sacraria, Cellas;  
Ut magis ædificet, destruit omne malum.

N 2

P.M.



P. Mag. PHILIPPUS ORIGONIUS  
à Mediolano Vicarius Gen. 1632.

Ad summam pacem Congregationis sub ejus regimine; licet inter maxima dissidia electus fuerit in Vicarium Generalem.

**S**umma quies, & summus amor, me Præsule, regnant;  
*Magni sunt partus, nempe Philippus eram.*

Aliud.

Aggregavit Conventum Sylvarum novo Conventui reformato S. Luciae Castellinae, ut renovaretur, & magis vigeret Helianus Zelus ipsius Conventus Sylvarum, unde orta fuit Congregatio.

*Ad Nomen Helia, quasi Helios, ad ejus Fontem, & ad Locum Sylvarum.*

*Est enim Sapientia speciosior Sole. Sap. 7.*

*Timor Domini fons vitae. Prou. 14.*

ÆNIGMA A PIETATE SOLVENDVM.

**S**ol Radio paritur; Fons Rivo; Sylvaque Ramo;  
Restituit vitam Filius ipse Patri.

P. Mag. MARCUS ANTONIUS  
Martinellus de Parma 1632.

In literariis certaminibus se laudabiliter exercuit; quietam, & Religiosam vitam semper egit.

*Corona sapientia, timor Domini, replens pacem. Eccl. 1.*

**G**rata quies oleam connectit Palladis haste;  
Et Martis minuit Nomina, pacis amor.

P.M.

P. M. ARCHANG. COMASIUS  
de Tridino 1633.

Exemplaris, & zelans Prior; magnusque Theologus, & Concinator  
*In omnibus præbe te ipsum exemplum bonorum operum, in doctrinâ, in integritate. Tim. 2.*

**C**ulpa ruit, cælique patent; Archangelus adstat;  
More fugat Satanam, nunciat ore Deum.

P. Mag. ANGELUS ROBERTUS  
Laurentus de Bononia Vic.Gen. 1638.

Zelantissimus Pastor; antiquæ Observantiæ restitutor; & Romani Archivi fundator.

*Alluditur ad verba: Ecce nova facio omnia. Apoc. 21.*

**J**ura vetusta colo; veterum monumenta reservo;  
Moribus antiquis omnia reddo nova.

Aliud.

Choristas omnes, præter Lectores actuales, in Choro frequentes voluit; silentii observantiam rigorosè præcepit; verba immodesta omnino suppressit; studiorum enixus promotor, otiosa colloquia in proficuas, & incessantes dissertationes convertit. Primus mantilium communitatem in Refectorio decrevit; itaut omnibus Fratribus, qui prius in particulari se providebant, teneretur quilibet Conventus ipsa subministrare, singulisque hebdomadis immunda tollere, ac munda substituere; qui laudabilis, ac religiosus nitor semper imposterum in totâ Congregatione servatus fuit.

*Non quod intrat in os, coinquinat hominem, sed quod procedit ex ore. Matth. 15.*

**O**s edat, aut edat, fratrem non inquinat ullum;  
Mappula labra polit; dant labra verba poli.

Aliud



## Aliud.

Petit Viterbium, ibique, præ intensâ applicatione ad restituendam vi-  
tę Regularis perfectam observantiam, lethali morbo correptus, efflavit,  
animam.

*Vix pro iusto quis moritur.* Rom. 5.

URbs vitę Angelicam non possidet, Angele, Vitam,  
Quam cupis; in Cœlo est; i, cape, funde Tuis.

P. M. CONSTANTIUS ULMUS  
de Brixia 1639.

Doctrinâ, & pietate fuit insignis. Prior sui Conventus, verbo, & ope-  
re Regularem Observantiam sustinuit, & auxit.

FRuificat pietas; Grex vivit nectare Cœli;  
Nam Christi Vitem sustinet *Ulmus* amans.

P. MARCUS ANTONIUS  
Porta de Tridino 1646.

P. JO: BAPTISTA DRAGHIUS  
de Roma 1630.

P. DAVID BONSIUS  
de Ferrara 1628.

P.10.

P. JO: BAPT. de AQV IPE NDIO

1640.

Juvenes morigerati, & observantes; vix consequuti Gradum Lectoris, cupis munus est Logicam docere, in eodem Gradu piè, ac religiosè moriuntur.

**R**ecta Patrum *Logice* docuit *concludere* ritè;  
Is bene concludit, quem pia vita præit.

P. Mag. CÆSAR BENVENUTUS  
de Ferraria 1640.

Sapientissimus Regens in Patriâ: & inimitabilis facilitatis, ac firmitatis in doctrinis, tum dictando, tum disputando.

*Vir sapiens fortis est; & Vir doctus robustus, & validus.* Prou. 24.

VENI, VIDI, VICI.  
IN VTROQUE CÆSAR.

**I**t, videt, & vincit fortis cum Pallade Cæsar;  
Nam Calamo, & Cathedris est in utroque potens.

P. M. THEODORUS QVALEA  
de Mantua 1640.

Fuit ardentissimus in Cathedrâ, & in Suggestu; naturali energiâ in familiaribus colloquijs, mirè animos captabat; & pede claudicabat.

**F**lammeus est animo; metuendus fulmine linguæ;  
Ferrea corda liquat, *Mulciber* arte, *pede*.

P.LAV.



## P. LAURENTIUS DE MONTINIS

Lucensis 1640.

Cantus Monastici Magister pro Choristis: quos musicâ Manu Aretini fundamentaliter instruens, brevi tempore ad canendum perfectos reddebat. Ejusdem Manus a se ipso delineatæ cum suis regulis, & declarationibus extat adhuc Tabula in Choro S. Chrysogoni Romæ.

**Q**Uàm citò Discipulis aperitur Janua Cantus!  
*Clavibus* hanc referat provida nempe *manus*.

P. M. PAULUS HERCULESSIUS  
de Ferraria 1641.

Sui Conventus vigilans Præful, multo zelo rexit, & paternis admonitionibus assiduus, virtutes firmavit, & vitia destruxit.

*Quasi à facie colubri fuge peccata. Eccl. 21.*  
*Bestiam habentem capita septem &c. quæ erat, & non est &c. & ipsam igni concremabunt. Apoc. 17.*

**M**E Duce, gustat Ovis Cœlestia dogmata *Pauli*;  
*Herculis* & patitur Criminis *Hydra* facem;

P. Mag. ANGELUS SAUORUS  
de Genua 1641.

Ad incomparabilem, ac fructuosissimam sapientiam, & eloquentiam in concionando, quæ ex insignioribus Europæ Suggestibus trahebat infinitum numerum Auditorum, ac plurimos Peccatores in Cœlum dirigebat.

**A**ngelus ore *Magus*, Cœlos, non Tartara cogit;  
 Flectit ad ima Deum; fert super alstra Viros.

Aliud

Aliud.

Efficacissimus in commovendo, & illuminando Peccatores, animarum salutem mirabiliter operabatur.

**I** Radiat Cæcos, claudos regit; omnia sanat;  
Ecce salutis aquas Angelus ore movet.

P. FRANCISC. CASTELLANUS  
à Bononia 1641.

Vir sincerus, fidelis, & probus; in Computis, & Libris æquandis veratissimus; diu Procuratoris munus exercuit; & in eodem Officio nonagenarius piè decessit.

*Ducam te per semitas æquitatis. Prov. 4.*

**Æ** Quis erat calamo, verbis, & sensibus æquus;  
Reddidit extremus computa iusta dies.

P. M. DOMINICUS MASSONIUS  
Lucensis Vicarius Gener. 1642.

Aspectu vulgaris; apparenter iners; loquelâ rudis; sed animo prudentissimus, benignus, amatus, Principibus carus; ac pluries Vicarius Generalis.

*Vos secundum carnem iudicatis. Jo. 8.*

**E** St humilis vultus; mos durus; lingua remissa;  
Finis, mens, virtus, altus, amica, potens.



## Aliud.

Sapientissimus, & singularibus emicans animi dotibus; Romæ omnem ferè vitæ cursum transegit; ubi etiam Fato cedens, tumulatus est.

**R**oma rapit, quem Luca parit; sum lumen vtrique;  
Luca nitet Cunis, Corpore Roma micat.

P. Mag. PETRUS THOMAS  
de Saracenis à Bononia 1642.

Vir doctus, ac genij humanitate præclarus.

*Alluditur ad Nomen, & Cognomen, nec non ad Martyrium D. Petri Thomæ sagittis à Saracenis confossi.*

*Est enim in illâ Spiritus intelligentia suavis, humanus, benignus. Sap. 7.*

**O**Re sapit, sed more rapit, sed cogit amore;  
Cunas, non mortem, stirps Saracena dedit.

## Aliud.

Præsul in Patriâ, rigorosam prius justitiam in se ipsum exercuit, humanos omnes affectus à suo corde præcidens, ut aptius inde flammeum Sancti Patris Gladium pro Dei cultu, Claustrique observantiâ tractaret. Tantam Patris integritatem, ac zelum quidam malæ voluntatis Homo ferre non valens, gravissimo ictu, suadente Dæmone, ipsum impetere ausus est; quam tamen crucem pro Christo æquo animo sustulit, & injuriam placidissimè, & ex toto corde remisit.

*Alluditur ad ejus Insignia duos Enses in modum Crucis exponentia, ad illud Lucæ c. 22. Ecce duo gladii hîc &c. Sequenti sunt autem illum &c.*

*Et ad verba Matt. c. 16. Tollat crucem suam, & sequatur me.*

SIC PATER, OFFENSAM PATIENTER REMITTENS, ALLOQUITVR SALVATOREM.

**C**Rux mihi, Justitiæ, & relique resultat ab armis;  
Te duplici gladio, Te Cruce, Christe, sequor.

Aliud

Aliud.

Instituit, ut quotannis Collegium Theologorum festivo die S. Petri Thomæ congregaretur in D. Martini Majoris Bononiæ Templo ad audiendam Missam solemnem, simulque Panegyricum Sermonem in honorem ejusdem Sancti, qui fuit primus ex dicti Collegij Fundatoribus.

*Corona senum Filij eorum. Prov. 17.*

**I**nvisit proprium per me sapientia Patrem;  
Artificemque suum nobile laudat Opus.

Aliud.

Cum senio confectus resolveretur, sponte pecuniam sibi ad usum concessam proprijs manibus tradidit, voluitque reponi in Capsa trium Clavium Conventus; & simul petiit, ut videret, & vidit suos Libros in publicâ Bibliothecâ repositos.

**M**ira Patris pietas! Monachus Testator obivit;  
Emit & innocuâ proprietate Polum.

Aliud.

Fuit moribus integerrimus, & singularis pietatis in Virginem, & in extremâ vitæ periodo sapius illa verba reperebat: *adjuva me, Sacratissima Virgo, in hac horâ, quia colluctor cum eternitate.*

*Alluditur ad Jacob cum Angelo colluctantem.*

*Et ecce vir luctabatur cum eo usque mane &c. dixitque ad eum:*

*dimitte me, jam enim ascendit aurora. Gen. 32.*

*Et ad Virginem, qua orta creditur in Aurora, ac de quâ dicitur:*

*Quæ est ista, quæ progreditur quasi Aurora consurgens. Cant. 6.*

**P**erdit in Aurorâ Dominum luctator Jacob;  
Nunc Aurora Patri monstrat amica Deum.

O 2

P. Lect.



P. ANDREAS SVMMARIPA  
de Mantua 1642.

Erat proceræ staturæ; Vir admodum gravis, & prudens; varios Con-  
ventus rexit benignissimus Pastor; & licet non Graduat, in Sacris Scri-  
pturis, ac morali Theologiâ fuit non mediocriter versatus.

*Cum allusione ad Cognomen.*

**L**ongus Homo est sapiens; placidum cor servat, & altum;  
Virtutum claudit summaque Ripa mare.

P. Lect. THOMAS VITALIS  
de Vitalibus à Bononia 1642.

Magni animi, & multæ activitatis in agilibus; corpore pusillus, & im-  
maturâ morte præventus.

*Ad Nomen, & Cognomen.*

**G**Rande Cor heu breviter, parvoque in corpore vivit;  
Luditur à longo Nomine Vita brevis.

Ven. P. ALBERTUS de LEONIBUS  
Mantuanus 1642.

Fundator Coenobij Castellinæ; ibique antiquæ Sylvarum Observan-  
tiæ, ac Vitæ Communis Auctor.

*Catulus Leonis habitans in abditis. Pl. 16.*

**C**laustra pius format, zelans ut Claustra reformet;  
Sylvas pro Catulis amplificatque Leo.

Aliud

Aliud.

Indefessus in assistendo Confessionibus; summâ charitate infirmis inserviebat, unde per antonomasiam dicebatur PATER BONÆ MORTIS; multis sanitatem oratione impetravit; aliquos è mortis prope faucibus eripuit; potentissimus in energumenos, Demones ejiciebat; inter alios Filium Nuncij Sacræ Cæsareæ Majestatis in Urbe liberavit.

*Infirmos curate, mortuos suscite, Demones ejicite. Matth. 10.*

**O**Re potens, culpas, mortem, satanamque fugavit;  
Solis inoccidui nuncius *Albor* erat.

Aliud.

Fuit in magnâ existimatione apud multos Episcopos, Cardinales, Principes, ipsum Imperatorem, & apud Sum. PP. Clementem Octavum, Leonem Vndecimum, Paulum Quintum, Gregorium Quintum decimum, & Urbanum Octavum; multis ex quibus à secretis animæ inservivit, & ab ipsis valde diligebatur, tum propter ejus integritatem, tum propter eximiam humilitatem, quâ semper effulsit.

**M**E observant Mitre, me Purpura, Sceptra, Triregna;  
Magnum me reputant, qui nihil esse puto.

Aliud.

Multos Hebræos, ac Turcas ad Christi Fidem convertit; ipsos albis vestimentis suis manibus induit; Evangelico cibo eorum animas pascebat; & fundavit publicam Domum pro Catechumenis in Civitate Florentiæ.

*In Christo Jesu per Evangelium Ego vos genui. 1. Cor. 4.*

**Q**uos genuit Christo, Vestit, cibatur ore; Domoque  
Excipit; haud poterat verior esse Pater.

Aliud



## Aliud.

Linguâ fuit ardentissimus, & efficax. Florentiæ, & alibi correxit muliebrem vestium vanitatem; & inter alias nobilissimam, sed vanam Fœminam induxit ad humillimas vestes usque ad mortem; quæ mortuâ, apud Patris sepulcrum humari voluit. Erat mirabilis in disponendo ad piam mortem Peccatores infirmos, & induratos. Unum singulariter flammâ Inferni flocci pendentem candelâ accensâ ussit in manu, & ex illo dolore sumens argumentum de acerbitate ignis æterni, ipsum convicit; unde poenitens piè mortuus est. Multa prophetico spiritu prædixit, & precipuè mortem propriam.

*Dedit mihi Dominus linguam mercedem meam, & in ipsâ laudabo eum. Eccl. 51.*

**V**ana fugo; sum vita Reis, mihi nuncio mortem;  
Os referare potens, est aperire Polum.

## Aliud.

Pauper spiritu, & à Vestium superfluitate abhorrens, solebat cum Paulo dicere: *Induimini Dominum Jesum Christum*. Professionem emisurus, omnibus Bonis Paternis renunciavit, dicens, nimis avarum esse, cui Christus non sufficeret. Ut operibus charitatis insisteret, integros dies absque cibo præteribat, & ad se reficiendum rogatus, respondebat: *Ego alium cibum manducare habeo, quem vos nescitis*. Sæpius pernox, Infirmis ministrabat; & corda ipsorum ad Christi amorem mirabiliter convertibat. Moritur amplectens, & deosculans Crucifixum.

*Custodi legem, atque consilium, & suavis erit somnus tuus. Prov. 3.*

SIC PROBABILITER IN EXTREMA VITÆ PERIODO  
CHRISTVM DEVOTE FVIT ALLOQVTVS.

**Q**ui mihi *Vestis* eras, *Thesaurus*, *Mensa*, *Cubile*;  
Dulcis nunc *somnus* sis, pie *Christe*, mihi.

Aliud

Aliud.

Nascitur in die Nativitatis Sacratissimæ Virginis. Piè creditur ex hac vitâ ipsū virginem decessisse; unde ejus Cadaver floreo Serto coronatum fuit, & sepultum; post multos annos exhumatum, & intactum, candidumque repertum, ad dexteram Altaris Sanctissimæ Virginis in Ecclesiâ Castellinæ honorificè fuit collocatum.

*Vitam agamus in omni pietate, & castitate. 1. Tim. 2.*

**V**ixit, obit Virgo, natus cum Virginis ortu;  
Virginis inde latus candida membra foveat.

P. MICHAEL MANSIVS de Luca.  
P. ANGELUS CAMBIUS  
de Florentia 1642.

Juvenes singularis expectationis, in Gradu Lectoratus decedunt.  
*Ad amorum Cognomen verbalis Allusio.*

**D**eserit ima citò meritum, quod celsa requirit;  
*Mansio cara Polus, Cambia grata Deus.*

P. HORATIUS ab HORATIIS  
de Bononia 1643.

Pater Benemeritus, & Divini cultus ex corde zelator; malas videns operationes, promptis, & frequentibus suspiriis corrigebat; unde vulgò *Pater suspirans nuncupabatur.*

*Vapor est virtutis Dei. Sap. 7.*

**Z**elat; suspirat; petit exhalatio Cœlum;  
Lethifer & vitiis ecce cometa nitet.

P. Mag.



P. Mag. MARIUS DULCINUS  
de Bononia 1644.

Doctus, & prudens Præful in Patriâ, & multæ gravitatis aspectu; sed benignissimus genio.

**S**Um *Marius*, gravitate potens, & dogmate *Consul*;  
Sed placidè sapio; sum *Mare dulce* Gregi.

Aliud.

Ex paternâ hæreditate, nec non ex propriâ industriâ congregatis pecuniis, omnes in publicam sui Conventus utilitatem erogavit; cum esset in proximâ ad Vicariatum Generalem dispositione, contrariâ sorte impeditur, quam tamen summâ animi constantiâ, & tranquillitate derisit; omnibus imposterû Dignitatibus vale dicens, soli quieti operam dedit, & se ipso semper superior, longævam vitam traduxit. Ejus Insignia sunt *tres Coronæ*, duæ æqualiter sitæ, tertia superiùs.

**V**incit opes, Sortemque; *duplex* datur *æqua Corona*;  
Ipsum se vincit, *celsior* una datur.

Aliud.

Existunt adhuc quatuor argentea Candelabra, ingens Calix, omnifque alia excogitabilis pro solemni Sacrificio supellex; quæ omnia magno sumptu pro sacro Altari comparavit. Religiosâ morte decedens, æternâ requiæ perfrui piè creditur.

*Nescitis quoniam qui in Sacrario operantur, quæ de Sacrario sunt edunt, & qui Altari deserviunt, cum Altari participant? Cor. 9.  
Panem Angelorum manducavit homo. Pl. 77.*

**S**ervit amor *Mensæ*; tribuit sibi *Mensaque* Victum;  
Architriclinum *Cæna* beata cibat.

P.PAV-

P. PAULUS DE AGOLANTIS  
à Ferrara 1644.

Bis Prior humanissimus Conventus S. Pauli Ferrariæ, pacis, & charitatis conservator, & vigilans Præsul. Ut resurgentem tunc temporis ob-  
servantiam firmaret, suis Fratribus, non in pecuniâ, sed in lanceis ipsis in-  
dumentis Vestiarium tradebat.

Pascit amore Gregem ; vigilat ; Pastorque benignus  
*Lanis non spoliât, quin pius ornat Oves.*

P. JOANNES PETRUS  
Lucatellus de Bononia 1645.

Fuit fidus, & amantissimus Socius Vicarij Generalis, deinde zelan-  
tissimus Prior sui Conventus Bononiæ.

*Ad ejus duplex Nomen, & ad Patriæ Insigne.*

*Potens est Deus omnem gratiam abundare facere in vobis, & auget incrementa frugum justitiæ vestræ. 2. Cor. 9.*

Complet amor Geminos ; zelus fovet inde Leonem ;  
Floribus, & spicis Gratia pascit Oves.

P. PAULUS de TUSSIGNANIS  
à Bononia 1645.

Ex numero Sacerdorum, qui in Congregatione vocantur *Patres simplices*; Vir probus, & literis mediocriter imbutus; mente tamen incre-  
dibiliter promptus, & subtilibus facetiis, salibusque moralibus incompa-  
rabilis.

Simplicitate latet, salibus Sapiëntia prodit;  
Fortè per hunc hilarem *ludit in Orbe Virum.*

P

P.AN-



P. ANGELUS MONESIUS  
de Mutina 1645.

Paternâ dives hereditate, omne aurum in Dei cultum impendit, & precipuè donavit pro Arâ Majori exornandâ sex ingentia Candelabra cum Cruce summi artificii, & valoris.

*Vide ergo ne lumen, quod in te est, tenebrae sint. Luc, 11.*

**P** Atris pauperiem non auri lumen obumbrat;  
Nam tenebras nescit, quod nitet ante Deum.

P. M. ANTONIUS GALGANIUS  
de Luca Vicarius Gener. 1646.

Concionator doctissimus, eloquio suavis, & salibus gratus.

*Ad illud: numquid poterit comedi insulsum, quod non est sale conditum? Job. 6.*

**V** Ir sapiens, dulcisque stylo pugnantia junxit;  
Nam dedit ore melos, nam dedit ore sales.

Aliud.

Fuit præclarus Theologus, & summus zelator pro studio. Obtinuit facultatem à Capitulo Generali, ut pro suo arbitrio in singulis Conventibus decerneret circa GraduatOS, & Studia. Decrevit præmia pro Regentum laboribus. Aliquos non idoneos Lectores Gradu privavit. Nonnullos non satis morigeratos privatione Studij punivit. Et alios immeritò exclusos, ad Gradus promovit.

**P** Alladis est Judex, fert, aufert præmia, pœnas;  
Sed sibi pœna malus, præmia doctus erant.

P.M.

P. Mag. FRANCISCUS MARIA  
Serbellonus de Mediolano 1646.

Primi nominis Concionator; eruditis salibus, & ornatissimâ facundia refertus; animabus tamen valde proficiuus.

S Pargo, loquens, flores, fructum pariuntque cadentes;  
Semino voce *sales*, miraque messis adest.

P. Mag. JACOBUS PONTIUS  
de Luca 1646.

Vir prudens, & pauciloquus; Magister per Breve Apostolicum; omnibus carus, & ex affectu dictus communiter: *Jacobinus*.

P Auca loquor, decororque Brevi; Nomenque minoro;  
Sola mei virtus expedit omne *Breve*.

P. Mag. ANGELUS GABRIEL  
Bertachius Lucensis 1647.

Apostolicus, & fructuosus Concionator; attrahebat multitudinem Auditorum.

P Ergama sunt Navis, mare crimina, retia voces;  
Hæc Homo piscis amat; nam capiendo favent.



P. Mag. JACOBUS MAZZOLUS  
de Mutina Vic. Gen. 1648.

Serenissimi Ducis Mutinæ Francisci Theologus, doctè scripsit pro  
tuendis ejus Juribus; & fuit satis ardens, ac zelans Vicarius Generalis.

**E**st Ducis *Estensis* calamo nitidissimus *ensis*;  
Est Ducis *Helig* flammea virga Gradu.

Aliud.

Ne Superiores sufficienti pro bono gubernio experientiâ carerent, de-  
crevit, ne quis in Priorem eligi posset, nisi trigessimum ætatis annum at-  
tingeret.

*Veniunt ad vos in vestimentis ovium &c. Matth. 7.*

PRÆSVL ADMONET CLAVSTRI PASTORES, NON ESSE RIGIDAM PRO BONO  
REGIMINE HANC PRÆSCRIPTIONEM, QUÆ PRO EPISCOPIS  
IPSIS EST IN PRAXI.

**G**ratia, non rigor est, Mitris equare Cucullos;  
*Lanigeros* noscit practica sola Lupos.

P. Mag. DAVID MARIA  
Maletta de Genua 1648.

Zelo, & charitate fervens; cum in Patriâ epidemicus morbus grassa-  
retur, se voluntarium Ministrum infirmis exposuit; & eodem morbo tan-  
dem piè decessit.

**Q**uæreret ut Cœlum *David*, venit obvia pestis;  
Obvius hic pesti, quærit, habetque Polum.

P. Mag.

P. Mag. VINCENTIUS SICCUS  
de Luca 1649.

Prædicator Apostolicus valde proficuus ex primis reformatis Castellinæ; pluresque discipulos optimis disciplinis instructos post se reliquit.  
*Elegi vos, ut fructum afferatis, & fructus vester maneat. Jo. 15.*

**F**ructificat, crescit, Claustrî Viridaria ditat;  
Fructus adhuc remanet; *Siccane* planta fuit?

P. Lec. JO: FRANCISCUS PALEA  
Bononiensis 1649.

Multæ expectationis Philosophus, & Theologus; eruditus Poëta, necnon suavissimus Lyricen; & in communicandis propriis virtutibus mirabilis; multos tam in scientiis, quàm in artibus satis doctos discipulos reliquit; sed in ipso ætatis flore, vix Gradum Lectoratus attingens, surripitur.

**S**emina digna dedi Doctrinis, Carmine, Plestro;  
Mors *paleam* rapuit; vivida grana manent.

P. Mag. MICHAEL VERNITIUS  
de Bononia 1650.

Habuit universalem eruditionem in omnibus scientiis, & artibus liberalibus; & fuit Sanctissimæ Inquisitionis Consultor.

**E**st *Michael* Doctor, Medicus, Jurista, Poëta,  
Musicus, & Pictor; *Lucifer* ipse timet.

Aliud



## Aliud.

Secundum mentem Doct̃oris Resoluti suas Theses semper defendit;  
erat ingenio promptissimus; & brevibus terminis, ac laconicis respon-  
sionibus quæcumque argumenta, quantumvis validissima, facillè supe-  
rabat.

**V**ulnera prævideo; moveor *Resolutus* in hostem;  
Et Goliath sterno, *parvula saxa* vibrans.

P. MARCUS ANTONIUS  
de Bernardis à Bononia 1650.

Humilis, zelans, & exemplaris; primò Conversus, & Janitor; postea  
dignus Sacerdos, & Confessarius, etiam Monialium.

**H**ostia Diva manûs decorat, quibus Ostia rexi;  
*Claves* non Clauſtri tracto, sed inde Poli.

P. NICOLAUS BLANCUS  
Lucensis 1650.

Intellectu purgatus; animo, & moribus candidus; in juventute, vix  
Lector, morti succumbit.

*Ad Cognomen vulgariter desumptum.*

**Q**uàm citò Mors tanti *candorem* Patris obumbrat!  
Nullum discrimen *cæca coloris* habet.

P.M.

P. Mag. ANGELUS ROBERTUS  
Rosa Venetus 1651.

Ingenio promptus, prudens, ac magnus animo; corde sincerus; & Venetiis fidus, ac indefessus Congregationis defensor. Erat humeris, & pectore notabiliter gibberosus.

Nomine sum pulcher, merito sed pulchrior intus;  
Gibbum ne spernas; pectore seruo fidem.

P. Bac. ALEXANDER COACTUS  
de Ferrara 1651.

Scientificus, & magnæ expectationis; maturâ mente, senili ore, ac gravitate dotatus; in ipso adolescentiæ flore defecit.

Est gravis, & sapiens; celeri sed morte coactus;  
Prodidit hunc Virtus; Mors putat esse senem.

Aliud.

Missæ Sacrificio initium daturus, ex apoplexiâ concidit ante Aram, & mortuus est. Fuit Sacerdos multæ integritatis, unde piè credendum, ejus animam in Cœlum evolasse.  
*Si direxerit ad eum Corsuum, spiritum illius, & flatum ad se trahet. Job. 34*

V Ir pius ex astris Christum vult flectere ad Aras,  
Sed trahit ex Aris Christus ad astra pium.

P. NI.



## P. NICOLAUS CAPPELLUS

Lucensis 1652.

Singularis ingenii adolescens, de quo maxima spes vigeat. Lector tollitur in viridiori ætate; sed bono nomine superstes, adhuc vivit. Ad ejus Cognomen Italicum, & Insignia *Pileum* præferentia.

**D**um viret, heu rapitur! fallit sed *Nomine* Mortem;  
*Decoctam* ludit *Pileus* hic *Viridis*.

## P. Mag. CAROLUS CLEMENS

Cerrus de Casali Vic. Gener. 1652.

Præful benignus, sed justus; severus in vitium, & virtutis protector.

**E**st *carus, clemens*, est & durissima *cerrus*;  
Percutit ista malos, grata fit umbra bonis.

## Aliud.

Dirè à podagrâ cruciatur; unde sæpiùs pro aliquali quiete cogebatur ad lectum; in quo tamen, ut bonus Pastor, pro suis Ovibus omni curâ vigilabat.

*Nonne vadit ad illam, quæ perierat, donec inveniat eam?* Luc. 15.

**L**anea pastoris pedibus dant strata quietem;  
Pes tamen haud cessat quærere promptus Ovem.

P.M.

P. ADAMUS DE LAURENTIS

à Ferraria 1652.

Conventum Firmi, licet multis difficultatibus, & angustiis pressus, intrepidè, & laudabiliter usque ad finem regiminis gubernavit. Prior postea in Patriâ, graves pariter æquo animo sustulit adversitates; quas prorsus tandem generosâ Officij renunciatione decorosè superavit.

**F**irmus agit Firmi, Patriæ non firmus, habenas;  
Corde tamen firmo firmat ubique decus.

P. ALPHONSUS DE GALANTIS

à Brixia 1652.

Prior, & sui Gregis amantissimus Pastor. Summâ dexteritate, prudentiâ, & dulcedine se geniis accommodans, facilem, & promptam ab omnibus subditis obedientiam exigebat. Naturalem raucedinem notabilissimè patiens, non nisi submissâ, pressâque voce poterat loqui.

**N**oscit, amat, propriumque regit benè Pastor Ovile;  
Uoce jubet *raucâ*, prompta sed audit Ovis.

P. Mag. JO: MARIA DE NAVE

à Mediolano 1653.

Verbi Dei Apostolicus promulgator, zelo, affectibus, & energiâ populos ad se trahebat; & sæpiùs Crucifixum extollens, efficacibus verbis animos ad lacrymas excitabat.

*Ad duplex Nomen, & Cognomen.*

**E**N Mare, *Navis* adest, & *Gratia* ducit in altum;  
*Retia* sub *Christi Numine* plena trahit.

Q

Aliud



## Aliud.

Ad idem argumentum.

*Quasi Navis insitoris, de longè portans panem suum. Prov. 31.  
Non Vos estis, qui loquimini, sed Spiritus Patris vestri &c. Matth. 10.*

**S**acri fert panis de longè munera Navis;  
Hec venit à Cœlo, quam regit Aura Dei.

P. Mag. JO. PAULUS BELLINUS  
à Mantua Vic. Gen. 1654.

Vir doctissimus, & Textus Aristotelici fidelis sectator.  
*Alluditur ad ejus profundam doctrinam, & rectissimum gubernium  
Congregationis. Venetiis moritur, nondum completo regimine.*

**M**ente Stagiritam, Palinurum conspicias arte;  
Doctor, Ductor obit; datque sepulcra Mare.

## Aliud.

Prioribus rigorosè præcepit observantiam Decreti Sac: Concilii Tri-  
dentini de Residentiâ, sub pœnâ privationis Officii.

*Mercenarius autem, & qui non est Pastor &c. Jo. 10.*

ITA PATER DICTAT PRÆCEPTVM.

**C**um Grege stet Pastor, cupiat si Pastor haberi;  
Expositas linquit non nisi Servus Oves.

Aliud

Aliud.

Injunxit Prioribus observantiam pariter Bullæ Clementis Octavi circa Victum communem Fratrum, & inviolabilem Chori frequentiam omnibus, etiam Graduatīs, & Magistris, actu non legentibus.

*Communione nolite oblivisci; talibus enim hostiis  
promeretur Deus. Heb. 13.*

SIC PRÆSVL PATERNE OMNES HORTATUR.

**V**os decet, ut Fratres, communis Mensa, Chorusque;  
Communis dabitur Vita, melosque Poli.

P. JO: FRANCISCUS RENATUS  
Mantuanus 1655.

Per longum tempus Prior Conventus Caneti; Vir pius, & magnus Benefactor. Ipsemet suis laboribus, & industriis ad majorem Dei gloriam totum prædictum Conventum, nec non Ecclesiam magnificā, elegantī, & firmā structurā ædificavit, & usque ad mortem piissimè rexit, licet utroque oculo cæcus esset.

**C**æcus Amans dat Claustra Deo pulcherrima visu;  
Dat, neque Dona videt; sed videt ipsa Deus.

P. CAROLUS à TURRE  
de Mantua 1655.

Apostolicus, & ferventissimus Concionator; ardenti, & putridā febre correptus Fatum subiit Abulæ in Hispaniā; ibique in Templo D. Teresæ tumulatur.

**P**ectus, & os fervens calidas Hunc traxit ad oras;  
*Flamma impura rapit, Flammea Virgo tenet.*

Q 2

P. IO.



P. JO: PETRUS BOCCHIUS  
de Florentia 1656.

Doctor Pisanus; ortu Florentinus; suavis, & gratus moribus; Pastor providus, & exemplaris. Cum allusione ad ejus geminum Nomen.

**L** Aurea dat *Fronde*, mos *Florem*; Virgaque fructum;  
Pro Gregibus *Petri Gratia* nulla deest.

P. NICOLAUS DE GIROLAMIS  
Romanus 1656.

Musicae Moderator praeclarus; suavis, magistralibus, & harmonicis Compositionibus admodum excellens, & famosus.

**C** Antores ad dulce melos Patris arte moventur;  
Fama sequens modulos, dulcis<sup>&</sup> ipsa canit.

P. ADAM REDINUS  
è Florentia 1657.

Zelantissimus Prior Conventus Genuæ.

*Ad Nomen ipsius, & Monasterii, quod dicitur Angelorum; ad situs amœnitatem; ad vite regularis observantiam sub ejus gubernio, & ad ejus mortem ex pleuritico morbo.*

**A** Ngelicę vite *Paradisum* possidet *Adam*;  
Sed, licet innocuo, fert sibi *Costa* necem.

P. M.

P. Mag. ALBERTUS RICCIUS  
de Mutina 1659.

Zelans Præsul, sed corde benignus; facile irascebatur, facile amorem  
reassumebat; vehementi Sæculi vexatione consternatus, febre corripitur,  
& in principio Regiminis obiit Prior.

*Alluditur ad ejus Cognomen Italicum, & ad Stemma Histricem præseferens,  
nec non ad ipsius histricis proprietatem, qui offensus,  
in orbem se claudit.*

*Quos amo, arguo, & castigo. Apoc. 3.*

*Exaltatus autem, humiliatus sum, & conturbatus. Pl. 87.*

D Illigo quos pungo; Caput impero mite, severum;  
Sed metuens histrix, cum pede Jungo Caput.

P. Mag. NICOLAUS ADAMUS  
de Mutina 1660.

Fuit Consultor SS. Inquisitionis in Patriâ, & Prior prudens, ac zelans  
sui Conventus.

C onsultor Satanam, Dux crimina pellit Adamus;  
*Anguis Tartarei nil timet iste dolos.*

P. M. SEBASTIANUS BURGHIIUS  
à Bononia Vicarius Gener. 1661.

Creatus Vicarius Generalis per Apostolicum Breve Alexandri Septi-  
mi, favente Illustrissimo, ac Reverendissimo Prælato de Alteriis, qui  
postea fuit Clemens Decimus, & concessit Patri aliud Breve Prioratus  
perpetui in suæ Patriæ Conventu.

P romovet Huic Sidus, complent sex Sidera sortem;  
*Astraque jam septem sunt Cynosura Duci.*

Aliud



## Aliud.

Facillimè omnium genio se accomodabat ; & Principum animos mirabiliter alliciebat ; sæpe rexit ; declaratus per Pontificium Breve Prior perpetuus Conventus Bononiæ, mox fato succumbit.

*Ut plures lucrificerem, omnibus omnia factus sum. 1. Cor. 9.*

**M**irè animos *lucror* ; mirè *omnibus omnia fio* ;  
Sed frustra in terris *perpetuare putem*.

P. Mag. JOSEPH TOSIUS  
de Ferrara 1661.

Fuit vigilans, & humanus Prior in Patriâ ; pro sui Conventus indigentis Bononiam petiit, ibique ex abundanti sanguinis vomitione ultima Fata subivit.

*Allusio ad Evangelicum Pastorem, Jo. 10. qui Animam suam dat pro Ovis suis.*

**C**urat Oves, vigilat ; patitur ; nece monstrat amorem ;  
Exhaurit venas pro Grege Pastor amans.

P. LUDOVICUS MARIA  
de Vecchis à Bononia 1661.

Ad zelum ; perfectam Regulæ observantiam ; peculiarem erga S. Virginem Tereſiam devotionem, propter quam tranſiit ad Patres Discalceatos ; & ad Cognomen.

*Renovamini spiritu mentis vestre, & induite novum hominem. Eph. 4.*

**N**omine, mente *senex*, discit renovare se ipsum ;  
Fit sibi *Mater* amans, quæ fuit alma *Soror*.

P. AN-

P. ANGELUS ALBERTUS  
de Sacchis à Bononia 1662 .

Erga D. Chrysogonum Congregationis Tutelarem singulariter devotus; & in propriâ effigie depictâ eundem Sanctum simulavit .

*Amicus fidelis protectio fortis . Eccl. 6.*

*Vivo autem, jam non ego . Gal. 2.*

**M**ens mea Tu solus; *faciem* Tibi, corque dicavi;  
Sis, rogo, *Protector*; factus es *alter ego* .

P. M. SERAPHIN. VANNINIUS  
de Luca 1663 .

Jucundâ, & ornatissimâ excelebat facundiâ; in juventute phthisicus moritur .

**M**ens vivax; & vita brevis; mors fluxio falsa;  
Cor *salibus* rapui; me rapuere sales .

P. JO: PETR. MONTECALVUS  
à Bononia 1663 .

Vir genere nobilis, & moribus integer; proceræ admodum, & quadratæ staturæ; fuit Prior in Patriâ, & Pater Jubilæatus. Gentilitium Stemma sunt *Montes* .

*Regnum Cælorum vim patitur, & violenti rapiunt illud . Matth. 11.*

**M**ontibus insurgit Cor magnum, *maxima moles*;  
Sed meritis pugnans, Regna beata rapit .

P.M.



P. Mag. JOANNES RICCIUS  
à Bononia 1664.

Sapiens, & liberalis Præful in Patriâ; famosus Theologus; peritissimus  
Astronomus; Mathematicæ in Patrio Archigymnasio publicus Profes-  
sor. Improvisâ syncope tollitur è vivis.

**S**plendida frena regit; sapiens Sol imperat Astris;  
Subditur *Eclipsi*; deliquioque latet.

Aliud.

Vir pius; & cultus Divini studiosus; nobilibus ex omni colore Casulis  
ditavit Sacrarium,

**P**lanetis observo Deum, studiisque *Planetas*;  
Non nisi res Cæli mens benè docta sapit.

Aliud.

Mathematicas doctrinas, & Astronomicas mensuras, proportiones,  
vel distantias in qualibet suâ Concione discretè inferens, & morales  
postmodum evidentias ex ipsis deducens, eruditè simul, & fructuosè au-  
dientium animos delectabat.

**Q**uæque mathematicis ornatur Concio metris;  
Mensurat mores, signat ad Astra vias.

Aliud

US

## Aliud.

issimus  
Profes-

In conversando parum cultus, antiquorum Philosophorum libertate procedebat; in familiaribus verbis, eorumque accentibus erat maternus, & popularis; apertè semper, ac sincerè, nullo habito humano respectu, loquebatur; & omnium, etiam Amicorum defectus ore rotundo in faciem redargebat. Cor tamen habuit mite, gratum, & dulce; licetque ad iram naturaliter tenderet, facillimè statim se componebat. Stemma ipsius Gentilitium *Castaneam Arborem fructibus gravidam* exponit.

**N**obilitat *Plantam Fructus* tam gratus *avitam*;  
*Asper* in externo, *mollis* & *intus* erat.

## Aliud.

Casulis

Patrium regens Monasterium anno 1648. quo pleraque pars Italiæ maximâ frumenti penuriâ premebatur, tam prudenti usus est oeconomia, ut nullo sensibili Conventus incommodo, ipsum abundanter hic bonus Pastor providerit.

**S**ors pugnat, sed vincit Amor; Pater horrea replet;  
Fit caro ex victu carior Ipse GREGI.

## Aliud.

tiones,  
morales  
osè au-

Author fuit Ejus affinis in sæculo, & ab Ipso Sacrum Religionis Habitum sumpsit.

AUTHOR IPSE.

**Q**uem dedit affinem Mundus, Claustrumque parentem;  
In Cœlis fratrem da mihi, Christe Pater.

R

P. Mag.

Aliud



P. Mag. JULIANUS SYLVA  
de Regio Vic. Gen. 1664.

Suavis genio, gratum, & rectum incepit gubernium, sed ictericus morti cedit in actu Visitationis.

**H**eu perit ictericus, Celi qui *mulsa* propinat;  
*Sparsus felle* nequit vivere dulcis Amans.

Aliud.

Probus Vir; ad iram facilis, sed confestim placatus; & semper lingua moderatus, & honestissimus.

*Si quis putat, se Religiosum esse, non refrenans linguam suam, hujus vana est religio. Jac. 1.*

**E**st mihi cor placidum, brevis ira, modesta loquela;  
Frena meis labiis pono, deinde Gregi.

P. M. MART. BISANZINETTUS  
de Mediolano 1664.

*Ad Apostolicam eloquentiam in Suggestu, quâ peccatores mirè lucrabatur, probos confirmabat, & magis accendebat, omniumque mentes illustrabat. Venerabiliis clausit dies suos.*

*Vos estis sal terræ. Matth. 5.*

**P**urgo malos, *conseruo* bonos, & *condio* mentes;  
*Terræ sal* fueram, sum decus inde *Maris*.

P. Mag.

P. M. HYACINTHUS A TVRRE  
Asculanus 1664.

A Cappucinis transmigravit ad Heliam; & in Congregatione creatus  
Magister, inde Socius Vicarij Generalis, magnæ virtutis specimen dedit.  
*Helias quasi Helios.*

*Et ad illud.*

*Christi bonus odor sumus. 2. Cor. 2.*

**D**iligit hunc *Florem*, Carmeli & nutrit *Apollo*;  
Optimus est Christi sic *Hyacinthus* odor.

P. M. THEODOR. MUGGIANUS  
è Mediolano 1665.

Præclarissimis dotibus fulgens; moribus gratus; & universaliter dile-  
ctus, & carissimus; supremum Caput esse meruit, sed non fuit.

**M**E peramant Patres; Capitis nec munere donant;  
Par decus est Nobis esse *Cor*, esse *Caput*.

Aliud.

Magna spes de illius proximâ assumptione; sed nephritico morbo præ-  
ventus, pijsimè occumbit.

**P**roh quales latitant mundana per Æquora Syrtes!  
Cum prope Portus adest, sistit *arena* Ratem.

R 2

P.HYE-



P. HIERONYM. PELAGALLUS  
de Asculo 1665.

In construendis Horologiis Solaribus perfectissimus; quæ varijs, & artificiosissimis modis ubique situum infallibili methodo componebat.

**S**E Pater æternat, spatiis dum limitat Horas;  
Nominis huic lucem Gnomonis umbra parit.

Aliud.

In dignoscendis, & clarissimè distinguendis metallicis Antiquorum Numismatibus, Iconibus, eorum ritibus, ac temporibus excellenter eruditus.

**O**Mne vetus Sæclum potui mihi reddere præsens;  
Me quoque præsentem sæcla futura canent.

P. Mag. CLAUDIUS SURCHIUS  
de Ferrara 1665.

Vir exemplaris; & acerrimus vitiorum reprehensor; oculorum suffusione fit cæcus.

*Melior est manifesta correptio, quam amor absconditus. Prov. 27.*

**Q**Uæ malè gesta videt, Cynico sermone flagellat;  
Non silvit cæcus; verbera cæca dedit.

P. M.

P. M. PHILIPPUS PACARONUS  
de Firmo 1666.

Ex Carmelitis Discalceatis ad Carmelitas Congregatos.

Ut dignè ambuletis vocatione, quâ vocati estis, unum corpus, & unus  
spiritus, sicut vocati estis. Eph 4.

A PIO LECTORE ELUCIDANDVM ÆNIGMA.

Claustra finit, retinet, Genitus, Fraterque Tereſe;  
Nudus, & indutus, pes fugit, atque manet.

P. ANGELUS SINIBALDUS  
de Ferrara 1666.

Fidelissimus, exemplaris, & beneficus Sacrista S. Pauli Ferrariæ; mul-  
toties ad id munus electus; ac tandem per Breve Pontificium vitâ duran-  
te confirmatus. In suâ morte non aliam pecuniam, quàm Romani Scu-  
ti dimidium reliquit.

Sæpe sacras tractavit opes, & pauper obivit;  
Quæ sunt nempe Dei, jam dedit Ipse Deo.

P. M. JO: BAPT. CATALANUS  
à Bononia 1667.

Facundus admodum Concionator; omnes ferè Cursus Quadrageſi-  
males Veneriis complevit; fuitque multis Veneris Proceribus pergratus,  
& familiaris, dictusque per antonomasiam *Torrens Bononiensis*; ortu erat  
Felsineus; sed adscitus in filium Conventus Mutinæ.

Felsina dat *Fluvium* Rostris, Mutinæque decorem;  
Clarior hæc fulget *Flumine*, quam *Situla*.

P. IO.



P. JO: BAP. FRANCESCHINUS  
de Mutina 1667.

Multæ pietatis religiosus; & ex assiduâ mortis meditatione valde laudabiliter vixit. Obtinuit facultatem à Sac. Congregatione, ut sepeliretur in particulari Ecclesiæ loco, & reponeretur in Capsâ, sibi met à se ipso præparatâ; in quâ, vivens adhuc, corpus extendit, ut probaret, an bene aptaretur.

*Memorare Novissima, & in æternum non peccabis. Eccl. 7.*

**Q**uærit opes Cœli, prudensque recurrit ad *Arcam*;  
Thesaurus Vitæ nam pia Capsa tenet.

P. ANGELUS BENAZZOLUS  
Brixienfis 1667.

Vitâ integerrimus, & zelantissimus. Novitiorum Magister, cujus custodiæ per longum tempus commissi fuerunt; licet doctus, & eruditus, non ipsos in literis humanis occupari sinebat, sed in solo Dei timore, pietate, ac Regulæ observantiâ per totum annum Novitiatus diligenter exercebat.

**N**on literis ornat, pietate sed armat Ovile;  
*Angelus est Custos; Cœlica sola docet.*

*Aliud.*

Perfectus licet Paupertatis amator, nobili tamen argenteo Thuribulo, ex eleemosynis confecto, Sacrarium auxit. Fuit piissimus Pater, & Dei amore succensus, assiduis orationibus vacabat; quin sepe sepius ipsis novitiis ante Aras Ecclesiæ per multas horas ferventes preces effundere visus fuit.

**T**huribulo, sed mente magis colit *Angelus Aram*;  
Corde parat prunas, grataque thura prece.

*Aliud*

Aliud.

Singulari ornatus modestiâ, semper demissis oculis incedebat; erat operibus, & corde mundissimus; gradiens per Conventum, si quas vidisset vel paleas, vel similes alias, quantumvis minimas immundities in terrâ, sufferre non poterat, sed statim diligentissimè auferebat, & solum mundabat.

**Q**uæque subest oculis terre festuca modestis;  
Tollitur, & mundam nec fugit una manum.

**P. JOANNES MAR. MATELLUS**  
Florentinus 1667.

Laicus per aliquod tempus Congregationi servivit; deinde ad Sacerdotium evectus, & brevi creatus Prior Murochi, Conventum ita restauravit, & auxit, ut prorsus novum nobili formâ reddiderit; quem postmodum ad mortem usque multâ pietate gubernavit.

**J**am claustri Famulus, modò Dux, Benefactor, & Auctor,  
Nobiliùs servit Patribus, atque Deo.

**P. VIRGINIUS PALÆOTUS**  
a Bononia 1668.

Ortus Nobilitate, ac morum ingenuitate fuit conspicuus. Humilis genio à Dignitatibus abhorruit; & Marchionem Camillum de Palæotis ejus consanguineum, sibi Episcopatum seriò procurare volentem, a proposito desistere coëgit; summâ animi tranquillitate vixit, & piè, ac intrepidè moriens, joci, & facetiis mortem ipsam excepit.

**R**espuit Hic Mitras, sibi vixit, lætus obivit;  
Pompis non presso mors leue pondus erat.

P.L.E.



P. LECTOR GILBERTUS  
de Bornonis à Bononia 1668.

Multa in Concionibus efficaciam pollebat, & in tali munere majora  
semper promittebat; sed, vix Lector, Fata subivit. Erat oriundus ex  
Gallia.

N Uncius heu superi Solis, citò Gallus obivit;  
Impulit ad fletum *cantibus*, atque nece.

P. Mag. JO: CHRYSOSTOMUS  
Berzuinus de Ferraria 1668.

Prior Ferrariae, inde Procurator Generalis; zelanter rexit in Patriam  
abusus eradicans, fovens virtutes, & studia, humanus genio, suavi rigore  
pertinaces corripiebat, & eorum corda lucrabatur.

*Ad Nomen, & antonomasticum Titulum S. Jo: Chrysostomi:*  
*Posside sapientiam, quia auro melior est.* Prov. 16.

H Ic Patrie Ferrum pietate reducit in aurum;  
*Aureus ore jubens, aurea corda facit.*

P. Mag. JO: BAPTISTA POSANUS  
de Mantua 1668.

Vir semper lepidus, & urbanus; mortalis vitae intrepidus contem-  
ptor; diuturnam patitur phthisis infirmitatem, & in ipsa morbi gravitate  
hilaris, & facetus de propria morte sepius discurrit.

*Ad illud: Et cognovi, quod non esset melius, nisi letari, & facere bene in  
vitâ suâ.* Eccl. 3.

V Ixit, obit letus; mortem vocat; ipsa moratur;  
Territa viluerat, nam repetita jocos.

Aliud

Aliud

Fuit dignus Præful in Patriâ, & Theologus Serenissimæ Ducis Mantuæ;  
religiosè vixit; & ægotans, impavido, ac hilari animo mortem expe-  
ctat.

*Ad illud: Fortitudo, & decor indumentum ejus, & ridebit in die  
novissimo. Prov. 31.*

**Q**uid pia mens timeat, *Forti vestita decore?*  
*Extremo rident corda serena die.*

P. Magister BENEDICTVS  
Burlamachius de Luca 1668.

Præstans Theologus, & Concionator; Vir summè eruditus, & facetus;  
ingenuæ libertatis in loquendo; & maximopere liberalis. Hypochrissi ex-  
cæcatur.

**E**N studio, salibus, risu Democritus alter;  
Ore, manu est liber; denique cæcus obit.

P. M. DOMINICUS MUGGIANUS  
è Mediolano Vic. Gen. 1669.

Divini cultus zelator; pro Amicis summopere ardens, & à muneribus  
immunis. Moritur ex Hydropse.

**I**Gneus est zelo; fervens, & Fortis amicus;  
Tot potuit *Flammas* vincere solus *hydrops*.



**Aliud.**

Pecuniis proprio labore acquisitis, nobiles Albas, pretiosissimas Calfulas, elaboratissimum Calicem argenteum, Pallium pariter argenteum magni valoris, & aliam dignam supellectilem pro Arâ principe Patrii Templi exornandâ comparavit.

*Ubi est thesaurus tuus, ibi est cor tuum. Matth. 6.*

**D**ivitiis, animo totus resplendet in Arâ;  
*Cor cum Thesauro sacrificatque Deo.*

**P. ELISÆUS BONETTUS**  
 à Mediolano 1669.

Summo zelo, & exemplaritate rexit in Patriâ. In Choro præcipuè, cui semper die, ac nocte assisteat, pro cæremoniis, inclinationibus, modestiâ, & devotione servandis valde urgebat, omnique applicatione laborabat; & cum pariter cantus perfectione præstaret, ac sonorâ voce præditus esset, totum Chorum moderabatur, & canentium Fratrum voces firmiter sustinebat.

**O**ra movet, mentesque Gregis; vigil adstat, & urget;  
 Os regit, Os cantat, Fertque canendo Crucem.

**Aliud.**

Fuit perfectus, & ornatissimus Librorum Chori Conscriptor, quibus plures Conventus ditavit. Instituit etiam Librum pro Fratrum defunctorum memoriâ, in quo eorum præcipua gesta, virtutes, beneficia, & promerita encomia descripsit, & imposterum describenda ordinavit.

**D**at calamus laudesque Dei, laudesque Virorum;  
 Sed calami laudes dat nota quæque sua.

P. IO.

P. JOANNES FRANCISCUS  
Ganacetus à Mutina 1669.

Perfecto amore, victus abundantia, & subditorum tranquillitate multos rexit Conventus. Erat vultu gravis, & Saturninus; diutissimè vixit; & die Sabbathi mortuus est.

**L**Ex, amor, & victus superant Saturnia Regna;  
*Saturnus* vindex aurea sæcla rapit.

P. PETRONIUS DUCIUS  
à Bononia 1669.

Amœnus, & dulcissimus Lyristes; suam tamen artem in solis Ecclesiarum musicis Choris semper exercuit.

**O**Rpheus ecce sacer; Cœlos, non Tartara mulcet;  
Astraque non Citharam, sed pia Corda trahunt.

P. ANTONIUS de BERSANINIS  
à Mutina 1670.

In assisendo Confessionibus indefessus; & a secretis animæ Serenissimorum Principum Cæsaris, & Borſi ex Ducali Estensium Familiâ. Prior Conventus Mutinæ, considerabilem pecuniæ summam expendit in beneficium Ecclesiæ, Sacrarii, ac Refectorii; nobilemque Bibliothecam construxit.

**C**orda Ducum rexit, Dux Claustraque fecit opima;  
Absolvens, solvens, donat, emitque Polum.



P. JULIUS de LOTTINIS  
à Florentia 1670.

Sæpius Prior, & magnus divini cultus zelator, Choro præcipuè semper assistens, Fratres omnes ad ipsum inviolabiliter convocabat; nonnullos Libros pro Choro eleganter conscripsit, & pro sacris psalmodiis maximam commoditatem reliquit.

Cum Grege laudo Deum; post me ne Cantica cessent,  
Laudes in scriptis morte relinquo Gregi.

P. M. ALBERTUS MENGHIUS  
à Corrigio Vic. Gen. 1670.

Septuagenarius eligitur in Vicarium Generalem, & obit in Officio.  
*Senectus venerabilis est, non diuturna.* Sap. 4.

Dux fit, obitque, senex; hyemalem dicito Solem;  
Nascitur ecce piger, sollicitusque cadit.

Aliud.

Vir multæ pietatis; pluries apoplecticus in eâdem infirmitate; in quâ incessanter orabat, & psallebat; ultimâ vice in linguâ offensus, morti cedit.

*Vivet anima mea, & laudabit te.* Ps. 118.

Si nequeo laudare Deum, quid vivere mundo?  
Spiritus ah linguam quærat in axe novam.

Aliud

Aliud.

In eius mortem etiam nephriticus morbus conspiravit; quem patientissimè tolerans, exemplari obitu decessit.

**D**ebitor heu vitæ, summam malè *calculus* æquat;  
Creditor at Cœli, *calculus* æquus adest.

P. M. BERNARDINUS RUINA  
de Ferrara 1670.

Multis dotibus præfulgebat: frequentes, & graves passus fuit tribulationes, quas patienter sustulit; & brevi vixit.

*Quod in presenti est momentaneum, & leve tribulationis nostræ, supramodum in sublimitate, æternum gloriæ pondus operatur in nobis. 2. Cor. 4.*

**M**undus ad ima trahit; meritum me vellet in auge;  
Sorte levor Cœli; sicque *ruina* brevis.

P. SIGISMUNDUS GNOLIUS  
de Ferrara 1670.

Pater Benemeritus; Prior humanus, & discretus, magnusque sui Conventus Benefactor: è vivis tollitur in Officio, canceri malignitate corrosus.

**D**ux, Benefactor obit; stimulat Sors invida Fatum;  
Et piger, heu, Cancer fit rapiendo celer.

P. M.



P. M. LACTANT. SIMEONIUS  
de Mantua 1671.

Sacrae Theologiae Magister, ac sua viximus Lyricen, dulcis tam in docendo Fidem catholicam, quam in tractando musicas fides.

**S**um *Fidei* Doctor; *fidium* sum ductor amoenus;  
Dulcis ab *auditu* singula nostra *Fides*.

P. OCTAVIUS FRANZONUS  
de Brixia 1671.

Fuit Diffinitor Generalis, & Prior in Patriâ satis attentus, & vigilans. Magis tamen religiosam solitudinem dilexit; cujus gratiâ, suis functus muneribus, ferè semper ruri moratus est.

**P**lus cupis esse Pecus ruri, quam Pastor in Urbe;  
Te facit Vibs aliis vivere, Villa tibi.

P. BERNARDINUS ASCANIUS  
de Brixia 1671.

Pater Benemeritus, & sæpius Prior; aspectus, vocisque gravitate, ac zeli ardore metuendus; Virtutepræditos diligebat; Studia protexit, & illustravit.

**F**ulminat in vitium, lucem sapientibus affert;  
Nam regit *Ascanii cælica flamma caput*.

P.VIN-

P. VINCENTIUS SIGNORIUS  
de Salodio 1671.

Pater Benemeritus, & dignis qualitatibus ornatus. Venetiis apud Serenissimum Ducem defendit Jura Congregationis.

Ad Urbem maritimam Venetiarum, ejusque Insigne; Ad protectionem Sacratissimæ Virginis, quam solemnî Missâ invocavit, & ad victoriam, quam favorabili decreto est consequutus.

**V**irgo Maris mihi prompra favet, *Virgoque Maria;*  
Me *Leo*, *Virgo* fovet; proxima *Libra* regit.

P. M. JOSEPH MARTINELLUS  
de Mantua 1672.

Pauciloquus, & verbis frigidus; charitate admodum fervens; præ magnâ pietate facilis ad lacrymas; & ne dum propter corporis constitutionem, verum etiam propter nimias abstinentias, tantæ siccitatis, ac gracilitatis, ut vulgò *Macer* diceretur.

**F**rigidus, & calidus Cœlo studet, *arsus*, & *humens*;  
Condidit hoc dignum Dextra superna *Chaos*.

Aliud.

Jejunia Regulæ diligentissimè observabat; erga Sacratissimam Synaxim summo opere devotus; & vocatus ad Sacrum faciendum promptissimus, etiam horis incommodis. Vixit longævus, & semper sanus.

*Pinguis est panis Christi: Eccl.*

OMEN DIVTVERNITATIS AD PATREM.

**F**elix vive diu; nutrit te *Regula* victu;  
Ex gracili *pinguem Mensaque sacra* facit.

Aliud



## Aliud.

Domesticis detentus negotiis, ingressum in Religionem per aliquot annos distulit; se tandem mundanis omnibus expolians, Sacratissimæ Virginis Habitum sumpsit. Opere, ac verbo exemplarem semper, tam secularis, quam Religiosus, prætulit puritatem.

*Alluditur ad Joseph Ægyptium.*

**M**Undi *mæcha* Fides mundum nimis urget Joseph;  
Deferit Hic *Vestem*, dat sibi *Virgo* novam.

## Aliud.

Exemplariter taciturnus, paucissima verba, istaque semper ad instruendum, & corrigendum loquebatur. Aliorum confabulationibus unam quandoque Syllabam tantum, quin vel unam solummodo vocalem literam materno idiomate opponens, gravem sensum innuebat, & Fratrum defectus, laconicâ quidem, sed acri exclamatione damnabat. Literam verò *R* in pronunciando sic violenter exprimebat, ut ab omnibus talis modus pro singulari notaretur.

**V**erbofos potuit literâ confundere solâ;  
Mordebat culpas, ipsa *Canina* favet.

P. Mag. SEBAST. TORELLATIUS  
de Florentia 1672.

Doctor Collegiatus; Examiner Synodalis; Sanctissimæ Inquisitionis Consultor; magni consilij, & estimationis in Patriâ; nec non Serenissimi Ferdinandi magni Ducis Hetruriæ percarus Theologus.

**C**onsiliis populos, Hetruscos rexit & *Orbes*;  
Et Ducis, & Patriæ Duxque, Paterque fuit.

*Aliud*

Aliud.

Præsul amans, & amatus in Patriâ; Sanissimis doctrinis, & vividâ memoriâ præditus, ac in illustrandâ Observantiâ, & Conventus Oeconomiam indefessus. Ejus Insigne *Taurus*.

**F**loret amor; mens docta *viret*; *Taurus*que laboris  
Pascua luce colit; Ver stat in auge Gregi.

P. ANTONIUS PETTINARIUS  
de Novellaria 1673.

Humanis, & Divinis Literis eruditus; sed nullo Gradu in Congregatione decoratus; septuagenarius tamen creatus Magister per Literas Apostolicas, mox migrat in Cœlum.

*Ad illud: Qui bene ministraverint, gradum bonum  
sibi acquirent. 1. Tim. 3.*

**L**ittera fert sortem; varians mox littera mortem;  
Dando *Gradum* Virtus, fit gradus ipsa Poli.

P. Mag. ÆMILIUS BONDEUS  
de Bononia 1673.

Scientiis, aliisque præclaris dotibus illustris; vigilans Præsul in Patriâ, & omnibus carus. Ad *Solem in oriente*, ac ad *Bovem*, Stemma Gentilitium.

*Cælesti Tauro subditur Felsina.*

**S**plendet inocciduus, Patrię *Sol* semper in ortu;  
Fortis & in *Tauro*, *subdita* corda fovet.

T

Aliud



## Aliud.

Mirabilis memoriae in recensendo Historias, & earum tempora. Obit  
Calendis Januarij de mane.

**B**ella, Duces memorat; mortes distinguit, & annos;  
Annum sed proprię vix videt ipse necis.

P.M.DOMINICUS FABRETTUS  
de Ferraria 1673.

Fuit amans, & gratissimus Præsul sui Conventus Ferrarię; crudeli ca-  
pitis dolore diutius oppressus, tandem communi mœstitia succumbit.

**D**ulce Caput rexi; cephalę sternor amarâ;  
Turbat adhuc *Capitis* languida *Membra* dolor.

P. JOSEPH DE FABRIS  
à Bononia 1673.

Moribus innocens, & placidissimę naturę; frequentissimè inter fami-  
liares discursus proferebat: *Jesus Maria*; religiosè obdormivit in Domino.

*Ego sum Vita. Jo. 14.*  
*Vita, dulcedo, & spes nostra, salve. Eccl.*

**S**emper in ore *Maria* præest, & semper *Jesus*;  
Est animam flanti pervia *Vita* duplex.

P.BA-

P. BACCALAU. VINCENTIUS

Seriolus de Brixia 1674.

Erat ingenio valde perspicuus; vix Baccalaureus, Studij Regens in Patriâ creatus fuit, quod munus solis Magistris conferri solet; paulò post in juventutis flore Fato cessit. Cum verbali allusione ad ejus Nomen, & Cognomen.

**P** Ræripit Hic palmas; Virtus compensat & annos;  
Viva manens, vincit serio fama necem.

P. Mag. PAULUS ANTONIUS

Bovius è Bononia 1674.

Clarus in Cathedris, & in Suggestu. Obit Mediolani in actu prædicationis, habitâ ultimâ concione, *de fallacijs hujus mundi, & de omni spe in Deo reponendâ.*

**L**ux Populi, extinguo; dans vitam, termino vitam;  
Fidere non mundo prædico voce, nece.

Aliud.

Fidus Achates, & Consiliarius in omnibus P. Magistri Sebastiani Burghii, quem in gubernio direxit; & quod aliis ordinandum consulebat, ipse prius faciebat.

Amborum Stemmata sunt *Boves*; & Pater erat major ætate, ac professione ipsomet Burghio.

*Excipe doctrinam, & quasi is, qui arat, & qui seminat, accede ad eam, & sustine bonos fructus illius. Eccl. 6.*

IPSE PATER LOQUITVR.

**D**irigo; jungo manum; regit aptus aratra Colonus;  
A *Bove* majori discit arare minor.

T 2

Aliud



## Aliud.

Facie admodum serius, & severus, sed in congressibus lepidissimus,  
ac etiam urbaniores ludos animi gratiâ exercens.

*Qui cognoscit in iudicio faciem, non benefacit.* Prov. 28.

AD LECTOREM.

**U**T genium videas, hominis ne respice vultum;  
Judicium ludit lusibus Ille suis.

P. M. PAULUS DE GATTIS  
à Luca 1675.

Variis studiis, & præcipuè Libris Historicis fuit summo opere deditus;  
malâ corporis habitudine propter assiduam applicationem affectus, ac  
in lecto per sexdecennium detentus, tandem lumina clausit.

**A**Lgeo, sudo, lego, studeo, noto, disco; quid inde?  
Me à *Lecto* ad *Lethum* *Littera* sola trahit.

## Aliud.

Patientissimè, ac hilariter longam ægritudinem toleravit; & delicio-  
sum prædium ex Bonis Paternis omninò tradidit Monasterio, ut à curis  
exemptus, liberè animæ suæ consulere posset.

**F**ortis amat pœnas, & Villas temnit amœnas;  
Non nisi delicias expetit Elyfias.

p. M.

P. M. VINCENT. CARIGNANUS  
de Luca 1676.

Eruditus, & exemplaris Superior. Electus denuo Prior sui Conven-  
tus Lucae in Capitulo Generali Romæ, dum pergit in Patriam, morte in  
itinere prævenitur.

*Non habemus hic permanentem Civitatem, sed futuram  
inquirimus. Heb. 13.*

**D**Ux Patriam quæro; Mors obstat; cæca sed ipsa  
Me gerit in Patriam; Patria nostra Polus.

Aliud.

Fuit sapiens, & prudentissimus Socius Authoris Congregationem  
regentis.

*Quid habes, quod non accepisti? si autem accepisti, quid gloriaris,  
quasi non acceperis? 1. Cor. 4.*

LOQVILVR AVTHOR IPSE.

**M**E Duce non digno si quæ prudentia rexit,  
Hanc retuli à Socio; glorior, & fateor.

P. M. SERAPHINUS GEORGIUS  
de Luca 1676.

Altus, & purgatus Theologus, tum Scholasticus, tum moralis; ac Apo-  
stolicus Concionator.

**M**ente Polum penetrat, Seraphim supremaque scandit;  
*Proximus est Solio, lumina pura capit.*

Aliud



## Aliud.

Docuit in Patriâ Scholasticam, & moralem Theologiam omnes ferè  
Lucensis Diœcesis Presbyteros; & ipsum Cathedralis Ecclesiæ Semina-  
rium.

*Ad Cognomen Georgius Agri Cultorem significans.*  
*Multiplicabit semen vestrum, & auget incrementa frugum*  
*justitiæ vestræ. 2. Cor. 9.*

**M**ultiplicat fruges divis Agriculator in arvis;  
Et facer Hortus adhuc semina viva tenet:

P. Mag. GEORGIUS CLERA  
de Brixia 1676.

Ad congenitam ipsius in genibus, ac infimis partibus paralyfim; ad  
suave regimen in Patriâ; ad ejus vitæ brevitatem; & ad patrias Ferri fo-  
dinas.

**D**ebilis ex vtero, Matrem rego, tollor acerbus;  
A Matris gremio Ferrea Fata tuli.

## Aliud.

Vir bonus, & multæ simplicitatis; nervorum debilitate claudicans, im-  
maturè rapitur.

*Allusio ad invitatos in Evangelio.*  
*Exi citò &c. ac debiles, & claudos introduc huc. Luc. 14.*

**D**ebilis, & claudus, pellor citò Fata subire;  
Ad superam Cœnam me vocat altus Amor.

P.M.

P.M. MATTHÆUS de MICHELIS  
Lucensis 1676.

Pater probus, & obedientissimus; & promptus in omnibus inservire Congregationi. Ultimo suæ ætatis anno Româ mittitur ad Conventum Sylvarum; inde creatur Prior Conventus Montis boni Diœcesis Sutrii, ex quo ad Cœlum evocatur.

ÆNIGMA OBEDIENTIÆ.

Post Urbem Sylvæ; post Sylvas culmina Montis;  
Ad Montem sanctum Mons bonus inde vehit.

P. Mag. JACOBUS MARUFFUS  
e Venetijs 1676.

In utroque Jure fuit admodum versatus; aptissimus idcirco Procurator Generalis; & insignes Causas agitans Venetijs, multarum litium triumphator evasit.

Dux fuit Astree, Terrisque refulsit ut Astrum;  
Judicium Lances, armaque lingua tulit.

Aliud.

Insignis etiam Theologus, & tam in Cathedris, quàm in Foris, promptus ad Disputationes, & indefessus ad Lites.

Palladis, ac Themidis peramavit prælia; *bellum*  
*Si vita est hominis*, vixit Hic absque pari.

P.M.



P. Mag. ALBERT. SCACCHINUS  
de Parma 1676.

Ore, & calamo undequaque eruditus, & sapiens; longævus vixit,  
*Sapiens in populo hæreditabit honorem, & nomen illius erit*  
*vivens in æternum*, Eccl. 37.

**M**ors, annos, & facta stupens, quasi victa recedit;  
Æquat jura Polus; Fama stat, Ipse cadit.

*Aliud.*

Satis rigidus Superior; sed salibus eruditis subditorum animos alliebat.

*Ad Cognomen, & Latrunculorum ludum.*

**C**orda jocus furans, vincit Sapientia scacchis;  
Lusibus & Regem sustinet ipsa suum.

P. Mag. MARCUS DE MILANIS  
à Mutina 1677.

Fuit incessanter deditus officio sanctæ Prædicationis; & illud in Ecclesiâ D. Martini Majoris Bononiæ, quantumvis convalescens, voluit reassumere, sed recidivo morbo correptus, cogitur desistere; mox vitam religiosè terminat.

**V**ivo super Rostris; a Rostris nuncio vitam;  
Et mihi vitalem Rostra dedere necem.

*Aliud*

Aliud

Ad idem Thema.

*Medice, cura te ipsum. Luc. 4.*

**D**um studet æternam Populis conferre salutem;  
Se *Medicus curat*; nempe lucratur eam.

P. M. ALBERTUS NAVARRA  
de Mantua 1677.

Multâ erat prudentiâ, & gravitate dotatus; suum Conventum laudabiliter, & magnâ gloriæ cupiditate gubernans, juvenis adhuc, citâ morte tollitur ab Officio.

ÆNIGMATICA ENVNCIATIO.

**G**allus, & Hispanus contendunt Regna Navarra;  
Mens *gravis* acquirit; Sors *celer* inde rapit.

P. Mag. JOANNES de LEIS  
à Ferrara 1677.

Fuit sui Conventus prudens, amantissimus, & exemplaris Prior; & celsit in regimine. Cogitabundus in infirmitate, ac interrogatus quid cogitaret, respondit: *Cogito viam Cæli.*

*Notas mihi fecisti vias vitæ. Ps. 15.*

AD IPSVM PATREM REPLICATIO.

**Q**uæris iter Cœli, meritis dum limina tangis?  
Monstrasti Natis; est tibi nota via.

V

P. M.



P. M. CYRILLUS CANTELLUS  
de Parma 1677.

Christo quietè servire cupiens, propriæ Domus Nobilitati abrenun-  
ciat, & hilari animo Religionem ingreditur. Stemma suorum Gentilium  
sunt *duo Sceptra in modum Crucis*.

*Alluditur etiam ad verba . Matth. 19 .*

*Omnis, qui reliquerit Domum &c. & ad illud : Servire Deo regnare est.*

SIC LOQVENS, PATERNAM DOMVM RELINQVIT.

**N**obilis ito Domus; me servum Christus honoret;  
Dant tua Sceptra Crucem, Crux mihi Sceptra dabit.

Aliud.

Doctor Sorbonensis; Vir eruditus; sed linguâ impeditus, & sermone  
confusus. Ex Galliâ in Italiam rediens, Gallicâ observantiâ, & vestibus  
reformatis semper enituit.

**S**um sine voce Liber, literas, & dogmata condens;  
*Correctum promit pressio Parisiis.*

P. HIERONYMUS de MARINIS  
à Brixia 1677.

Zelans plurium Conventuum Prior, multas eradicavit inobservantias;  
Monialium etiâ fuit exemplaris Confessarius; & in audiendis Sæcularium  
Confessionibus erat assiduus, qui ad ipsum, ut ejus sapientibus monitis  
in Cœlum dirigerentur, frequenter consuebant.

*Cum allusione ad Cognomen.*

*Vos estis sal terre . Matth. 5 .*

**A**bluit a maculis Laicos, & subdita Claustra;  
Hoc falsum purgat pectora cuncta Mare.

P. M.

P. Mag. JO: BAPT. VEZZATUS  
de Ferrara 1678.

Fuit per longum tempus Curatus; totus amor, & charitas in proximum; in miseros corde tenerrimus; conscientiam prudenter scrupulosam; verbis humilis; in arduis patiens; & lacrymis Gregem adhortans, & corrigens. Ophthalmiam laboranti, erant semper oculi humentes.

*Ab infantia mea crevit mecum miseratio. Job. 31.*

*Nocte, & die non cessavi, cum lacrymis monens unumquemque vestrum. Act. 20.*

**D**iligo, compatio, timeo, rogo, suffero, ploro;  
*Congenitæ lacrymæ cum pietate manent.*

P. Mag. VITALIS PALATIUS  
de Bononia 1678.

Vir undequaque gravis, & serius Prior in Patria. Fuit melancholicæ satis constitutionis; & humoris pondere nimium gravatus, brevi complet dies suos.

**F**ronte, animo, gestuque gravis, gravis ore gubernat;  
*Heu gravitate regit, sed gravitate cadit.*

P. M. GVILLELMUS GVAMIUS  
de Luca 1679.

Vir exemplaris; multis annis dignus Prior Conventus S. Mariæ, dictæ *ad Formam*, Insulæ Regni; sub ejus gubernio valde restoruit Observantia; unde Soræ Ducibus fuit summopere carus; qui singulari patrocinio, & beneficentia Conventum protegunt.

*Reformamini in novitate sensus vestri. Rom. 12.*

**R**egna virent Formæ; Formosa fit Insula Regni;  
Protegit & gratus *Germina pulchra Draco.*



P. BENEDICT. MAZZOLENUS  
de Luca 1679.

Sæculum relinquens, Religionem Jesuatorum ingressus est; hac postmodum suppressâ, remansit presbyter Sæcularis; in nostra tandem Congregatione acceptatus fuit; & paulò post in arctiori observantiâ Viterbii piissimâ morte Fato cedit.

IPSE PATER MORITVRVS, CÆLVM SIC DEPRECARI SVPPONITVR.

**C**laustra peto; me Claustra sinunt, nova Claustra resumunt;  
Ah requiem certam Vos date, Claustra Poli.

*Aliud.*

In nostrâ Congregatione professus, ardentè petiit transire ad Vitam reformatam Viterbij; sed ad ipsam vix receptus, exemplariter obit.

AD IPSVM PATREM MORIENTEM ALLOQVVTIO:

**Q**uam cupis, Æthereis in Claustris incipe Vitam;  
Jam Te vitali morte reformat Amor.

P. Mag. ZACHARIAS BIGONIUS  
de Bergamo 1679.

Grandis animo, gestis, ac doctrinâ; malè tamen à sorte visus, non nisi Romæ; cujus Conventui affiliatus, propitiam habuit.

**S**um Patriâ, genio, gestis, virtutibus altus;  
Sortem Roma domat; cogit in alta Rotam.

*Aliud*

Aliud.

In afsiduis, & gravissimis vexationibus semper imperterritus & æquanimis in qualibet fortunâ.

**S**ortis eram ludus; didici sed ludere Sortem;  
Sors eadem semper, Cor quoque semper idem.

Aliud.

In Patriâ, & in Urbe dignus Prior, à Secretis Vicarij Generalis, animo excelsus; P:oceribus carus, Doctrinâ, & Consiliis conspicuus, & quamcunque sortem contemnens.

**C**elsus hic est meritis, animo sublimis & ore;  
Sorte tamen quavis altior Ipse suâ.

P. Bacc. **BONAVENT. de CALVIS**  
à Bononia 1680.

Vir prudens, vultu gravis, ac verborum prolatione turgidus; sed valde affabilis, ac sermone jocosus, & argutus. Theologicâ laureâ ornatus fuit.

**E**xprimit ore jocos; frons seria perficit ipsos;  
Mens parit ipsa sales, nam sale plena tumet.

P. ADA-



P. ADAMUS GROPALLUS  
è Genua 1681.

Multoties fuit Prior in Patriâ ; & Bonis paternis abundans , ipsis pro  
fui Conventus commodo se spoliavit.

*Ad Nomen .*

**C**laustra pius ditans , opibus se nudat *Adamus* ;  
Esse sed hoc *nudum* fert sibi grande decus .

P. Mag. JOSEPH DE LINIS  
è Corrigio 1681.

Regii Prior, inde Confessor Monialium; multos aufert abusûs, & opti-  
mè ubique regit .

AD VIRGAM SANCTISSIMI JOSEPH .

**F**lorida *Virga* fui , benè ducitur Agnus , Ovisque ;  
Corrigium decoro ; corrigo ; corda rego .

Aliud .

Fuit naturâ ardens ; & zelo pariter , atque charitate fervens ; & eandem  
valde in subditis excitavit .

*Mulierem fortem &c. quæstivit lanam , & linum &c. non timebit domui  
sue à frigoribus nivis . Prov. 31 .*

**L**anam Religio conjungit provida *Lino* ;  
Textit Amor Vestem ; frigora nulla timet .

P.M.

P. M. LUDOVICUS GROSSUS  
de Mantua 1681.

Constitutione igneus; ardens opere; fuit zelans Prior; Regens, & Concionator ferventissimus; ob intensas applicationes hecticus in juventute consumitur.

**I**N Solio, in Cathedris, in Rostris emicat ardens,  
Destruit heu tantam propria flamma Facem.

P. Mag. ALBERTUS MESSINA  
de Mutina 1681.

Fuit integerrimæ vitæ; dignè Habitum SS. Virginis gessit; & obiit die Sabbathi ante solemnem Commemorationem omnium Fidelium Defunctorum; quæ, ob diem Solis impediens, ad Lunæ diem translata fuit.

*Beatissima Virgo Carmelitas decedentes, qui ejus Habitum dignè gestaverint, speciali protectione post eorum obitum, præcipuè in die Sabbathi, piè credi potest, quòd sublevet à pænis Purgatorii.*

Ex Bullâ Pauli Quinti 11. Feb. 1613.

*Qua est ista, quæ progreditur, electa ut Sol. Cant. 6.*

**P**rompta rapit Natum nitidissima Mater ab umbris;  
Arceat ut tenebras, Sol mediatque duplex.

P.M.



P. M. JO: PETR. SACCHETTUS  
de Brixia 1681.

Pius, & sapiens Prior in Patriâ; multæ integritatis, & multi amoris in Religionem; propriis laboribus non paucas pecunias congregavit, quibus perpetuus Census pro Conventu fundatus fuit.

*Facite vobis sacculos, qui non veterascunt, thesaurum non deficientem in Cælis. Luc. 12.*

**T**hesaurum cumulat pietas, redditque perennem;  
Sacculus est Cæli; non sibi damna timet.

P. Mag. JOSEPH REGOLINUS  
Florentinus 1681.

Eligitur Prior Conventus S. Luciae Castellinæ, qui est arctioris Regulæ; & vix electus, requievit in pace.

*Nescitis diem, neque horam. Matth. 25.*

**R**egulus alta regit; tenuit vix Regula Regem;  
Nam vigilans regimen Regula cæca rapit.

Aliud.

Diu desideratus Prior, & à Deo tandem concessus, citò rapitur, & asthmaticus obit.

**D**um malè respirat Pastor, suspirat Ovile;  
Heu fugit aura soli, quem dedit aura Poli.

P. M.

P.M. JO: BAPT. GVARGVANTUS  
de Soncino 1682.

Zelo, & amore conspicuus; officiosus; suo Conventui perutilis, & in Congregatione antiquior sui temporis Magister.

**Z**Elat, amat, prodest, & durat tempore longo;  
Sed breviter vixit, qui benefactor obit.

*Aliud.*

Observantiæ cultor, & inculpabilis vitæ; eodem tempore, quo migravit ad Dominum, P. Magister Joannes Baptista Guarguantus junior, ejus Nepos, transivit ad ætiores Vitam Viterbii.

NEPOS ADHVC VIVENS ITA SVPPONITVR LOQVI AD PATRVVM IN  
PROXIMO MORITVRVM.

**M**ors tua, quæ vita est, melior sit vita duobus;  
Te renovet Cælum, me nova Cella Deo.

P. M. BERNARDIN. FRANCIS.  
Gottanus à Bononia 1682.

Fuit Regens, & Prior meritisissimus in Conventu S. Martini Majoris in Patriâ; deinde à Congregatione transit ad Discalceatos sub Nomine *Constantini à Cruce* propter ardentem in Sacratissimam Crucem devotionem. Magnas in Novitiatu passus est tentationes, præcipuè de reditu ad Congregationem (ut ipsimet Auctori confidenter aperuit) quas tamen constanti animo superavit. Exemplariter vixit; & lithiasi coactus, in actu sectionis, intrepidus, & patientiâ firmissimus, Crucifixum in-  
tuens, moritur.

**C**laustro, Lyceæ rego; *mutor*; sed prodeo *Constans*;  
Dat mihi *petra* crucem; pro *Cruce* *petra* fui.

X

*Aliud*



## Aliud.

Ejusdem ætatis cum Authore; ejus semper intimus amicus; Socius in Novitiatu, in Studiis, in Gradibus, & in Studiorum Officiis. Se denique ab ipso separavit, ut supra.

*Ne derelinquas amicum antiquum.* Eccl. 9.

AD PATREM AVCTOR.

**J** Vnixerat Ortus, Amor, Claustrum, Schola, Laurea, Munus;  
Nos iterum jungant Claustra beata Poli.

**P. M. ALEXANDER STROPPA**  
de Brixia 1682.

Magnus doctrinâ, & meritis. Fuit dignus Socius Vicarij Generalis;  
vix postea Prior Brixia, in ipso ætatis flore lithiasi rapitur.

*Alluditur & ad Nomen.*

**F** It Prior, & Socius; socium, meritisque priorem  
Non habet; estque citò *Magnus*, arena, cinis.

**P. Mag. JOSEPH JULIUS**  
è Mediolano 1682.

Prudens, & constans in adversis; pro amicis firmus, & ardentissimus.  
Anatomicè dissectus, inventus fuit habere pergrandem stomachum, &  
intacta interiora.

**E** St animo constans; est fidus, gratus amicis;  
*Pectus* habet *magnum*; viscera sana tenet.

Aliud

Aliud.

Die festo S. Chrysogoni obsequium Eminentissimo Cardinali Homodeo Romæ, ut Prior, præstiturus, scalas Conventus iteratis vicibus violentâ celeritate ascendit, & descendit; unde vehementi perstrictus anhelitu, & viribus destitutus, paulò post obiit, eo tempore, quo Eminentissimus Cardinalis Alterius in Ecclesiam pervenerat, qui multa in ejus morte, uti benignus Protector, prudentissimè ordinavit.

*Ad Cognomen primi Cardinalis, & ad Insignia secundi.*

**C**ausa necis fit *Homo deus*, est pia mortis origo;  
Pro Facibus meritò *Sidera* Funus habet.

Aliud.

Pectore obstrictus, cum in sede decubisset, in eâ spiritum Deo reddidit in Solemnitate, ut supra, D. Chrysogoni Ecclesiæ, & Congregationis Tutelarî; & eâ horâ, quâ Eminentissimus Alterius, ejusdem Congregationis Protector, aderat in Ecclesiâ, qui singulari pietate illius obitum est prosequutus.

*Ad Nomen Tutelarîs genu aureum græcè significans; & ad Cognomen Protectoris.*

**F**ert Cœli ad Sedes *Protectio dupla* sedentem;  
*Alta* levat pietas, *Aurea Crura* regunt.



P. M. JO: BAPTISTA de PISCIBUS  
à Cremona 1683.

Pastor corde innocens, zelans, & rigidus in gubernio; Gregis salutem perfectè curavit.

*Allusio ad Angelum Piscis virtutem Tobia indicantem.*

*Cordis ejus particulam, si super carbones ponas, fumus ejus extricat omne  
genus Dæmoniorum; & fel valet ad ungendos oculos,  
& sanabuntur. Tob. 6.*

**T**artara Cor reprimat; Fel Cæcis lumina reddit;  
Huic Raphael Pesci viscera sana dedit.

Aliud.

Theologus Eminentissimi Petri Cardinalis Vidoni.

*In thesauris sapientia, significatio disciplina. Eccl. 1.*

AD IPSVM EMINENTISSIMVM CARDINALEM.

**P**iscis in ore Petro monstrat fors parva Numisma;  
Tu, Petre, Thesauros Piscis ab ore trahis.

Pater

Pater JOSEPH GUASTALLA  
de Parma 1683.

Jubileatus; Prior; & Socius Vicarij Generalis. Divino cultui fuit semper intentus; erga SS. Virginem insigniter devotus; ante Ostium propriæ Cellæ transeuntes, ad recitandum ejusdem Beatissimæ Virginis Officium invirabat; eratque invitatio fixè respicere in faciem transeuntis, & altâ voce incipere: *Ave Maria gratia plena, Dominus tecum*. In D. Mariam Magdalenam de Pazzis maximo ardebat affectu; omnia sibi ad usum concessa in ejus honorem impendit; ejus devotionem in Patriâ miro modo propagavit; & sacras Reliquias deferens ad infirmos, erat semper in motu. Animarum salutem zelans, Confessionibus indefessè assiscebatur. Summâ charitate invisens ægros, adhortationibus, & lacrymis solabatur. Morti proximus, Crucifixum attentè intueri, mox modestè ridere visus fuit: Denique placidissimè obdormivit in Domino octuagenarius.

Sunt mea cura Deus, Genitrix, pia Magdala, corda;  
Pro miseris fleui; *video*, scando, fruor.

Aliud.

Maximâ humilitate præcallebat; sæpe sæpius prostratus, ac velut extaticus, labiisque terram tangens, orare visus fuit.

*Respexit in orationem humilium, & non sprexit precem eorum. Pl. 101.*

Hæreo voce Solo; Cælum fed corde penetro;  
Terreo sic Satanam; sic prece vinco Deum.

P. M.



P.M.HERCULES LAMBERTUS  
de Ferraria 1683.

Ad morum rectitudinem, regiminis suavitatem, & immaturam mortem  
in Officio, magnâ subditorum mœstitiâ deploratam.

**D**Um Mare Virtutum forti *Dux* navigat ausu,  
*Herculis* heu *metas* morsque, dolorque notant.

*Aliud.*

Pius, & obsequens Filius Beatissimæ Matris de Monte Carmelo, ac  
Superior genio dulcissimus, & blandus sermone.  
*Ad Nomen Herculis.*

**D**Ulcia labra fero; lactavit *Juno Maria*;  
Ubera nec retrahens, nectare semper alit.

*Aliud.*

Purè, ac devotè gessit Sacratissimam Virginis Vestem adjutricem in  
Purgatorio, & piè creditur æternâ requie frui.  
*Ad idem Herculis Nomen.*

*In quo quis moriens æternum non patietur incendium.* Eadem  
SS. Virgo ad B. Simonem.

**M**E sacra non *urit*, sed servat *Vestis* ab igne;  
*Astraque* non inter, sed super astra levor.

Pater

P. SEBASTIANUS CASTELLUS  
de Mutina 1683.

Prior sui Conventus, impavidus, & læto animo mortem subiit die Fe-  
sto S. Lucae, cujus protectioni enixè animam commendavit.

Lucas Hebraicè : *ipsi resurrectio.*

*Brevem languorem præcidit medicus.* Eccl. 10.

**H**Anc hilaris lucem sub *Luca* perdidit *umbrâ*;  
Nempe sub hoc *Medico* vivere morte potest.

Aliud.

Vir probus; & in regimine satis justus; ex cancro in partibus inferiori-  
bus invalescente moritur Prior.

*Ad illud Proverb. 10.*

*Iustitia liberat a morte.*

**I**N terris *Cancer*, dominatur in *Æthere Libra*;  
Ille terit Corpus; sublevat hæc animam.

P. M. BERNARDINUS PARDUS  
de Luca 1684.

Genio pius, & moribus purus. Ad Patriæ Insignia, & ad Patris Co-  
gnomen.

*Si iniquitatem abstuleris à te, levare poteris faciem tuam  
absque maculâ.* Job. 11.

**P***anthera* est Genitrix; *Natus* pia *Septa* colebat;  
*Pardus* enim *placidus*, nec *maculosus* erat.

Aliud



## Aliud.

Podagrâ, & chiragrâ in utroque pede, ac in utrâque manû, nec non cordis vehementi opprefione frequenter laborans, per viginti duos annos continuos in Lecto detinetur; patientiffimè propter Christi amorem omnia fuffert; tandem piè complet dies fuos.

**C**onfixus Lecto patitur pede, corde, manuque;  
Crux Patris Christum quàm fuit apta fequi!

P. M. ALBERT. REBUFFONIUS  
Brixienfis 1684.

Insignis Theologus, æquè scholasticus, ac moralis; exemplariter vixit; familiares habuit fententias, & adagia; gestibus ipsis loquebatur; & moriens, veri Religiofi specimen dedit.

**M**oribus, ore, manu moralia dogmata pando;  
Ne tibi quid defit, cetera morte loquor.

P. CHRISTOPH. ORSELLIUS  
Parmenfis 1684.

Diffinitor Generalis, & Prior Conventuum Mantuæ, Reveri, & aliorum. Podagrâ quafi femper laborans, cogeatur ad fedem; diligenter tamen, & multo zelo, ac prudentiâ gubernavit; nec non Sanctiffimæ Inquifitionis Vicariatum exercuit.

**N**on pedibus, fed mente valens, dat juffa fedendo;  
Sic refidet Paftor; fic regit aptus Oves.

Aliud

Aliud.

Numquam otiosus; maximæ charitatis in omnes; & semper in motu;  
ut proximis beneficeret; ad invifendum ejus Cadaver mœstus omnis  
populus confluit.

**T**otus amor *stabas*; Te planxit Turba *jacentem*;  
Nunc meliore *situ* fortè fruendo *sedes*.

P. Mag. ANTONIUS MARIA  
Mazzucchius Lucensis 1684.

Pius, & magnus zelator, ac ingenio perspicuus; elapso immediatè die  
festo S. Catharinæ Virginis, & Martyris, cui peculiari affectu in infirmi-  
tatis extremis se commendavit, animam reddidit Creatori.

**D**evotum, Doctumque trahit pia, doctaque *Virgo*;  
Perpetuam *Sortem* firmat amica *Rota*.

P. ISIDORUS REGGIANUS  
Mediolanensis 1684.

Olginatis Conventum diu rexit; de suis laboribus, ac pecuniis ad usum  
concessis, eleganter renovavit, & auxit Ecclesiam, Claustra, & cætera  
Ædificia. Erat Vir exemplaris, zelans, & observantiæ amator, quam  
semper in suis subditis proprio exemplo firmiter, ac tranquillè ad mor-  
tem usque conservavit.

**S**epta Gregis renouat, Virtutum firmat & Arce;  
Divitiis fabricat, moribus ædificat.

Y

P.AL-



P. Baccal. JOSEPH MARIA  
Vianova de Mediolano 1684.

Ingenio vivacissimus, & in speculativis facultatibus promptissimus Theologus. Fuit mirabilis expectationis; sed in ipso adolescentiæ flore decessit.

*Ad Cognomen ipsius & ad Verba Eccl. 24.  
Gyrum Cæli circuire sola &c. & in omni Terra steti.*

Ecce *Viam* peregrina *novam* Sapiencia sumit;  
Sed nimum properans, heu citò complet iter!

P. Mag. LUCIUS MORGONIUS  
de Ferraria 1684.

Aspectu, & ore gravis; frequenter sententias proferens; maturus, ac prudens in Consiliis; Doctus Theologus in Patriâ; omnibus Laureatis carissimus; pro Collegio namque, tum consultationibus, tum opere libentissimè laborabat.

DElphica dicta sapit; lucem dat Lucius ore;  
Et Patriam Daphnin Phœbus amatus amat.

Aliud.

Religiosus summæ modestiæ, ac puritatis. Decumbit die Saturni, & in septimâ moritur, adveniente Veneris die.

Sustinet infirmus lucem cujusque *Planetæ*;  
Ad *Veneris* radium candida vita fugit.

Aliud

Aliud.

Duo ingentia Capita argentea donavit ad ornatum Aræ majoris.  
*Ad illud : Caput ejus aurum optimum . Cant. 5.*

**S**I capita eterno donas argentea Sponso;  
Cui Caput est aurum, centupla dona dabit.

P. Mag. ANTONIUS MARIA  
Borgia de Bononia 1684.

Ferrariæ Regens, Bononiam petit Doctorem Lauream assumpturus;  
sed morte prævenitur.

**Q**ui Divina doces, Laurum ne quære caducam;  
Te in Cœlis tantùm Laurea digna manet.

Aliud.

In Solis occasu eventuram sibi mortem sæpius in morbo dicebat; quæ  
tamen de mane sequuta est.

**S**ole cadente mori timuit, qui splenduit ut Sol;  
Sed mors, quæ vita est, Sole oriente venit.



## Aliud.

Præ nimio bilis excessu paulatim consumitur; morbum intrepidè suffert, & piè moritur, qui cum Davide dicere posset:

*Probasti cor meum, & visitaſti nocte; igne me examinaſti. Pl. 16.*

**B**lle licèt fervens, patienter Fata subivit;  
Sic Deus electum purgat, & igne probat.

P. ALBERTUS BONETTUS  
de Mediolano 1684.

Fidelis, & diligens per longum tempus Procurator sui Conventus Mediolani, & in formandis difficillimis computis infallibilis. Vir pius, charitate, cordis dulcedine, aliisque virtutibus refulgens.

**A**stra, maris guttas numerassent Computa Patris;  
Virtutes proprias Computa nulla dabunt.

## Aliud.

Tenerrima pietatis viscera nutriebat; & nedum erga homines, verùm & bestiolas ipsas ita dulcis corde fuit, ut aliquândo avem ab Amico pro deliciis in caveâ detentam, prece, pretioque redimeret, eique statim libertatem donaret.

*Ad verba Matth. 6.*

*Respicite volatilia Cœli, quoniam non serunt, neque metunt, neque congregant in horrea, & Pater vester Cœlestis pascit illa.*

PATER AVI DANS LIBERTATEM, SIC AD EAM.

**T**E pascit, sed durus amor te carcere stringit;  
Sis Volucris Cœli; sis pia cura Dei.

P. M.

P.M. CAROLUS RUBECCHUS  
de Mediolano 1685.

Moribus modestus, & gratus; multâque dexteritate, ac simul sapien-  
tiâ P. Magistri Joannis Mariæ Benalei Procuratoris Generalis vices te-  
nuit in Curiâ.

*Sermo vester in gratiâ, sale sit conditus. Coloss. 4.*

**E**St gratus, sapiens; Carus fit Carolus Urbi;  
Servit Joanni Gratia, Salque Mari.

Aliud.

*Vocatus a Patriâ in Urbem; & ab Urbe in Patriam rediens, paulò post  
obit.*

**D**E Patre cum Patriâ contendit Patria Roma;  
Hanc dirimit litem Patria vera Poli.

P.M. HYACINT. MELEGARIUS  
de Genua 1685.

Ad ejus perfectam paupertatem; egregiam pietatem; ad Nomen; &  
ad specialem favorem, quo Sanctissimus Dominus noster Papa Innocen-  
tius Undecimus eum prosequutus est, restringendo electionem Vicarii  
Generalis ad septem solos Magistros, & Patrem inter illos nominando.

*Melius est Nomen bonum, quàm divitiæ multæ. Prov. 22.*

**S**Pernit opes, Nomenque pios diffundit odores,  
Roma Patris Nomen comprobat esse bonum.

Aliud



## Aliud.

Vir singularis charitatis in omnes; præcipuè in mendicos, & nudos;  
quibus tegendis proprias Vestes, & indusium ipsum aliquando donavit.

*Induimini Dominum Jesum Christum. Rom. 13.*

*Nudus eram, & operuistis me; venite benedicti Patris mei. Matth. 25.*

**I**mmemor Ipse mei, me nudo, vestio nudos;  
Induo sic Christum; sic memor Ille mei.

P. M. BARTHOLOM. de FERRIS  
à Bononia 1686.

Fuit Regens Studiorum Brixia; postea Venetiis per longum tempus  
disertus Concionator; solers Vicarius Conventus Butricarum in humi-  
do situ ad Padum; pravâ infectus humiditate, in Patriâ brevi moritur.

**F**elsineo Cathedras armavit *Brixia Ferro*;  
Hoc tenet *humiditas*, moxque *rubigo* terit.

## Aliud.

Zelo ductus, frequenter, & altâ voce, si quid mali videbat, liberè, &  
fructuosè reprehendebat.

VOX CLAMANTIS.

**V**ox erat, & *clamor*; vitium sua lingua flagellat;  
Verbaque sic meliùs, verbera facta, movent.

P. IO.

P. JOANNES BAPTISTA  
Tassorellus è Genua 1686.

Inclytæ Genuensis Reipublicæ fidelissimus, expertissimus, & ingentis  
apud ipsam æstimationis per longum tempus Secretarius; inde Christi  
fervus in nostrâ Congregatione. Cum allusione ad Reipublicæ Stemma.

Splenduit Hic semper fidus, prudensque Minister;  
Servit ante *Cruci*, servit & inde *Cruci*.

Aliud.

Excellentissimus totius Cosmographiæ Professor; & in singulis locis,  
ac distantis delineandis accuratissimus; plures optimè instruxit in hac  
materiâ, & multa pariter doctissimè scripsit, & descripsit.

Mensurat digitis Mare, Terras, Astra duobus;  
Fama, Patris calamo, Clima per omne volat.

P. Mag. FRANCISCUS PARMA  
de Brixia Vic. Gener. 1686.

Magnæ gratitudinis in amicos; & in Patrio Statu multæ auctoritatis,  
ac opportunè severus.

*Ejus Insigne Aquila.*

Gratus Hic, atque potens, emit, hamat, amore, rigore;  
Fert *Aquila* Imperium, fortificatque *Leo*.

Aliud



## Aliud.

Magnis expensis in Ecclesiâ Brixia Organa inauravit; & sumptuosissimè Aram Principem exornavit,

**O**rgana nobilitat, sacrumque Altare decorat;  
Congrua sunt Merces, Musica, Mensa Poli.

P.M.FRANCISCUS DEFENDUS  
Rota è Bergamo 1686.

Verborum virtute summo opere animos movebat; affiliatur Conventui Romæ; Arpini moritur.

*Sapiens in verbis, se ipsum amabilem facit. Eccl. 20.*

**R**hetoris arte valens, en Romæ Tullius alter;  
Hunc rapit Arpinum, non genuisse dolens.

## Aliud

Romæ filius, propitiam sortem habuit; sed Arpini moritur, cum esset Prior Conventus Insulæ Regni.

**M**E Lupa nutrit; casum sed Regna dedere;  
Quàm malè Sors varians, voluit ad ima Rotam.

P. MICHAEL BARSOTTUS  
de Luca 1686.

Vir ingenuus, affectuosus, & affabilis. Suæ Cellæ, omnium utensilium, ac ipsius pavimenti munditiem inexplicabili attentione, ac zelotypiâ curabat.

**C**andida Cella, Solumque nitent, & munda Supellex;  
Sed res candidior Cor Habitantis erat.

P. JOANNES ANDREAS  
Carinellus è Florentia 1687.

Peritissimus Astronomus; suisq; Operibus Typos sepe sepius decoravit. Surditate laborabat.

**A**stra videt, Sphærasque capit, cursûsque supernos;  
*Audire harmonias, debilis aure, nequit.*

P. M. HIERONYM. DROGHIUS  
de Parma 1687.

Superior humanus, zelans, & providus in Patriâ; nec non SS. Inquisitionis Consultor.

**S**um Gregis, & Fidei *Consul* pius, atque fidelis;  
Junctus amor zelo, *Virga*, *Securis* erant;  
Z Aliud



*Aliud.*

Religiosissimè moritur die Sabbathi, Carmelitarum Animabus propitio; cum esset proximus morti, sibi visum est audire Aves dulciter canentes.

**M**Ox erit huic Animæ præsens Aurora beata;  
Cœlica vox avium nunciat ecce diem.

P. Mag. CAROLUS MANZINUS  
de Regio 1688.

Suum Conventum prudentissimè rexit, & fuit Sanctissimæ Inquisitionis Consultor.

**R**ectè consului, Rector, Consultor amatus;  
Nam benè me rexi, consuluique Deum.

*Aliud.*

Fuit pius, & exemplaris; & fatis amplum Volumen, Carmelitanæ Religionis Annales continens, eruditè composuit.

**C**laustra colo, gestisque piis, calamoque fideli;  
Do sapiens Librum, Factaque digna Libris.

P. M.

P. Mag. ALEXIUS OBELISCUS  
de Bononia 1688.

Pecuniæ contemptor, & paupertatis amator, multâque virtute præditus.

Vixit inops; thesaurus ei fuit unica Virtus;  
Quin, ipsum renovans, hæc *Obeliscus* erit.

Aliud.

Varia, & satis longa peregit itinera; multis Conventibus, de uno in alium se transferens, inservivit; in diversis mechanicis Artibus animi gratiâ se exercebat; Fuit dignus Regens in Patriâ; multa laudabiliter scripsit; erat efficax Prædicator, & totum Psalterium, nec non cujuslibet Bibliorum Capituli proprium numerum memoriter retinebat.

A Ut peragro, aut operor, vel disputo, scribo, vel oro;  
Siltere Mercurium Mors valet una meum.

P. JOANNES ANTONIUS  
Disdottus Bergomensis 1688.

Vigilantissimus, & in calami computis versatissimus Procurator Monasterii reformati S. Lucie Castellinæ; ejus Officium solvendaolvere, exigenda exigere, & quietantias facere pro Conventu. Quasi semper in Hospitio Florentiæ ad hunc finem degebat; & licet assiduè cum sæcularibus pro solutionibus, & absolutionibus faciendis tractaret, simul tamen plurium nobilium Civitatis Penitentium, suæ curæ ab Alberto de Leonibus in morte commendatorum, Confessionibus frequenter, & diligentissimè assistebat.

Solvit, & absolvit manus unica computa dupla;  
Computa cum Mundo, computa cumque Deo.



P. BARTHOLOM. de MAZZEIS  
Lucensis 1688.

Fraternâ charitate in summo gradu flagrabat. Vitæ communis amantissimus, ut ipsâ frueretur, in Conventu reformato S. Luciae ad Castellinam totum ferè suæ vitæ cursum complevit. Singulari etiam fulgens humilitate, oblata sæpius Gubernia constanti semper animo recusavit.

**N**on sibi vivit Amans; placuit *Communio* Vitæ;  
Esse cupit *Frater*, noluit esse *Pater*.

P. Mag. ANGELUS GABRIEL  
Natter à Bononia 1688.

Ex Alemanicâ Origine; S. Theol. Mag. & Doctor Bononiensis, ad quos Gradûs in Mantuæ Studiis se disposuit; erat etiam Serenissimi Ducis Mantuæ Theologus; animarum curam gessit in Urbe; deinde fuit Procurator Generalis Congregationis; tandem ad Cellæ quietem Bononiam progressus, ibi non multum post tempus obdormivit in Domino.

**S**tirps Alemana fuit; Literis lac Mantua præbet;  
Roma dedit *Curas*; Felsina fert *Requiem*.

Aliud.

Oriundus ex Germaniâ, Bononiæ verò in Italiâ natus; moribus, & verbis fatis rudis, & ingenuus; pro Amicis constans, & fideliter laborans, ita ut à P. Mag. Jo. Paulo Bellino per antonomasiam diceretur: *Natter fidelis*.

**N**on Germanus erat, quem protulit Hespera Tellus;  
Sed *Germanus* erat, *more*, *labore*, *fide*.

Aliud

Aliud.

De aliquo, etiam sibi noto, quæsitus, tamquam novus homo semper respondebat, & de omnibus dubitans, interrogabat: *Quomodo est hoc?*

**S**Cit nescit, semperque sibi nova cuncta videntur;  
Mundi nam semper dat dubitare fides.

P. M. LUDOVICUS de ÆMILIIS  
à Brixia 1689.

In sacris Literis, Jure divino, & Positivo, Canonibus, Casibusque conscientiae versatissimus; in audiendis Confessionibus indefessus; & poenitentium animas in Cælum prudentissimè dirigens.

**B**iblica, Jus Cœli, Canones, Moralia callet;  
Cunctas, Dux populi, novit ad Astra vias.

P. Mag. FRANC. MEDULACUS  
de Bergamo 1689.

Sæpe Prior in Patriâ, & alibi; rectè semper gubernavit. Utroque pede notabiliter contortus erat.

**R**Exit Oves, claudusque licèt, benè duxit ad Astra;  
Est Caput Hic rectum, qui Pede flexus erat.

Aliud



## Aliud.

Fuit etiam vigilantissimus Socius Vicarii Generalis; omnibus Congregationis negotiis attentissimus; multis dotibus ornatus supremam meruit Dignitatem, quam tamen, ob pedum fortasse deformitatem, non est assequutus.

*Ad Pavonis Proprietatem.*

**C**entoculus Præsul meritorum lumina pandit;  
Pavo sed est humilis, respiciendo pedes.

P.M. BERNARDINUS PAULUS  
de Luca 1690.

Perfectæ Vitæ communis in Conventu S. Jo: Baptistæ Viterbii ardens Promotor, & Fundator. Cunctis omnino subsidiis ad tantam rem necessariis destitutus, & in solo Deo spem firmans, viriliter opus aggreditur; Ejus rectæ intentioni Eminentissimus Cardinalis de Maximis faultem. ex geniali pietate favere incipit, ac multa commoda suppeditat, ex quibus postea religiosa illa Communitas mirè profecit.

*Ad Cognomen, & ad illud Pauli 2. Cor. 6. Nihil habentes, & omnia possidentes.*

**M**aximus est animo; vires huic *Maximus* addit;  
*Pauli* paupertas nil habet, omne tenet.

Aliud

## Aliud.

Egregiâ humilitate fulgebat. Pro renovandâ Observantiâ elegit pauperem, humilemque Conventum Viterbii, qui ad radices cujusdam clivuli Civitatis est situs; ibique, nec non in Conventu S. Chryslogoni Romæ, qui pariter est Redditibus tenuis, & in humili loco trans Tiberim positus, Vitam communem instituit; & vigilans Pastor utrumq; Ovile prudentissimè rexit. Creatus denique Prior reformati Monasterii S. Lucie ad Castellinam, quod super Montes in Florentinâ Diœcesi confurgit, in ipso regimine piâ morte decessit.

*Ad Lucæ Verba 14. Qui se humiliat exaltabitur.*

**I**Ma colit vivens; pia Fata in Monte subivit;  
Post *humilem* Vitam non nisi *celsa* manent.

P. Mag. JOSEPH RUFFETTUS  
Brixienfis 1690.

Socius Vicarii Generalis, optimis Consiliis amorem, & pacem fovere studuit. Amatus non minùs, quàm amans Pastor in Patriâ, dulce gubernium exercuit.

*Stemmata Patris igneas Linguas de Cælo cadentes exhibent.*

**C**onsulat, aut jubeat, parit, excitat, auget amores;  
Assistit Patri *Flammea* *Lingua* Poli.

## Aliud.

Sincerus nedum, & fidus Amicus, verùm etiam pro Communi concordia ex genio semper laborans. Duriore animos efficacibus, & suaviter deductis rationibus superare, atque ad amorem allicere studiosè curabat.

*In Ejus Stemmate relucet pariter Igniarium.*

**P**ercutit, & *Duros* vincit *Vox fortis* amore;  
Ut caleant *Silices*, fit sua *Lingua Chalybs*.

Aliud



## Aliud.

Sanctissimæ Inquisitionis Consultor, laudabiliter, & proficuè tantò munere fungitur.

*Ad prædictum Igniarii, & Linguarum Insigne.*

**C**onsiliis terrens, Phlegetontis Monstra fugavit;  
Ignitas Linguas Infera Flamma timet.

## Aliud.

Dum esset Socius Vicarii Generalis, ultima Fata subivit; unde immaturus dilecti Patris decessus communi mœstitiâ defletur.

*Allusio ad amantissimum Ipsius genium, & ad Aviti Stemmatæ Ignem.*  
RELIGIOSI OMNES AD PATRIS TVMVLVM FVNDENTES LACRYMAS, ITA  
EIVS AMOREM MEMORANT, ET IMPLORANT.

**P**Ax Tibi, Pacis Amans; Ah nos ne defere; Corda  
Ignibus ure tuis, o pretiose Cinis.

## Aliud.

Morum probitate, scientiarum ornamento, cæterisque animi dotibus redimitus, velut hujus *Musei* Patrum Epilogus, ultimus obdormivit in Domino.

**N**VNC DECVS OMNE PATRV MORS VNO IN PRÆSVLE TOLLIT;  
CÆCA, NIMIS DVRO FINE CORONAT OPVS.



# SACRI MUSEI

## MANTUANÆ CONGREGATIONIS

### CARMELITARUM

E G R E S S V S.

Excusatio, quod non omnes conspicui Patres  
Congregationis, sive insciantes, sive  
inadvertenter in hoc Museo  
includantur.

*Alluditur ad Nomen Helia, & ad ingentem ejus Prolis propaginem.  
Numera Stellas, si potes, sic erit semen tuum. Gen. 15.*

**E**st Sol Helias; Nati sunt Sidera; multos  
Musa tacet; Stellas nam numerare nequit.

Adhortatio, ut Congregati Carmelitæ viven-  
tes egregia Prædecessorum gesta imitentur.

*Ad peculiarem inter se Fraternitatem Carmelitarum propter Filiatio-  
nem Beatiss. Matris de Monte Carmelo.*

*Accipe, Fili dilectissime, hoc tui Ordinis Scapulare, meæ Confraternitatis  
Signum. SS. Virgo ad S. Simonem Schoc.*

**P**ost obitum Fratres pretiosa exempla relinquunt;  
Vos, veri heredes, Fratris adite bona.

A a

Au-



Augurium spiritualis prosperitatis omnibus  
Carmelitis sub Sidere SS. Virginis , &  
Astris Alteriis .

Stellæ septem perficiunt Plejadas, earum sex oculis nostris visibiliter  
patent, septima verò, quasi velo cooperta vix apparet.

*Numquid conjungere valebis micantes Stellæ Plejadas.* Job. 38.

*Ave, Maris Stella.* Eccl.

EXCITANTVR CARMELITÆ.

**J**ungitur, ut faveat, *sex Astris Virginis Astrum;*  
*Vergiliæ surgunt; prospera Vela date.*

Idem augurium.

*Alluditur ad Serenissimum Ducem Mantuæ, undè Congregatio denomi-  
natur; ad Illius Gentilitium Stemma, & ad Helia Nomen, quasi Helios, So-  
lem significans.*

**H**eliades, fors fausta diu; Vos Juppiter effert,  
Diliget & Solem Regia semper Avis.

Sub eadem protectione Carmelitis erit ad  
Cœlum facilis Via .

*Allusio ad Heliam Carmelitarum Patrem, & ad Gentilitia Stemmata  
Eminentissimi, & Reverendiss. Cardinalis de Alteri's Protectoris, ac Seren-  
issimi Ducis Mantuæ, undè Congregatio denominata.*

*Verbum ipsius quasi facula ardebat.* Eccl. 48.

AD FILIVM HELIANVM,

**L**umina dant Aquilæ, Faculam Pater, Astraque lucem;  
Quàm clarè ad Cœlum, Nate, videbis iter!

Om

Egressus.

183

Omen Cœlestis beatitudinis Congregationi  
de Observantia .

*Carmelita Beatissimam Virginem adeò venerari cœperunt, ut primi omnium in eo Montis Carmeli loco, ubi Helias olim ascendens Nebulam Virginis typo insignem conspexerat, eidem purissimæ Virgini Sacellum construxerint. Sac. Rit. Congr. in Lect. pro Commemoratione Solemni.*  
*Beatus qui vigilat ad fores meas quotidie, & observat ad Postes Ostij mei.*  
Prov. 8.

AD OBSERVANTES CARMELITAS .

**A**D Postes observet Amor ; persistat & ardens ,  
Ingressum Cœli Ianua grata dabit .



A a 2

Pro-



*Protestatio Authoris iuxta decreta Fel. recordat.  
Urbani VIII.*

**L**ector adverte in Elogiis Virorum Illustrium, quos hoc Libro complexus sum, nonnulla me obiter attingere quæ Sanctitatem ipsis videantur adscribere. Verùm omnia ita meis lectoribus propono, ut nolim ab illis accipi tanquam ab Apostolicâ sede examinata, atque approbata, sed tanquam, quæ à solâ suorum Auctorum fide pondus obtineant; atque adeò non aliter quàm humanam historiam. Proinde Apostolicum S. Congregationis S. R. & universalis Inquisitionis Decretum anno 1625. editum, & anno 1634. confirmatum integrè, atque inviolatè, iuxta declarationem ejusdem Decreti à S. D. N. Urbano Papa VIII. anno 1631. factam, servari à me omnes intelligant, nec velle me vel cultum, aut venerationem aliquam per has meas narrationes ulli arrogare, vel famam, & opinionem sanctitatis inducere, seu augere, nec quidquam eis existimationi adjungere, nullumque gradum facere ad futuram aliquando ullius Beatificationem, vel Canonizationem, aut comprobationem, sed omnia in eo statu à me relinqui, quem, seclusâ hac meâ lucubratione, obtinerent, non obstante quocunque longissimi temporis cursu. Hoc sanctè profiteor, quàm decet eum, qui S. Sedis Apostolicæ obedientissimus haberi filius cupit, ac ab eâ in omni scriptione suâ, & actione dirigi.

SA--

185

# SACRI MUSEI PATRUM INDEX.

## A

<b>A</b> Damus de Laurentis à Ferrara.	pag. 121
Adamus Redinus è Florentia.	124
Emilius Bondeus de Bononia.	145
Emilius Pannolinus de Bononia.	69
Albertus Bonettus de Mediolano.	168
Albertus Dielaitus Bononiensis Vic. Gen.	84
Albertus de Drachis Brixienfis.	67
Albertus Lechus de Brixia.	53
Albertus de Leonibus Mantuanus.	108
Albertus Menghius à Coriglio Vic. Gen.	140
Albertus Priami Lucensis.	83
Albertus Rebuffonius Brixienfis.	164
Albertus Riccius de Mutina.	125
Albertus Scacchinus de Parma.	152
Albertus Tomafellus de Salodio.	97
Alexander Coactus de Ferrara.	119
Alexander Stroppa de Brixia.	158
Alexius Obeliscus de Bononia.	175
	Ale-



<i>Alexius Porrus de Mantua Vic. Gen.</i>	70
<i>Alphonſus de Gálantis à Brixia.</i>	121
<i>Andreas de Averaria Bergomensis.</i>	26
<i>Andreas Summaripa de Mantua.</i>	108
<i>Angelus Albertus de Sacchis à Bononiâ.</i>	127
<i>Angelus Auguſtinus unus ex primis Fundatoribus.</i>	6
<i>Angelus Benazzolus Brixienſis.</i>	134
<i>Angelus Cambius de Florentia.</i>	111
<i>Angelus Capreolus à Brixia Vic. Gen.</i>	17
<i>Angelus Gabriel Bertachius Lucenſis.</i>	115
<i>Angelus Gabriel Cigarinus de Bononia.</i>	93
<i>Angelus Gabriel Natter à Bononia.</i>	176
<i>Angelus Moneſius de Mutina.</i>	114
<i>Angelus Robertus Laurentus de Bononia Vic. Gen.</i>	101
<i>Angelus Robertus Roſa Venetus.</i>	119
<i>Angelus Rubeus de Bergamo.</i>	59
<i>Angelus Si-vorus de Genua.</i>	104
<i>Angelus Scamnus de Mediolano.</i>	79
<i>Angelus Sinibaldus de Ferrara.</i>	133
<i>Antonius de S. Agnetæ Ferrarienſis.</i>	23
<i>Antonius de Averaria Vic. Gen.</i>	30
<i>Antonius de Bersaninis à Mutina.</i>	139
<i>Antonius Caſtellanus de Ferrara.</i>	95
<i>Antonius de Fonte Vic. Gen.</i>	9
<i>Antonius de Francia Vic. Gen.</i>	13
<i>Antonius Galganius de Luca Vic. Gen.</i>	114
<i>Antonius Maria Borgia de Bononia.</i>	167
<i>Antonius Maria Mazzucchiſ Lucenſis.</i>	165
<i>Antonius Maria Medio-villanus de Bononia.</i>	90
<i>Antonius Pettinariſ de Novellaria.</i>	145

An-

# INDEX.

187

Antonius Riccius de Novellaria Vic. Gen.  
Archangela de Tridino.  
Archangelus Comasus de Tridino.  
Aurelius Pesentius de Soncino.  
Aurelius Regninus de Crema Vic. Gen.

41  
24  
101  
95  
73

## B

**B** Althasar Fontana de Bononia.  
Balthasar Insulanus de Bononia.  
Balthasar Rustichellus de Bononia.  
Baptista Ferrarius de Riparolo.  
Baptista Furnarius de Mantua.  
Baptista Guarinus de Soncino.  
Baptista Hispaniolus de Mantua Vic. Gen.  
Baptista Panetius de Ferrara Vic. Gen.  
Bartholomæus de Fantis a Mantua.  
Bartholomæus de Ferris à Bononia.  
Bartholomæus de Mazzeis Lucensis.  
Bartholomæus Zubinus de Brixia.  
Benedictus de Herculaniis à Bononia.  
Benedictus de Brixia.  
Benedictus Burlamachius de Luca.  
Bernardinus Ascanius de Brixia.  
Bernardinus Franciscus Gottanus à Bononia.  
Bernardinus Pardus de Luca.  
Bernardinus Paulus de Luca.  
Bernardinus Ruina de Ferrara.

pag. 40  
32  
50  
71  
89  
65  
17  
19  
20  
170  
176  
81  
22  
34  
137  
142  
157  
165  
178  
141

Ca-



## C

<b>C</b> æsar Benvenutus de Ferrara.	pag. 103
Cæsar Benzonus de Mantua.	95
Camillus Avancius de Gubernulo Mantuanus.	49
Camillus Magnanus de Cento.	82
Carolus Clemens Cerrus de Casali Vic. Gen.	120
Carolus Manzinus de Regio.	174
Carolus Rubecchus de Mediolano.	169
Carolus à Turre de Mantua.	123
Cherubinus Ferrarius de Mediolano.	86
Christophorus Orsellius Parmensis.	164
Chrysogonus Bocca Romanus.	84
Claudius Perinus de Parma.	74
Claudius Pierottus de Luca.	76
Claudius Siccus de Caravagio.	46
Claudius Surchius de Ferrara.	132
Clemens Gherardinus de Parma.	72
Clemens Oli-va de Parma.	98
Constantius Vlmus de Brixia.	102
Cornelius Bonettus de Soncino.	94

## D

<b>D</b> avid Ronslus de Ferrara.	102
David Maria Maletta de Genua.	116
Deodatus Bazzonus de Bononia.	76
Dominicus Fabrettus de Ferrara.	146
Dominicus Maria Pulzonius de Bononia Vic. Gen.	96
Do-	

# INDEX.

189

*Dominicus Massonius Lucensis Vic. Gen.*  
*Dominicus Muggianus è Mediolano Vic. Gen.*  
*Dominicus Rota Vic. Gen.*

105

137

94

## E

**E** *Liseus Bonettus à Mediolano.*  
*Eliseus Floravantus de Bononia.*  
*Eustachius de Salodio.*

138

79

95

## F

**F** *Ranciscus Castellanus à Bononia.*  
*Franciscus Defendus Rota e Bergamo.*  
*Franciscus de S. Felice Vic. Gen.*  
*Franciscus Maria Pugnatus e Bononia.*  
*Franciscus Maria Serbellonus de Mediolano.*  
*Franciscus Medulacus de Bergamo.*  
*Franciscus Parma de Brixia Vic. Gen.*  
*Franciscus Quistellus de Mantua.*  
*Franciscus Thomas de Francia.*

105

172

28

98

115

177

171

95

1

## G

**G** *Abriel Ravasinus de Bononia Vic. Gen.*  
*Georgius Clera de Brixia.*  
*Georgius Pantaleonius de Luca.*  
*Georgius Vercellonius de Mediolano Vic. Gen.*  
*Gigus de Francia Præsident Gen.*  
*Giltertus de Bornonis à Bononia.*  
*Guillelmus de Burgo Vic. Gen.*  
*Guillelmus de Fonte Præsident Gen.*

74

150

87

72

2

136

16

7

B b

Her-

103

95

49

82

120

174

169

123

86

164

84

74

76

46

132

72

98

102

94

102

116

76

146

96

0-



## H

<b>H</b> <i>Ercules Lambertus de Ferraria.</i>	162
<i>Hieronymus Droghius de Parma.</i>	173
<i>Hieronymus Feroldus de Brixia.</i>	99
<i>Hieronymus Painellius de Godio Vic. Gen.</i>	51
<i>Hieronymus Pelagallus de Asculo.</i>	132
<i>Hyacinthus Melegarius de Genua.</i>	169
<i>Hyacinthus à Turre Asculanus.</i>	131
<i>Horatius ab Horatijs de Bononia.</i>	111
<i>Horatius Pedemons de Mantua.</i>	45

## I

<b>I</b> <i>Iacobus Antonius Basalea de Mantua.</i>	95
<i>Iacobus Maruffus e Venetijs.</i>	151
<i>Iacobus Mazzolus de Mutina Vic. Gen.</i>	116
<i>Iacobus Pontius de Luca.</i>	115
<i>Ioanna Scopelli de Regio.</i>	22
<i>Innocentius Baldus de Bononia.</i>	68
<i>Ioannes Andreas Carinellus è Florentia.</i>	173
<i>Ioannes Angelus Caprianus de Mantua.</i>	46
<i>Ioannes Angelus Coradelius de Brixia Vic. Gen.</i>	30
<i>Ioannes Antonius Disdottus Bergomensis.</i>	175
<i>Ioannes Antonius de Rodigio.</i>	95
<i>Ioannes Baptista de Aquipendio.</i>	103
<i>Ioannes Baptista Catalanus à Bononia.</i>	133
<i>Ioannes Petrus Bocchius de Florentia.</i>	124
<i>Ioannes Petrus Bonettus de Alzano Bergomensis.</i>	89
<i>Ioannes Petrus de Caravagio Vic. Gen.</i>	39
<i>Ioannes Baptista Consalonius de Mediolano Vic. Gen.</i>	41

Ioan-

# INDEX.

191

	<i>Ioannes Baptista Contugus de Ferrara.</i>	54
	<i>Ioannes Baptista Draghius de Roma.</i>	102
162	<i>Ioannes Baptista Franceschinus de Mutina.</i>	134
173	<i>Ioannes Baptista Frumentus è Mediolano Vic. Gen.</i>	52
99	<i>Ioannes Baptista Granellus Vic. Gen.</i>	33
51	<i>Ioannes Baptista Guarguantus de Soncino.</i>	157
132	<i>Ioannes Baptista Marinus de Albino.</i>	43
169	<i>Ioannes Baptista Palla-vicinus aliàs de Gentilibus à Bononia.</i>	36
131	<i>Ioannes Baptista de Pavonibus à Salodio.</i>	89
111	<i>Ioannes Baptista Pezzoli de Novellaria.</i>	99
45	<i>Ioannes Baptista de Piscibus à Cremona.</i>	160
	<i>Ioannes Baptista Pofanus de Mantua.</i>	136
	<i>Ioannes Baptista Tafforellus e Genua.</i>	
95	<i>Ioannes de Bardinis à Re-vero.</i>	24
151	<i>Ioannes Burgofortus de Mantua.</i>	96
116	<i>Ioannes Chrysofthomus Berzuinus de Ferrara.</i>	136
115	<i>Ioannes de Fonte Pres. Gen.</i>	4
22	<i>Ioannes Franciscus Ganacetus à Mutina.</i>	139
68	<i>Ioannes Franciscus Palea Bononiensis.</i>	117
173	<i>Ioannes Franciscus Renatus Mantuanus.</i>	123
46	<i>Ioannes Maria Martinellus Florentinus.</i>	135
30	<i>Ioannes Maria de Nave à Mediolano.</i>	121
175	<i>Ioannes Maria Pensa de Mantua.</i>	92
95	<i>Ioannes Maria Veratus de Ferrara.</i>	40
103	<i>Ioannes Hus Vic. Gen.</i>	10
133	<i>Ioannes Paulus Bellinus a Mantua Vic. Gen.</i>	122
124	<i>Ioannes Paulus Donatus de Mantua.</i>	65
89	<i>Ioannes Petrus de Anselmis à Mantua.</i>	93
39	<i>Ioannes Petrus Beccaria de Mediolano.</i>	99
41	<i>Ioannes Petrus Chizzolla de Riparolo.</i>	69

B b 2

Ioan-



<i>Ioannes Petrus Lucatellus de Bononia.</i>	113
<i>Ioannes Petrus Montecalvus à Bononia.</i>	127
<i>Ioannes Riccius à Bononia.</i>	128
<i>Ioannes de Vienna Præs. Gen.</i>	3
<i>Ioseph de Fabris à Bononia.</i>	146
<i>Ioseph Guastalla de Parma.</i>	161
<i>Ioseph Iulius è Mediolano.</i>	158
<i>Ioseph Maria Vianova de Mediolano.</i>	166
<i>Ioseph Martinellus de Mantua.</i>	143
<i>Ioseph Ruffettus.</i>	179
<i>Ioseph Tosius de Ferraria.</i>	126
<i>Iovita Gorzonius de Brixia Vic. Gen.</i>	55
<i>Iovita Trivellinus de Brixia.</i>	87
<i>Isidorus Reggianus Mediolanensis.</i>	165
<i>Iulianus de Brixia Vic. Gen.</i>	12
<i>Iulianus Sylva de Regio Vic. Gen.</i>	130
<i>Iulius Leonius de Bononia.</i>	87
<i>Iulius de Lottinis à Florentia.</i>	140
<i>Iulius Superchius de Mantua Vic. Gen.</i>	48

## L

<b>L</b> <i>Lactantius Domaninus de Mantua Vic. Gen.</i>	62
<i>Lactantius Simeonius de Mantua.</i>	142
<i>Laurentius Mantachetus de Bononia.</i>	46
<i>Laurentius de Montinis Lucensis.</i>	104
<i>Lucius Morgonius de Ferraria.</i>	166
<i>Lucretius Manfredinus de Carbonaria Vic. Gen.</i>	56
<i>Lucretius Tyroboscus de Asula Vic. Gen.</i>	60
<i>Ludovicus de Aemilijs à Brixia.</i>	177
<i>Ludovicus de Cervis à Bononia.</i>	97

Lii-

# INDEX.

193

*Ludovicus de Cremona Vic. Gen.*

14

*Ludovicus Maria de Vecchis à Bononia.*

126

## M

**M** *Arius Dulcinus de Bononia.*

112

*Marcus Antonius Belvisus de Vercellis Vic. Gen.*

82

*Marcus Antonius de Bernardis à Bononia.*

118

*Marcus Antonius Cattaneus de Parma Vic. Gen.*

44

*Marcus Antonius Martinellus de Parma.*

100

*Marcus Antonius de Plodis à Bononia.*

51

*Marcus Antonius Porta de Tridino.*

102

*Marcus Antonius Smeraldus de Parma.*

68

*Marcus de Milanis à Mutina.*

152

*Marsilius Andreasius de Mantua.*

42

*Marsilius Caccia de Mantua.*

67

*Martinus de Bergamo Vic. Gen.*

15

*Martinus Bisancinettus de Mediolano.*

130

*Matthæus de Michelis Lucensis.*

151

*Mauritius de Girunda Præsid. Gen.*

5

*Mauritius de Valesio Præsid. Gen.*

7

*Michael Barsottus de Luca.*

173

*Michael Burattus de Bononia Vic. Gen.*

85

*Michael de Herculanis à Bononia.*

22

*Michael Mansius de Luca.*

111

*Michael Vernitius de Bononia.*

117

*Modestus Rudolphinus de Cento.*

50

## N

**N** *Nicolaus Adamus de Mutina.*

125

*Nicolaus Blancus Lucensis.*

118

NI-



<i>Nicolaus Capellus Lucensis.</i>	120
<i>Nicolaus de Girolamis Romanus.</i>	124
<i>Nicolaus Roccius de Salodio.</i>	84
<i>Nicolaus à Volta Mantuanus.</i>	47

## O

<b>O</b> <i>Octavianus Copellus de Soncino.</i>	56
<i>Octavianus Sangallus de Soncino Vic. Gen.</i>	42
<i>Octavius Burgosfortus de Mantua.</i>	95
<i>Octavius Franzonus de Brixia.</i>	142

## P

<b>P</b> <i>Aulus de Agolantis à Ferrara.</i>	113
<i>Paulus Antonius Bo-vius e Bononia.</i>	147
<i>Paulus Brunellus de Pomponisco Vic. Gen.</i>	77
<i>Paulus de Carbonaria.</i>	44
<i>Paulus de Gattis à Luca.</i>	148
<i>Paulus Herculeffius de Ferrara.</i>	104
<i>Paulus Lignanuss Ferrariensis.</i>	50
<i>Paulus de Mastinis a Mantua Vic. Gen.</i>	31
<i>Paulus Pacificus de Parma. Vic. Gen.</i>	53
<i>Paulus Rosssettus de Ferrara.</i>	77
<i>Paulus de Tussignaniss à Bononia.</i>	113
<i>Peregrinus de Re-vero.</i>	19
<i>Petronius Ducius à Bononia.</i>	139
<i>Petronius de Iacobis à Bononia.</i>	10
<i>Petrus de Grecis Brixienfis Vic. Gen.</i>	38
<i>Petrus Magnus de Riparolo Vic. Gen.</i>	34
<i>Petrus de Novellaria Vic. Gen.</i>	27
<i>Petrus Nubilarius de Mantua.</i>	29

Pe-

# I N D E X.

195

120	<i>Petrus Stephanus de Francia Primus Vic. Gen.</i>	8
124	<i>Petrus Thomas de Saracenis à Bononia.</i>	106
84	<i>Petrus Trauersinus de Mantua Vic. Gen.</i>	26
47	<i>Philippus Castagnolus de Bononia Vic. Gen.</i>	80
	<i>Philippus Originus à Mediolano Vic. Gen.</i>	100
	<i>Philippus Pacaronus de Firmo.</i>	133
56	<i>Placidus de Albino Vic. Gen.</i>	35
42	<i>Ptolomæus de Ptolomeis à Ferrara.</i>	74
95		

## R

142	<b>R</b> <i>Aphael Ferrarius de Mediolano.</i>	83
	<i>Raphael Rustichellus de Bononia.</i>	48
113	<i>Remigius Alexandrinus de Prato Alboini Vic. Gen.</i>	57
147	<i>Renatus Brugnatellus de Bononia.</i>	81
77	<i>Rubinus de Francia Præsid. Gen.</i>	3
44		

## S

148	<b>S</b> <i>Sebastianus Burghius à Bononia Vic. Gen.</i>	125
104	<i>Sebastianus Castellus de Mutina.</i>	163
50	<i>Sebastianus Torellatus de Florentia.</i>	144
31	<i>Seraphinus Georgius de Luca.</i>	149
53	<i>Seraphinus Monzonius de Luca Vic. Gen.:</i>	68
77	<i>Seraphinus Vanninius de Luca.</i>	127
113	<i>Sigismundus Gnolus de Ferrara.</i>	141
19	<i>Sigismundus Ognibenius de Parma Vic. Gen.</i>	91
139	<i>Syluester Ecclesia de Genua.</i>	81
10	<i>Syluester de Mantua.</i>	56
38	<i>Sylvius Biasolius de Ferrara.</i>	91
34		

## T

27	<b>T</b> <i>Theodorus Bachinus de Mantua.</i>	70
29	<i>Theodorus Bargellinus de Ferrara.</i>	97

Theo-



<i>Theodorus Cambius de Mantua Vic. Gen.</i>	88
<i>Theodorus Gaspardonus de Casali.</i>	92
<i>Theodorus Gorzonius de Brixia Vic. Gen.</i>	75
<i>Theodorus Mafius de Mantua Vic. Gen.</i>	46
<i>Theodorus Muggianus è Mediolano.</i>	131
<i>Theodorus Qualea de Mantua.</i>	103
<i>Thomas de Caravagio Vic. Gen.</i>	14
<i>Thomas Justus de Luca.</i>	75
<i>Thomas de Passerottis à Bononia.</i>	43
<i>Thomas Vitalis de Vitalibus à Bononia.</i>	108
<i>Timothei (duo) de Finali.</i>	28

## V

<b>V</b> <i>Alentinus Mandulus de Ferrara Vic. Gen.</i>	89
<i>Vincentius Carignanum de Luca.</i>	149
<i>Vincentius Cornelius Guarguantus à Soncino.</i>	71
<i>Vincentius Marsius de Mantua.</i>	23
<i>Vincentius Seriolus de Brixia.</i>	147
<i>Vincentius Siccus de Luca.</i>	117
<i>Vincentius Signorius de Salodio.</i>	143
<i>Virginus Benti-volus de Bononia Vic. Gen.</i>	66
<i>Virginus Palæotus à Bononia.</i>	135
<i>Virginus à Sole de Ferrara.</i>	64
<i>Vitalis Palatius de Bononia Vic. Gen.</i>	78
<i>Vitalis Palatius Iunior de Bononia.</i>	151

## Z

<b>Z</b> <i>Acharias Bergomellus de Albino.</i>	77
<i>Zacharias Bigonius de Bergamo.</i>	152
<i>Zacharias Marinus de Brixia.</i>	58

F I N I S.

*Vid. Don Paulus Carminatus Cler. Regularis S. Pauli in Metrop.  
S. Petri Bononiæ Pœnit. pro Illustrissimo, & Reverendiss. D.  
D. Jacobo Boncompagno Archiepisc. Bononiæ, & Principe.*

*Jubente Reverendissimo Patre Magistro Paulo-hieronymo Giac-  
coni Inquisitore Bononiæ, Opus hoc inscriptum -- Sacrum Mu-  
seum Mantuanæ Congregationis &c. diligenter, ac attentè le-  
gi, nihilo prorsus in Catholicam Fidem, Principes, aut bonos  
mores adinvento; quamobrem, ut imprimi possit, dignum du-  
co: eritquè, cunctis patens, celebre ad Virtutes incitamentum,  
non minus, quam pientissimæ dulcedinis Reverendiss. P. M. Cle-  
mentis-mariæ Felini Authoris mirabile testimonium. Ita ma-  
nu propria refero Kal. Nouemb. M. DC. XC.*

*Ego Bartholomæus Cæsius I. V. D. Collegiatus Protonotarius Apo-  
stolicus S. Petronii Canonicus SS. Inquisitionis Consultor  
Examinator Synodalis.*

*Stante supraposita attestatione*

*Imprimatur*

*F. Pau'us Hieronymus Giacconus Inquisitor Bononiæ.*


23.221


2

005267503


88  
92  
75  
46  
131  
103  
14  
75  
43  
108  
28  
  
89  
149  
71  
23  
147  
117  
143  
66  
135  
64  
78  
151  
  
77  
152  
58











200



— SACRA

NOVA

F.





